

AZ.
QUELE III

III*

BIBL. NAZ.
VITT. EMANUELE III

XXVIII*

B

59

NAPOLI

LVII



XXVIII*

B

59.

LVI
88
90

(15)

三
九
八

三
九
八

GEORGII.
FABRICII
ROMA

EDITA

DENVO

Cura

L. G. L. H.

Ex libris, Dni Philippi Jacobi Pin, Comitis



HELMSTADI,
Typis & Sumptibus JOHANNIS HEITMULLERI
Anno clc l3 c LXX.



INDEX CAPITVM.

CAP. I.

De authoribus, qui de Roma scripserunt.

CAP. II.

De Situ & ambitu, item de gloria atque interitu Urbis.

CAP. III.

De Montibus, à quibus urbs additi, quæ
loca adiacentia habeant, quot no-
minibus, & unde sint appellati.

CAP. IV.

De Portis Veteris novæque urbis, quam
variis nominibus eadem appella-
tæ.

CAP. V.

De viis intra & extra Urbem.

CAP. VI.

De regionibus & tribubus,

CAP. VII.

De foris, ad splendorem Urbis, & hominum necessitatem factis.

CAP. IIX.

De Campis.

CAP. IX.

De templis gentilium, in templa Divorum mutatis.

CAP. X.

De templis sacellisque veteribus, quæ ab aliis omiſſa ſunt.

CAP. XI.

De domibus quorundam doctorum.

CAP. XII.

De theatris, circis, odeis, ſtadio, xyſto, item de factionibus aurigantium.

CAP. XIII.

De Porticibus.

CAP. XIV.

De Arcubus Triumphalibus & triumphis.

CAP.

CAP. XV.

De Tiberi, & fluviis urbis: & de ornamen-
tis fontium, ac naumachiis.

CAP. XVI.

De Pontibus Tiberinis,

CAP. XVII.

De Aqueductibus, quorum vestigia nunc
scintur extare

CAP. XVIII.

De balneis & nymphæis.

CAP. XIX.

De thermis:

CAP. XX.

De locis sepulchrorum, & de insignibus
quibusdam sepulchris: item de se-
pulchrorum ornamentis, ac ratio-
ne conditarum urnarum.

De iis, quæ nunc in urbe sunt præcipue
visenda.



CAPVT I.

De authoribus, qui de Roma scripserunt.



Rbem Romam etsi plures olim literis monumentisque celebrarunt, nihil tamen scriptorum veterum relictum fuit, præter Fabii Pictoris & C. Sempronii, de origine Urbis, fragmenta: de quibus meritò dubitatur. Catonis Origines, & M. Varronis de tribus, & de ædibus sacris, & de ludis theatralibus atque actionibus scenicis libri interciderunt. Extat Aristidis Smirnæi, de Romæ laudibus oratio. Nervæ temporibus de aqua ductibus Romanis libros duos Julius Frontinus: Diocletiani dominatu de Regionibus Urbis unum Publius Victor, vel (ut aliis placet) Sextus Rufus edidit. Ex recētoribus Urbis admiratione ad scribendum excitati sunt plurimi: Flavius Blondus, Pomponius Lætus, Andreas Fulvius, qui multis libris prosa & carmine scripsit, Carolus Poggius, Ioannes Tortellius, Raphael Volaterranus, Fabricius Varranus, Franciscus Albertinus, Bartholomæus Marlianus; sed diligentia investigandi, & iudicandi solertia hæcenus excelsit Marlianus, qui & veterum scripta maiore studio conrulit, & plurimos aliorum errores prudenter animadvertit. Scripserunt de eadem Manuel Chrysoloras, & Bernhardus Oricellarius & ex nostris hominibus Hieronymus Quiesenbergius Misenus, patria Fribergensis, doctus atque diligens antiquitatis investigator, qui in Urbe mortuus est. Sed ex horum scriptis nihil ad nostras manus pervenit.

Totam Urbem secundum regiones pinxit Fabius Castus, sed eius picturæ cum nullius descriptione conveniunt. De ædificiis veteribus vulgari nunc Italorum lingua scripsit Franciscus Serlius Bononiensis architectus. Picturas statuarum, columnarum, colossorum, templorum, theatrorum, arcuum, portarum, sepulchrorum, Antonius Salas manca sparsim expressit. Imperatorum & virorum illustrium imagines de nummis antiquis excudit Jacobus Mazochius, addita brevi historiarum descriptione: quem secuti sunt Joannes Huttrichius & Nicolaus Gerbelius, Germani. Sed Antonii Zantani opusculo, quod nuper prodiiit, nihil fieri posseditur eo in genere elegantius, aut perfectius. Idem Mazochius ingenti libro Urbis epigrammata ex ære, saxi, marmoribusq; , incerto auctore congesta edidit: quem librum nos, inspectis locis plurimis, & correctiorem & septingentis epigrammatibus auctiorem habemus, Nec inutilis in iisdem colligendis, Petri Appiani & Bartholomæi Amantii, & ante illos Sebastiani Sergii opera extitit. Annuorum Romæ magistratuum cum nomina, tum tempora exactè annotarunt, ut Theophilus theologus tradit primum Chrysolus, deinde Crator M. Aurelii Veri libertus, quæ ab V. C. usque ad patroni sui obitum deduxit. Anno autem superiore Marlianus Consulum Dædicatorum, Censorum, cum ipsorum triumphis descripta ex marmoribus nomina publicavit, quæ marmora in foro Romano effossa, nunc in Triumvirali palatio Capitolino asservantur. De antiquis Romanorum familiis scripturum retulit mihi Paulus Manutius, omnis elegantiae & totius antiquitatis studiosissimus: & de iis Commentarium ante annos sex & quadraginta promissit Petrus Crinitus, qui cum alia eius opera in manibus sint, nondum exit. De mirabilibus Romæ non nominati authoris libellus, vulgo res

gò circumfertur ad decipiendos (ut apparet) illiteratos & supersticiosos homines confectus. Si cui placer de donariis basilicæ S. Petri, & de sepulchris Pontificum cognoscere, is Maphæi Vegii libellum legat. In cognoscendis autem Urbis antiquitatibus sermo vulgi audiendus non est. Molem latericiam ante Amphitheatrum, quæ *Mesa sudans* dicta fuit, ajunt fuisse turrim Virgilii; ædem Jani quadrifrontis, structura quadrata in foro Boario, domum Boethii. Columnas æneas in S. Joanne Laterano, quas Augustus Cæsarex præda Aëtiaca devicto Antonio conflagavit, è templo Hierosolymitano religionis causa nugantur translatas; de quibus Virgilius canit, *Georg. III. 29.*

Navali surgentes are columna.

Statuam æneam equestrem M. Antonii Pii, in area Capitolina positam, nescio cujus liberatoris Urbis, fingunt fuisse. Quæ licet aperte falsa sint, tamen vulgus asseverat, & defensores pertinaces invenit.

CAP. II.

De Situ & ambitu, item de gloria atque interitu Urbis.

VRbs Roma primum unam ripam Tiberis tenuit, tandem fines suos cum orbis finibus terminavit: principio Italiæ, post orbis terrarum caput, à pastorum manu condita, Regum, Consulum, Dictatorum, Imperatorum dominatu usa, à vicinis populis tentata, ab externis gentibus sæpius petita, à Gallis Senonibus incensa, à Gothis Vandalisque vastata & diruta. Contemptu nostrorum Imperatorum quater capta: primum ab Arnulpho Franco, tum ab Othone Tertio Saxone, deinde ab Henrico Quarto item Franco nostra denique memoria à Carolo Quinto Austriaco. Posita in solo sterili, & partim in montibus, partim in vallibus campisque subjectis, austro objecta, & coeli ali-

quanto gravioris: nunc male habitata & ruinarum plena, Antiquitus: quod miraculo similimum est, suffossionibus montium, & meatibus cloacarum pensilis, & subter ædificia navigabilis extitit. Hodie valles & campi ex vastitate & ruinis ædificiorum altius, quam credi queat, exaggerati sunt. Ambitus Urbis, qui nunc est, XIII. M. passus non excedit. In mœnibus circiter trecentas & sexaginta turres, multis tamen ex his collapsis, numeravimus. Excluso campo Figulino, ad Aventinum montem sito, spacium urbis minuit Paulus Terrius. Urbem olim ampliate pomœrio auferunt Sylla, Augustus, Claudius, Nero, Trajanus, Aurelianus, Arcadius, Honorius: cujus rei testes sunt Seneca, Suetonius, Tacitus, Vopiscus, Antiqua epigrammata. Ex quibus & illud discitur, censorum, augurum, præfectorum urbi cura & auctoritate id factum esse. Muri vetustissimi ex saxo quadrato fuerunt, Gabino inprimis, Albano, Tiburtino, & Prenestino: ea enim saxa firmissima, & igni impervia. Postea facti sunt latericii, qui adhuc durant. Suetonius scribit, Augustum gloriantem dixisse: Urbem latericiam reperi, relinquo marmoream. Et Propertius poeta canit.

*Hoc quodcumq; vides, hospes, quam maxima Roma est,
Ante Phrygem Aeneam, collis & herba fuit.
Atque ubi Navalis stant sacra palatia Phæbo,
Evandri profuga procubere boves.*

Verum (quæ rerum est humanarum imbecillitas & vicissitudo) illa ipsa Urbs nunc rursus latericia est & Palatinus à nullo habitatus, collis jam & herba factus est, & in foro Romano sues veneunt, & in arce Tarpeia crux hominum nocentum supplicio cernitur erecta. Varius Imperator cum decem millia pondo aranearum, opera servorum per domos collegisset, ex iis intelligi posse dicebat, quanta

quanta esset Roma. Nos inepti & scurrilis hominis risu o-
misso, in sequentibus summa & clarissima Urbis magnitu-
dinem & amplitudinem ostendemus, in qua tot tantaque
ædificia fuerunt, quot, præter Urbem, & quanta, terrarum
orbis nusquam habuit: ut de cæteris ornamentis nihil dis-
cam, nihil etiam de Imperii diurnitate atque gloria. Ves-
re enim ad Germanicum Cæsarem Ovidius:

Gentibus est aliis tellus data limite certo,

Romana spacium est urbis & orbis idem.

Cum autem omni fortunæ varietate primis quasi ado-
lescentiæ temporibus sit exercitata, tamen in secundis re-
bus nunquam secuta, invicta in afflictis semper extitit. Ur-
bem olim arroganti titulo, sed non omnino vano, appella-
runt AETERNAM, quia Neptunio Homeri vaticinio
posteritati Aeneæ, à qua orti creduntur Romani, imperii
æternitas promissa fuit. Vaticinii verba sunt:

Κὺν δὲ δὴ αἰνέειο σὶν τράσσον ἀνέρες,

καὶ παῖδες παίδων τοῖσιν μετ' ὀπίσσω γήνοινται

Urbis nomini divinos honores tribuerunt Smyrnæi,
Pergamenses, & Græcorum omnium cultissimi Athenien-
ses. A Smyrnæis id factum est, ut Tacitus scribit, M. Porcii
Catonis consulatu: à Pergameasibus, imperante Augusto:
ab Atheniensibus, dominante Aelio Hadriano. De his pla-
nius loquitur vetus inscriptio, quæ ante everfam à Maho-
mere urbem in vestibulo templi fuit, quod in arce quon-
dam Palladi, postea B. Mariæ Virgini sacrum fuit.

Ο ΔΗΜΟΣ ΘΕΑΣ ΡΩΜΗΣ ΚΑΙ ΣΕΒΑ

ΣΤΩ, ΚΑΙ ΣΑΡΙ ΣΤΡΑΤΗΓΟΥΝΤΟΣ

ΕΑΙ ΤΟΥΣ ΠΟΛΙΤΑΣ ΠΑΜΜΕ

ΝΟΥΣ ΤΟΥ ΕΗΝΟΝΟΣ

ΜΑΡΑΘΩΝΙΟΥ, ΙΕΡΕΩΣ

ΘΕΑΣ ΡΩΜΗΣ ΚΑΙ ΣΕΒΑΣΤΟΥ ΣΩ

ΤΗΡΟΣ ΕΝ ΑΚΡΟΠΟΛΕΙ ΕΠΙ ΤΕ
ΡΕΙΑΣ ΑΘΗΝΑΣ ΠΟΛΙΤΑΔΟΣ ΜΕ
ΓΙΣΤΗΣ ΑΣΚΛΕΠΙΑΔΟΥ ΑΛΛΙΩΣ
ΘΥΓΑΤΡΟΣ ΕΠΙ ΑΡΧΟΝΤΟΣ ΑΡΗ
ΟΥ ΤΟΥ ΜΩΡΙΩΝΟΣ ΠΑΙΑΝΙΕΩΣ

Ad quod alludens cecinit Martialis:

Terrarum dea gentiumq; Roma

Cui par est nihil, & nihil secundum.

Quinetiam in Vrbe prope viam Sacram, Romæ & Veneris consors delubrum fuit, & sacerdotis Urbis, ut in hoc epigrammate, ita in historicorum scriptis, & in antiquis marmoribus mentio extat. Itaque cum templa sacro Urbis nomini dicata, & festi dies memoriæ natalis ejus (ut postea dicam, constituti sint, minimè mirum Victrici statuas fuisse triumphales collocatas. Cujus generis multæ elegantix & artificii, superiore anno reperta, & nunc in ornatissima Cæsarum domo statuta est. Roma sedens iuvenili habitu, galeata, sinistra manu tenet pugionem, dextra coronam lauream, designans indice mulierem sub basi sedentem, vultu mœsto, vestitu lugubri, capillo per vittam passo, caput sinistra manu sustentantem, dextra ad sinistrum femur posita, projectisque ad idem latus armis atque clypeis, cum hac inscriptione:

ROMA VICTRIX DE DACIA
PROVINCIA
SVBACTA TRIVMPHANS
VVLTV AC HABITV
BARBARORVMQ. SPOLIIS
INLVSTRIS.

Romanz urbi Constans Imp. Constantini junioris filius, septem dierum spacio plus ornamentorum ademit usque, quam ducentorum quinquaginta octo annorum in

tervallo detraxerunt omnes barbari. Imperium autem quamvis ante septingentos & quinquaginta annos ad Germanos translatum sit, tamen Romani nomen retinuit: ut poetico quodam ac veluti fatidico spiritu eccinisse videatur Propertius,

Roma tuum nomen terris fatale regendu.

Sibyllæ de Romæ interitu tale vaticinium refert Lactantius Firmianus, in libro de Divino præmio: Roma interibit, & quidem iudicio Dei, quod nomen ejus habuerit invisum, & inimica iustitiæ, alumnus veritatis populum trucidarit. Ortum nuper aliud est, nescio, quo auctore, idque occasione ejusmodi. Phocas Imp. eodem iure summam potestatem Pontifici tribuit, quo ipse imperium invasit. Id autem factum est anno à nato Christo DCVI. à quo primum regia autoritate Pontifex Christianorum ecclesiis præfuit. Ad hunc annorum numerum si addantur ij, quos *ῥώμην*, si græcè scribatur, in se continet (singulæ enim literæ certum numerum significant) tum sublatum iri Urbis & Pontificis potentiam: complent autem hæ literæ annos DCCCCXLIX, Hæc qualia sint, ab Italici excogitata, aliis relinquo judicandum.

CAP. III.

De Montibus, à quibus urbi additi, qua loca adjacentia habeant, quos nominibus & unde sint appellati.

Propertius poeta elegans, & doctus Urbis præco **P**ait,

Septem arbs alta iugū, toto qua præsidet orbi,

Vnde *ἑπτὰ κόλλες* à Græcis, Septicollis à Fabio Piæto, Septemgemina à Statio dicitur. Hos colles Virgilius in Georgicis, & in Epithalamio Ausonius, propter sedes regias aliquando in iis constitutis, septem Arces nominarunt.

Nos decem Romanorum collium situm, & varia eorum nomina, & loca circumiacentia, unde reliquæ urbis cognitio fiat apertior, paucis notabimus. Mœnibus enim inclusi hodie sunt, Palatinus, Capitolinus, Aventinus, Cœlius, Esquilinus, Viminalis, Quirinalis, collis Hortulorum; & trans Tiberim, Janiculum, & Vaticanus.

Palatinus, Romuli sedes, unde & Romulus à Trebellio Pollione dictus. A Strabone *Ἰὸς ἀρχαῖα* nomine, propter primam sedem regiam appellatur. Ad ortum habet Cœlium, ad meridiem Aventinum, ad occasum Capitolinum, ad septentrionem forum. Adjacet ex eo latere, quod ortum spectat, arcus Constantini: quod meridiem, Circus maximus; quod occasum, Romuli ædes, & Velabrum; quod septentrionem, templa quæ in ipso foro sunt, & arcus Vespasiani. Hunc Virgilius à Palanteo oppido nominatum vult: Propertius & Ovidius, quod ibi pecudes palare, id est, errare consueverint. Hujus montis pars, forum versus Germali nomen habuit, in qua parte Ancus rex habitavit: Cœlium autem versus, Veliz, in qua Tullus Hostilius. Quia autem prima imperii sedes in eo constituta, cujusvis principis aulam, aut splendidi hominis domum, Palatium nominamus. Hodie suffossionibus & subterraneis meatibus totus quasi pensilis, & aut ruinis deformis, aut hortis occupatus.

Capitolinus, Tatii Sabini sedes, qui & Saturnius, & Tarpeius. Ad ortum habet forum & montem Palatinum, ad occasum urbem planam, ad aquilonem collem Quirinaleni. Ab ortu adjacent, Tullianus carcer, arcus Septimii, porticus Concordiæ: à meridie, Janus quadrifrons, forum holitorium, theatrum Marcelli; ab occasu, circus Flaminius, in quo porticus Cn. Octavij, & recens turris Argenti-

na:

na: à septentrione, Traiani forum. Dictus à vetustissima Saturni sede, Saturnius: & mox (ut Iustinus inquit) quasi pulso à Jove sedibus suis Saturno, Capitolinus: idem Tarpejus, quod vel à Tarpeja virgine, vel

A duce Tarpejo mons est cognomen adeptus,
ut canit Propertius. De eodem in VIII. Virgilius.

Hinc ad Tarpejam sedem, & Capisolia ducit,
Aurea nunc, olim sylvestribus horrida dumis.

Aventinus, ab Anco rege, crescente civium numero, ex parte additus, non totus habitatus, Tatii regis Romanorum, & Aventini Albanorum, sepulchris celebris. Variis appellatus nominibus, à Remo Romuli fratre, Remus riu: à Murciae socordiae Deae sacello, Murcius; à Dianæ templo, collis Dianæ, Martialis lib. XII.

Cum tu forsitan inquieris, erras.

Clamosa Iuvenalis in Suburâ,

Aut collem dominatèr is Diana,

Et idem libro VII. ad Maximum:

Esquilis domus est, domus est tibi colle Diana.

Propter longitudinem certo describi nequit: sed tamen, ut in prioribus, tentabimus. Ad ortum in meridiem declinantem; respicit moenia: ad meridiem, campum Figulinum: ad occasum, flumen; ad septentrionem, montem Palatinum. Ortum versus, sed valde in meridiem flexum, propinqua est porta Capena: meridiem, porta Ostiensis, Cæsippi pyramis, mons Testaceus: occasum, Navaliam, salinæ, spelunca Caci: septentrionem, Dianæ templum, & Naumachiae initium. Aventinus dictus ab avibus, quod nomen ante Evandri & Herculis in Italiam adventum, ut liquet ex Virgilio, habuit. Quod si certis auctoribus scriptum, minime nomen accepit ab Aventino rege, qui in eo

extinctus bello, & sepultus fuerit, ut 4. Fast. ait Ovidius. Quamvis in eadem pagina alteram, & cum Virgilio consentientem opinionem ponat: Neque etiam ab Avente Sabrinorum fluvio, ut de gente populi Romani tradidit Varro. In hunc modum aliquando plebs secessit, ut est apud Senecam in libro de Brevitate vitæ, & apud Plin. libr. 19. Nemo Sacros, Aventinosq; montes, & iratæ plebis secessus circumspexerit

Calvus. Ab eodem Anco additus, ut Strabo: vel à Tullo Hostilio, ut Livius: vel à Tarquinio Prisco, ut Tacitus: à querna sylva, Querquetulanus: à Tiberio Cæsare, quod is post incendium habitatoribus ædificia consumpta instaurasset, dici captus mons Augustus. Ab ortu habet mœnia, à meridie Cœliolum, ab occasu Palatinum, à septentrione Esquilias, adjacent ab ortu, Cœlimontana & Nevia portæ, & inter has Statilii Tauri theatrum dimidiata sui parte mœnibus inclusum: à meridie, vallis: ab occasu, Severi septizonium: à septentrione, Titi amphitheatrum, vulgo Colosseum. Nominatus à Cœle quodam Hetruscorum duce, qui cum Romulo contra Sabinos arma socia conjungens castra in eo posuit.

Cœliolus pars est Cœlii, à Martiale libr. 12. ad Iuvenalem, Minor Cœlius dictus:

*Dum per limina te potentiorum
Sudatrix toga ventilet, vagumque
Major Calvus & minor fatigat.*

Ab ortu habet mœnia, à meridie Aventinum, ab occidentis & septentrionis partibus vallem, per quam fluit Appiæ rivus. Incipit post portam Gabiulam, nunc clausam & inde ad Latinam flectitur, terminaturque ad Capenam.

Esquilinus A Tullo Hostilio adjectus, ut Livius à Servio

vio Tullio, ut Tranquillus. Hanc autem in authoribus diversitatem peperit, quod aliqui reges primi adjecerint, aut habitaverint: reliqui ædificiis aliisve rebus ornaverint, aut auxerint. Hunc montem, auctore Verrio Flacco, & Cispium & Oppium veteres nominarunt. Attingit ab ortu Urbis muros: à meridie, viam Lavicanam: ab occasu, vallem inter Coelium & Palatinum longe lateque patentem: à septentrione, Viminalem. Adjacent ortum versus, Esquilina porta, & Querquetulana: meridiem versus, Carinæ: occasum, vallis subjecta, & regio Tabernolæ: aquilonem, vicus Patricius & Subura. Unde Suburanum nonnulli vocarunt ex veteribus. Dictus, quod excubiaz ibi agerentur, primum Excubinus: postea mutata pronuntiatione, Exquilinus: & melioris soni gratia, tandem Esquilinus, & à poetis Esquilus, litera è medio sublata. Ut Ovid, II. Fast,

Monte sub Esquilio,

Idem lib. III.

Adde, quod excubias ubi rex Romanus agebat,

Quinunc Esquilias nominacollis habet.

Horatius in Sermonibus — at simul atras

Ventum est Esquilias. —

Viminalis. A Servio Tullo ad reliquos additus, qui & Fagutalis, à sylva fagea, ut est apud Varronem & Festum. In ortum tendens, respicit campum Esquilinum: In meridiem, Suburæ partem, & fori Romani: in occasum, Quirinalem, interjecta Subura plana: in septentrionem, vallem Quirinalem. Ab ortu adjacet porta Querquetulana: à meridie, Novatii & Olympiadis thermæ: ab occasu, Decii palatium: à septentrione, lavacrum Agrippinæ. Nomen invenit à viminum copia: quæ tamen cujus generis fuerint, Varro, Festus, Plinius non dixerunt, neque Juvenalis Sat. III.

Esquilias, dictumque petunt à vimine collem.

In locis incultis, quæ hortos aut vineta non habent, nunc populi & salicum vimina, & harundines nascuntur.

Quirinalis. Ab eodem rege additus. Alio nomine Agonius, vel Agonensis, & in quadam sui parte mons Clatræ & Apollinis, si Victoris liber emendatus est. Nunc vero mons Caballinus. Habet ab ortu, Viminalem; à meridie, Cæsaris & Nervæ forum; ab occidente, Urbem planam; à septentrione collem Hortulorum, & campum Martium. Contiguæ sunt ab ortu, portæ Viminalis & Collina; à meridie, Corneliorum domus; ab occidente, quæ in plana urbe sunt ædificia; à septentrione, porta Collatina. Dicitur Quirinalis, ab æde Quirini. Ovid. II. Fast. de Quirino,

Templa Deo faciunt, collis quoque dictus ab illo est.

Horatius secundo lib. Epist.

Cubat hic in colle Quirini,

Hic extremo in Aventino, visendus uterque.

Agonius, quod circo Flaminio, eruptione Tiberis inundato, ludi Agonales in eo fierent. Clatræ & Apollinis, à templo quodam; Caballinus, à duobus equis marmoris, qui stant ibidem in excelsa basi, cum suis ductoribus, prope ædem S. Saturnini, qui à Phidia & Praxitele sunt facti, si titulus verus est.

Collis Hortulorum. Vel (ut Sætonius) collis Hortorum, extra antiquos muros, Quirinali contiguus. Ab ortu tangit ejusdem montis campum, à meridie item aliquam ejus partem, ab occasu vallem Martiam, & Domitiani naumachiam, à septentrione urbis moenia. Ab ortu propinquam habet portam Collatinam, à meridie pilam olim Tyburtinam, ab occasu viam Flaminiam, à septentrione templum Solis, & Neronis sepulchrum. Ab hortis ad nostramque tempora nomen antiquum retinuit.

Vaticanus. Trans Tyberim, olim habitatus non fuit, nec ad Urbem pertinuit. Nomen accepit vel à vatū ree sponſis, vel à Vaticano deo, qui & Vagitanus. Ad ortum, ſpectat campum Vaticanum, & flumen: ad meridiem, Janiculum: ad occaſum, alium campum, in quo ex creta & argilla vaſa fiunt, ab uſque Juvenalis & Plinii temporibus nota: ad ſeptentrionem, prata Quintia. Meminit hujus montis Horat. l. Carm. oda XX.

*Care Mecenas eques, ut paterni
Fluminis ripa, ſimul & iocoſe
Redderet laudes tibi Vaticanū
Montis imago.*

Olim fuit Scipionis ſepulchro nobilis, nunc verò clarus S. Petri baſilica, item Palatio, hortisque pontificiis, Janiculum. Ab Anco mons hic additus, Numæ regis, & Statii Cæcilii poetæ ſepulchris celebratus. Ab ortu meridiæque Tyberim reſpicit, ab occaſu campos, à ſeptentrionis parte Vaticanum. Adjacent ab ortu, prata quondam Mutia: à meridiæ, porta Portuenſis: ab occaſu, Aurelia: à ſeptentrione, naumachia Neronis. Dicitur vel à vetuſſimo oppido, quod Janus condidit, de quo in VIII. Virg.

*Hic duo præterea, deſectis oppida muris,
Reliquias, veterumque vides monumenta virorum:
Hanc Janus pater, hanc Saturnus condidit arcem,
Janiculumque illi, huic fuerat Saturnia nomen.*

Vel quod populo Romano primū inſetruſcos cuncti quaſi janua fuerit, ut Verrius Flaccus. Nunc à flavis harenis, mons aureus, & corrupto vocabulo Montorius. Ex hoc propter altitudinem Roma maximè conſpicua, cæteris aurem infrequentior eſt, ob aeris gravitatem, utrumque teſtante libro primo Martiale,

*Longo Ianiculi iugo recumbunt,
Et planus modico tumore vortex,
Cælo perfruitur serenior.
Hinc septem dominos videre montes,
Et totam licet æstimare Romam.*

In hunc secessisse aliquando plebem Romanam, & à Qu. Hortensio dictatore revocatam, scribit Plinius libro 16,

Hi montes jam rarissimi habitantur, maxima ex parte hortis, & dispersis hinc inde templis, aut claustris religiosis occupati, aut veterum ædificiorum ruinis obruti. Vetus-
simis temporibus nemora & pascua habuit Palatinus, ut scri-
bit Tibullus: Capitolinus dumeta, ut Virgilius: Aventinus
lauretum, ut Solinus: Coelius quercetum, ut Tacitus: Vi-
minalis sylvam fageam, ut Varro: Janiculum esculentum,
ut Plinius: Vaticanus ilicetum, ut Fulvius.

CAP. IV,

*De Portis Veteris novæque urbis, quam variis nomi-
nibus eadem appellata,*

PORTÆ urbis in universum sunt viginti, antiqui nominis
& loci quindecim, recentioris Urbis quinque. Ad se-
ptentrionem sunt Flumentana & Collatina. Ad ortum ver-
num, Quirinalis, Viminalis, & Clausa: ad ortum æstivum,
Esquilina & Nevia, ad ortum hyemalem, Coelimontana,
Gabiussa, & Latina. Ad meridiem, Capena & Trigemina:
ad occasum, Navalis, Aurelia, & Septimia. Reliquæ quin-
que urbis Leoninæ sunt, ut mox dicemus.

I. *Flumentana*, Quod ad fluvium pertineret à via;
Flaminia, & vulgo nunc Porta populi.

II. *Collatina*, In colle Hortulorum, à Collaria oppi-
do, & à palatio Pincii Senatoris, modo Pinciana,

III. *Quirinalis*. Aliis nominibus Collina, & Agonia, sive Agonenſis, Ovid. 4. Faſt.

Templa frequentari Collina proxima porta.

Juvenalis, Satyra 6. *Proximus urbi*

Hannibal, & ſtantes Collina in turri mariti.

Aliquando Lavernalis, quod ad ejus deæ fanum in via Salaria duceret: & nunc à via ipſa, Salaria.

IV. *Viminalis*, Quæ & Numentana, vel (ut Strabo ſcribit) Nomentana, & Figulenſis, & nunc S. Agnetis.

V. *Querquetulana*. Ab aliis inter aggeres, ſine auctore. Prope enim ſunt Aggeres Tarquinii, quadrata forma tumulus. Querquetulanam proxime Viminalem fuiſſe, videtur indicare Plinius lib. 16. Hæc nunc in vinetis jacet clauſa, ad quam per viginti gradus aſcendimus.

VI. *Eſquilina*, A Procopio Prenestina, à Fulvio & aliis quibuſdam Tyburtina, à bovis capite, quod ſupra eam eſt, nunc Taurina: à templo ſuburbano, vulgo S. Laurentii. Antiquiſſimo nomine Metia: id enim inde conſiſcio, quod idem de Metia ſcribat Plautus, quod de Eſquilina Horatius: nec diſſentit ab utroque Corn. Tacitus, qui libro ſecundo Annalium ait, ſumprum more priſco extra Eſquilinam de nocentibus ſupplicium. Plautus in Caſina,

Illum adeoſ videre ardente ſe extra portam Metiam

Credo ecaſtor velle. Horatius V. Epod.

Poſt inſepulta membra different lupi,

Et Eſquilina alites.

In quem locum annotavit Porphyrio, in regione aggeris extra portam Eſquilinam ſolita fuiſſe pauperum corpora vel comburi, vel proiici. Combusta fuiſſe indicat Plautus, projecta Horatius.

VII. *Nevia*, A Plinio Lavicana, à vetuſtioribus Raudicu

dusculana: hodie porta Major, ab ædificii magnificentia; propter ductum aquæ Claudie, cujus ibi vestigia apparent,

IX. *Cælimontana*. Aliquando Asinaria, nunc à templo porta S. Joannis, à quibusdam porta Laterana. Per hanc Alarico duce ingressi Gothi, urbem captam diripuerunt, Innocentio Primo pontifice.

IX. *Gabiusa*. Sub Coeliolo, nunc clausa, alias S. Methodii. Per hanc rivus Appiæ urbem influit.

X. *Latina*. Quæ & Valeria, à via: & Ferentina, ab oppido Hernicorum. De priore nomine incertum est: de altero suam conjecturam attulit Marlianus.

XI. *Capena*. A via, interdum Appia, à templo olim Camæna, à Tortellio & Merula Frontinalis, nunc S. Sebastiani. Celeberrima apud Poetas. Propertius libr. IV.

Armaque cum tulero porta vestiva Capena.

Juvenalis Sat. III,

Substitit ad veteres arcus, madidamque Capenam,

Martialis lib. IV. Epigram.

Capena grandi porta qua pluit gutta.

XII. *Trigemina*. Nunc Ostiensis, vel S. Pauli. Veteris Trigeminæ ad Tiberim in vineto quodam sunt vestigia, alium enim in locum translata, à Claudio Imp. fuit. Extra hanc tenues stipem petere solitos, significat Plinius libr. XXXIV. inquit: Extra portam Trigeminam, unciatæ stipis collata, & alludit eodem Plautus in Captivis, apud quem sic loquitur parasitus:

Ve extra portam ire Trigeminam ad sacculum licet:

Quod mihi ne eveniat, nonnullum periculum est,

XIII. *Navalis*. Trans Tyberim, quæ & Portuensis, nunc porta Ripæ: vel Vinaria, quod extra eam vina externa, maxime tamen Campana & Tusca vendantur.

XIV.

XIV. *Aurelia*. In Janiculo monte, nunc S. Pancratii, aliquando Trajana.

XV. *Septimia*. In eodem monte hæc & Fortinalis; & subtus Janum. Per hanc ingressi Fronsbergio & Borbonio ducibus Germani, Romana diripuerunt, Clemente Secundo primo Hetrusco Pontifice.

De Urbe Leonina, & eius portis. Planicies intra Tiberim & montem Vaticanum, vulgo Regio burgi seu Vaticanum suburbium, à Leone Quarto Pontifice, urbs Leonina, & nova Roma appellata, quod eam partem adversus Saracenos tunc universam Italiam ab utroque mari infestantes, munitam reddiderat, moenibusque contra incursiones sepeferat. Ea nunc quinque habet portas, quarum hæc sunt nomina:

Posterula. Vel porta Turronis, quæ ducebat ad scholam Saxonum & Langobardorum, prope campum sanctum.

S. Spiritus. Infra Janiculum, cundo ad Septimiam, à templo vicino nomen habens, circa quam olim Triumphalis porta fuit.

Pertusa. Vel S. Peregrini, in dorso Vaticanæ, non longe à stabulis Palatinis.

Viridaria. Vel porta Julia, subjecta palatio Pontificis. hæc in campos ducit.

Subjecta. Per quam apud molem Hadriani, nunc castellum S. Angeli, in campos iter est,

De Portis, quæ jam non extant. Legitur de aliis portis apud scriptores, quæ jam nullæ sunt, ut Urbis Romuli antiquissimæ quatuor. Prima Romana, quæ ab Ovidio porta Palatii, à Varrone Mugionia, à Verrio Trigoniam appellata. Altera Pandana, quæ & Saturnia, & Romanula, & Libera. Tertia Carmentalis, & aliis nominibus Tarpe-

ja, & Scelerata, & Vejentana, & (ut ex Plinio consilii potest lib. VIII.) aliquando Ratumena. Quartam addunt nonnulli, Janualetn. Præter has auctæ jam urbis & alix inveniuntur, vel à statis sacrificiis dictæ, ut Piacularis, & Castularia, & Stercoraria: vel à decorum templis, ut Sanguinalis à Sango, Salutaris à Salute, Libitinenfis à Libitina, Minutia à sacello Minutii. De his malo allatas aliorum sententias sequi, quam contra aliquem contendere, aut novam conjecturam sine autoritate affingere.

CAP. V.

De viis intra & extra Urbem.

Maxima senatus diligentia fuit in viis faciendis: bonis enim Reip. temporibus id agebant principes Romani, non ut sua cupide nimis augerent, sed ut honoris publico, & civium commodis consulere. Ac quod Demosthenes de Atheniensibus prædicat, Aristidem & Miltiadem, aliosque illustres viros, cum urbem publice ita ornaverint, ut ad incrementi amplitudinem posteris vix reliquerint locum, privatim ipsos nihil magnificentius habitasse, quam quemvis ex modicis vicinis suis. Idem de Romanis veteribus, suorum temporum improbitatem reprehendens, merito jactavit Horatius secundo Carminum oda. XV.

Privatus illis census erat brevis,

Commune magnum: nulla decempedis

Metata privatis, opacam

Porticus excipiebat Arcton.

Nec fortuitum spernere cespitem

Leges sinebant, oppida publico

Sumptu jubentes, & deorum

Templa novo decorare saxo.

Ex talibus operibus laude dignis, & utilibus Reip. fuit viarum magnificentia. Earum curandarum munus censoribus à senatu commissum fuit: quibus Augustus Cæsar, Viarum curatores addidit, qui ut & Quatuorviri tuendarum viarum, in primis nominati fuerunt, id quod inscriptiones Tyburi, Formiis, Alysis, item Urbini, Romæ, Preneste, & extra Italiam, Daciez, Gallicæ, Hispanicæ, indicant. Viæ autem ejusmodi cum intra urbem, tum etiam extra fuerunt, & in provincias ipsas commoda earum translata sunt. Etenim viæ Pompeiæ in Sicilia meminit Cicero contra Verrem: viæ Domitiæ in Gallia, idem pro M. Fontejo: viæ Posthumiz in Insubria, Cornelius Tacitus: viæ Domitiane in Campania, Stadius Papinius. Nunc ad Romanas venio, & primum ad urbanas.

Via Urbana. Sex Pompeius, ne hoc ignoretur, annotavit, in viarum nominibus, substantivum in sermone præponendum, ut dicatur, Via sacra, & via nova; non sacra via, aut nova via. Verum hæc communis est præceptio, ut dicatur, forum Cæsaris, theatrum Scauri, domus Pompeij: item mons Vaticanus, pons Sublicius, porta Metia, tribus Cornelia: ut id quod generis significationem habet, minus commune verbum in sermone Romano usitate antecedit. Hoc licet à poetis raro, à Cicerone & aliis non semper observetur, tamen plerumque locum habet.

Via sacra. Inter urbanas celeberrima, incipit ab amphitheatro, & per vicinos hortos juxta templum Pacis & forum Cæsaris recta tendit in Capitolium. Per hanc triumphantes Capitolium ascendebant. Propert. lib. II.

Atque in sacra currere rostra via.

In eadem, ut fit, animi causa ambulabant, unde Horatius in Sermonibus:

Ibam forse via sacra, sicut meus est mos.

Item populo se ostentabant homines auræ popularis Rudiofi : ut de Mena Pompeji Magni liberto idem poëta in Epodis,

Videsne Sacram metiente te viam,

Cum bis ter ulnarum toga,

Vt ora vertas hac & huc cunctium

Liberrima indignatio?

Et de puella populo se præbente Propertius,

Cui sape immundo Sacra conteritur via secro,

Nec finis esse moram, si quis adire velit.

In eadem propter frequentiam res viles vanibant, ut poma, flabella, tesserae, tali; testantibus Varrone, Ovidio, Propertio. Sacravientes, ut Suburenses, qui ad viam sacram, & Suburam habitant, nominavit Festus.

Via nova. A Velabro inter Capitolium & Palatinum, ducens in forum. Ovid. VI. Fast.

Qua via Romano nunc nova iuncta foro.

Via nova alia. Prope Severi septizonium declinans, ab Appia Aventinum versus, & rursus in eam sub thermis Antoninianis incidens, qua pulchriorem inter plateas Romanas nullam inventam, scribit Spartianus.

Via lata. A macello corvorum, ad septa campi Martii extensa. Hæc vetus nomen retinet, & nunc Romæ est pulcherrima.

Via alta. Intra Quirinalem & Viminalem, tendens ad portam Viminalem, lapide olim quadrato strata, & Alta semita dicta.

Via recta. Ducens per longitudinem campi Martii. Seneca de morte Claudii : Trahit capite obvoluro, ne quis cum posset agnoscere, per campum Martium, & inter Tiberim

berim & viam rectam descendit ad inferos. Hæc via prope Flaminiam fuit Martialis lib. VIII,

Dum reperit jera conductos nocte penates,

Lingonus à Recta Flaminiaque recens.

Via fornicata. Prope Flaminiam, ea parte qua steterunt Ovilia. Hujus sæpe mentionem facit Livius.

Via Suburana. A foro Trajani, ad ædem nunc S. Agathæ.

Via piscinaria. Inter Cæliolum & Aventinum, porrecta ad piscinas publicas, quæ quamvis tollerentur, viæ tamen nomen remansit.

Via triumphalis. A campo Vaticano continuabatur in Capitoliam. Ejus particula silicibus strata adhuc cernitur, inter templum S. Spiritus, & Tyberim.

Via Ælia. Ab Ælio Hadriano facta, Triumphali contigua.

Via extra urbem. Hæ viæ partim intra urbem initium habuerunt ut, Flaminia, Prenestina, Tyburtina, Lavicana Campana, Gabiuna, Appia, Ardeatina, Aurelia: partim extra urbem incœperunt, ut reliquæ omnes. Nomina sortitæ sunt, una tantum à porta unde oriretur, ut Salaria, plures ab auctoribus, ut Flaminia, Aemilia, Cassia, Valeria, Numicia, Appia, Aurelia, Cornelia, Vitellia: pleræque à civitatibus, ad quas erant deductæ. Tam autem latæ quædam fuerunt, ut binos currus simul euntes caperent: tam longæ, ut provinciarum terminos attingerent. Primum in urbe tantum silice sternebantur, extra vero glarea, ut ex Tibullo & Plinio licet cognoscere: posterioribus temporibus omnes silicibus stratæ sunt. Verum unde tanta lapidum copia advecta sit, nondum me legere memini. In Campania duos montes vidi, ex quibus saxa ejusmodi excinduntur: unum prope Sueffam, alterum ad mare intra Putcolos & Neapolim

lim. Silices lati sunt ternos quaternosve pedes, & reperi
quaqua versus latos pedes quinos. Viarum nomina recen-
sebo secundum portas. Quod autem discrepant interdum
scriptorum sententia, minime mirandum est: siquidem
non uno tempore sunt strata: & una in alteram saepe exi-
guo, saepe longiore intervallo incidens, nomen alterius
mutat.

Via Flaminia. Hæc à Cn. Flaminio per Hetruscos Ara-
tium, ab Augusto Cæsare per Umbriam & Picenum, Arimin-
um usque strata, longa ad XL. miliaria Germanica. Mar-
tialis lib. X.

Totaque Flaminia Roma videnda videt

Hujus intra Oriculum & Romam vestigia in vepretis
vidimus. Crebra ejus mentio apud Tacitum, & de eadem
inscriptio Tarraconensis Hispania, quæ L. Ovinio, L. F.
Quirino Rustico posita, in qua inter cætera legitur,
CURATOR. VIÆ FLAMIN. LEGATO LEG. MYS,
INFERIORIS CURAT. VIÆ TIBURTIN.

Claudia. Flaminia juncta Ovidius l. de Ponto,

Nec quos pomiferus poscos in collibus hortos

Spektat Flaminia Claudia iuncta via.

Aemilia. Aemilia duæ fuerunt, unam stravit Lepidus
Bononiam, & ex ea Aquilejam. Martialis lib. III. alloquens
librum suum,

Romam vade liber: si, veneris unde, requirer,

Aemilia dicas de regione via,

Si quibus in terris, qua sumus in urbe, rogabit,

Corneli referas me licet esse foro.

Idem de eadem libro VI. & Plinius libro l. agens de miri-
fico portento agri Mutinensis: in eadem Faventiam posita
tam significat, libr. XIX. Junior Plinius ad Pontium; Mihi
nunc

nunciatum est, Cornutum Tertullum accepisse Æmiliæ viæ curam. Alteram Æmiliam stravit Scaurus, quæ per Fisas, Lunam, Sabbatios, Dertonam usque pertinuit.

Cælia. Extra Flumentanam per Sutrium, Viterbium, Vulturnos mittebat. Hujus rudera quædam inter oppida nominata extant.

Cymina. Fuit propinqua superiori, vel ab oppidi, vel à montis, vel à lacus nomine dicta. Hujus mentio apud Victorum, & in marmore Auximi,

C. OPPIO C. F. VEL. SABINO
CVR. VIAR.

CLODIÆ ANNIÆ CASSIÆ CIMINÆ APPIÆ
AVRELIÆ TRIVM TRAIANARVM
ET AMERINÆ.

Clodia, quæ in hac inscriptione nominatur, est, quæ ab Ovidio Claudia. De Annia, & tribus Trajanis, nihil certi habemus,

Amerina. Hanc exposita inscriptione fuisse cognovimus, & duxisse Ameriam,

Collatina. Extra portam eiusdem nominis, ducens Collatiam, post exiguum spacium incidens in Salariam.

Salaria. A porta Collina mittens in Sabinos, non magis (ut Strabo inquit) longitudinis, à deportando sale accepta nomen. Martialis,

*Illic Flaminia, Salariaque,
Gestator patet effedo tacente.*

Tacitus libr. XIX. Ut transversis itineribus per agnum Sabinum, via Salaria Urbem introirent. Et paulo post, Terentium agmen per Salariam Collinæ portæ propinquat. In hac viâ ad quartum & decimum miliare, ut Vibius, vel ad undecimum, ut Livius, prope Alliam flumen victoria contra Romanos potiti sunt Galli,

Nomen

Numentana. A Viminali, vel (ut Strabo) à Collina inchoans, apud Eretum vicum in Salariam incidit. Quam obrem superiorem & hanc tanquam vicinas coniungunt: Suetonius in Nerone, & Eutropius loquens de morte Caligulæ: Numentana prope Urbem extant adhuc vestigia. Ovid. IV, Fast.

*Hæc mihi Numento Romam cum luce redirem,
Obstitit in media candida turba via.*

Tyburina. Extra Esquiliam, Tybur mittens. Ab hac porta multæ viæ incipientes, in diversa loca postea dividuntur. Horat. I, Sermon.

Cum Tyburte viæ prætorem quinque sequuntur.

Tusculana. Hanc una cum Albana instauravit M. Messala, quem laudibus celebrat lib. I. Tibullus:

*Nec taceam monumenta viæ, quæ Tuscula tellus,
Candidaque antiquo desinet Alba lare.
Namque opibus congesta suis hæc glareæ dura,
Sternitur, hæc apta iungitur arte flex.*

In Albana olim viæ, Julio Procule apparuit Romulus:

Prenestina. Huius initium cœpit à Subura, cuius intra urbem adhuc ex lapide quadrato supersunt vestigia, & in frutetis extra urbem, à Tusculo Preneste cuntibus.

Lavicana. Intra Esquilinum & Cœlium, per Esquilinam (ut Strabo inquit) portam exiens: vel ut alii, per Naviam, deduxit ad Lavicorum oppidum. Sed & hoc & Tusculum à dextra relinquens, ad Pictas & Latinam viam terminabatur.

Campana. Extra Cœlimontanam, de qua Romæ in marmore;

HVIC MONVMENTO ITVS ADITVS AMBITVS
DEBETVR EX SENTENTIA EROTIS AVG. L. IV.
DICIS AVI A CAMPANA PVBLICA. Et apud Sucto-
rijum in Cæsare Augusto.

Gabina. Intra Cœlium & Cœliolum orta, ducens Ga-
bios. Strabolib. V. non idem dicit; primum enim ait, Lati-
nam inter Appiam & Valeriam positam: postea inter Lati-
nam & Valeriam, interjicit Prenestinam & in Prenestina
via Gabios sitos inquit.

Valeria. De Latina declinavit per Sabinos, ad Marfos;
& inde ad Corfinium, Pelignorum metropolim pertinuit.

Latina. Hæc per Ferentum, Frusinum, Fabrateriam
oppida ad Casinum extensa, ubi in Appiam incidit. In Da-
cia hæc legitur inscriptio,

L. ANNIO FABIANO
III VIRO CAPITALI CVRATORI VIÆ LATINÆ
LEG. X. FRETENSIS LEGATO.

Hanc viam Martialis modo Latiam, modo Ausoniam
nominat, libro IX.

— *simili venerandus ab Hercule Cæsar.*

Consecrat Ausonia maxima fana via.

Idem eodem libro,

Herculis in magni vultus descendere Cæsar

Dignatus, Latia dat nova templa via.

Quâ Trivia nemorosa petit dum regnaviotor,

Octavum domina marmor ab Urbe legit.

Cicero pro Cluentio, cauponem quandam de via La-
tina nominat.

Appia. A porta Capena, vel potius à septizonio initium
sumpsit, omnium maxima & laudatissima, ab Appio cen-
fore (ut Frontinus inquit) ad urbem Capuam munita; sed

D

verius

*vide Inst.
Lips. de mag.
Romanæ
lib. 3. cap. x.*

verius Tacitus, & auctor de Viris illustribus, qui Appium hanc viam deduxisse Brundisium usque affirmant. Certe Augusti temporibus eo pertinuit, si Horatio credimus: item Tiberii, si Straboni. Et hoc ipsum sub Nerva potuit ignorare Frontinus? Longitudine circa sex & sexaginta milliaria Germanica (unumquodque autem V.M. pass. continet) est complexa, quamobrèm ad Pollium bene Staturus,

— *qua limite noto*

Appia longarum teritur regina viarum.

Hæc prope Romam deflebens, inter Tusculum & Albam, per montes deducit Ariciam, Algidum, Pistas, Pandochiam: hinc ad maritimam pervenit Teracinam, Formias, Minturnas, Sinuessam, & inde Capuam, Sidicinum, Calaterram, Calydium, Beneventum, Brundisium. Labo Drusus Scribonius, conjurationis adversus Tiberium reus, aliquando consultavit, an habiturus esset opes, quis viam Appiam Brundisium usque pecunia operiret. Ab auctoris nomine dicta Appia: à gentis, Claudia: ab imperatoris qui restituit, Trajana. Ejus mensi partem sumus à Monticella, Fundis, Iatro, Formiis, ad XXM. pass. & iterum vidimus apud Capuam novam, quo in loco eam restituisse Antoninum Pium, inscriptio pontis supra Vulturum fluvium demonstrat.

Numicia. Appiæ vicina, testimonio Horatii lib. I. Epist.

Brundisium Numici melius via ducat, an Appi.

Ardeatina. Ex Aventino, juxta Antonini thermas, strata Ardeam.

Laurentina. Ex eodem monte, Laurentum deducta.

Ovid. II. Fastorum;

Est via, qua populum Laurentes ducit in agros.

Inter Ardeatinam & Ostiensem, Gellius Laurentinam ponit:

ponit : & Laurentinam atque Ostiensem tanquam propinquas inter se, conjungit Plinius junior, in epistola ad Galium.

Ostiensis. Quæ ad Ostiam mitteret : de hac inscriptio Neapolitana,

M. BASSÆO. M. F. PAL.

A X I O

PATR. COL. CVR. R. P. II VIR MVNIF. PROC.
AVG. VIÆ OST. ET CAMP.

Hæc exigua spacio fuit.

Portuenfis. Quæ ultra flumen ad portum Ostiensem, totius orbis amplissimum, ducebat.

Aurelia. Maritimæ Thuscæ ora, per agros sylvasque Pisas, extensa. Hæc & consularis dicta fuit, & ab instauratore Trajana. Invenitur Aurelia vetus & nova, altera fortasse ob auctorem, altera propter reparatorem. Tyburi in epigrammate C. Popillii inter cætera sic legitur,

CVRATORI VIAR. AVRELIÆ VETERIS ET NO-
VÆ CORNELIÆ ET TRIUMPHALIS.

Cicero XII Philipp. Tres viæ sunt ad Mutinam, à supero mari Flaminia, ab infero Aurelia, media Cassia.

Cornelia. De hac in Tyburtina inscriptione, & in Romana domus Cassæ,

CVRATORI VIARVM

DVRELIÆ CORNELIÆ TRIUMPHALIS

Ex quibus conjicio, inter Aureliam & Triumphalem interjectam fuisse.

Triumphalis. Hæc intra urbem initium habuit, de qua supra dictum est.

Picellis. A Janiculo monte ad mare usque munita, auctore Suetonio,

Curatores viarum vestigalia certis hominibus locabant: quæ qui redimerent, mancipēs dicti sunt. Vnde mancipium fraude, & magistratuum incuria viæ sæpe interrumpæ, & imperviæ factæ sunt: de qua re conqueritur Tacitus. De ejusmodi mancipe inscriptio Romæ, in domo Cardinalis Carpenſis:

CN. CORNELIO

CN. F. SAB.

MVSÆO

MANCIPI VIÆ APPIÆ.

Viarum munitio ac restitutio maximæ curæ fuit C. Graccho, ut Plutarchus: item ex Imperatoribus Tiberio, ut Tacitus scribit: & Vespasiano, ut Sex. Aurelius, probatque marmor vetus Romanum,
IMP. CÆS. VESPASIANO AVG. PON. MAX.
TRIB. POT. IMP. IIX P. P. COS. III. DES. IIII. S. C.
QVOD VIAS VRBIS, NEGLIGENTIA SVPERIOR.
TEMPOR. CORRVPTAS IMPENSA SVA
RESTITVIT.

Post hos Trajano, à quo multæ viæ nomen abolito pristino acceperunt, ut Appia, & Aurelia: & trium Traianarum supra facta est mentio. Ad vias exædificatæ fuerunt ædes, domus, arcus, hippodromi, prædia, horti, tabernæ, & (ut suo loco dicemus) sepulchra, tanta frequentia & splendore, ut exterarum gentium legati per suburbana euntes, in ipsa Vrbe se versari crederent.

CAP. VI.

De regionibus & tribubus.

VRbs Roma in regionēs quatuordecim diuisa fuit, quod Plinius scribit, & his verbis Tacitus, de incendio loquens
Nero.

Neroniano : In regiones quatuordecim Roma dividitur, quarum quatuor integræ manebant, tres solotenus dejectæ, septem reliquis pauca restorum vestigia supererant, lacera & semiusta. Testatur idem antiquus lapis in Capitolio antedomum Triumvirum, quos nunc Conservatores nominant :

IMP. CÆSARI DIVI
 TRAIANI PARTICI FIL.
 DIVI NERVÆ NEPOTI
 TRAIANO HADRIANO
 AUG. PONTIF. MAXIMO
 TRIBVNIC. POTEST. XX.
 IMP. II. COS. III. P. P.
 MAGISTRI VICORVM VRBIS
 REGIONVM XIIII.

De regionibus extat libellus Publii Victoris, seu (ut alii volunt) Sex. Ruffi, qui hæc imponit illis nomina, Porta Capena, Cælimontium, Isis & Sarapis, Via sacra, Esquilina, Alta semita (cujus & Suetonius mentionem facit in Domitiano) Via lata, Forum Romanum, Circus Flaminius, Palatium (hoc quartam regionem nominat Varro) Circus Maximus, Piscina publica, Aventinus, Transtiberina. Spacia & terminos nemo ex antiquariis Romanis, in tanta loci opportunitate, & cæterorum adjumentorum copia adhuc investigavit. Augustus ad custodiam Urbis propter tumultus subitos, aut nocturna incendia, septem Vigilum cohortes ex libertinis conscripsit, eisque regionem Transtiberinam habitandam concessit, his qui præerat, Præfatus Vigilum, aut Vigilibus præpositus (ut apud Tacitum) dicebatur. Ex quatuordecim regionibus prima, duodecima, & tertiadecima, Gothico incendio ita consumptæ sunt, ut nec

que postea unquam restitui potuerint : auctor Pomponius. Regiones hodie (ut recentiora cum antiquis jungam) totidem numero sunt , sed & nominibus & distributione diversæ. Regio montium , Trivii , Columnæ , Campi Martii , Pontis , Parionis , Harenulæ , Eustachii , Pinæ , Angeli , Cambitelli , Ripæ , Translyberina , Burgi. Regiones ipsæ dividuntur in vicos , quemadmodum tribus in Curias.

Tribus autem Urbis antiquæ fuerunt quinque & triginta : ut ex actionibus Ciceronis contra Verrem & Rullum , & ex Augusto Suetonii , clarum est. M. Varro de tribubus libros scripsit , & singulas singulis Satyris lacera vit Lucilius de quo Persius ,

— *Secuit Lucilius urbem.*

& apertius Horatius in Sermonibus t

Primores populi arripuit , populumque tributim.

Asconius in secundam Verrinam tribus improprie Curias , item Varro libro IV. de lingua Latina , non recte regiones nuncupat : idem tamen paulo post ipse se corrigit. De tribubus , unde nomina habeant , & quibus temporibus actæ ad hanc multitudinem pervenerint , dicere hoc loco non est necesse. De prioribus qui volet cognoscere , legat Sex. Pompeium : de posteriore , T. Livium. Tribus ratione triplici fuerunt distinctæ : in urbanas , & suburbanas , quæ fuerunt libertinorum : & rusticanas , quæ ingenuorum. Urbana ex sententia Varronis quatuor , Suburana , Palatina , Esquilina , Collina. Suburbana una tantum , Romilia , Rusticana triginta ,

Aemilia

Aniensis

Claudia

Cornelia

Pontina

Popilia

Publicia

Pupinia

Crusta.

<i>Crustumina</i>	<i>Quirina</i>
<i>Fabia</i>	<i>Sabatina</i>
<i>Falerina</i>	<i>Scaptia</i>
<i>Galeria</i>	<i>Sergia</i>
<i>Lemonia</i>	<i>Stellatina</i>
<i>Metia</i>	<i>Terentina</i>
<i>Narniensis</i>	<i>Tromentina</i>
<i>Ocriculana</i>	<i>Veientana</i>
<i>Oufentina</i>	<i>Velina</i>
<i>Papiria</i>	<i>Veturia</i>
<i>Pollia</i>	<i>Volitina.</i>

Harum nomina erudite collegit Paulus Manutius, in Scholiis quæ in Ciceronis epistolas edidit, apposisit qui de iis meminerunt, scriptoribus. Propter antiquitatis studiosos omittendum non est, tribus aliquas varie scribi solitas, ut *Fontina* *Pomptina*, *Crustumina* *Clustumina*, *Suburana* *Sucurana*, de qua Varro & Quintilianus. Eandem unica littera scribi solitam, ex Junio, Varrone, & antiquis epigrammatis, librisque manuscriptis cognoscitur. *Publicia* in Veronensibus marmoribus, *Poblicia*, *Vfentina*, in Mediolanensibus & apud Sex. Pompeium, *Osfentina*, *Volitina*, in Bergomatibus *Votina*, in Reatensibus *Voltinia*. De *Sapinia*, quam aliqui ex Livio (si correctus liber est) addunt, nihil habeo dicere, sicuti & de *Menia* apud Ciceroem in epistola ad Crassipedem: item de *Camilla*, *Flavia*, *Vlpia*, quas in antiquis marmoribus reperi. Vel igitur à posterioribus plures sunt adjectæ, quod ego mihi sine auctoritate persuadere non possum, vel ex illis aliquæ diversis nominibus appellatæ: id quod factum est aut à Censoribus, qui populi partes in tribus describebant, & (ut Sex. Pompeius inquit) uni tribui alios diversarum civitatum sæpe ascribebant.

bant, aut, quod vero similis est, ab Imperatoribus: qui tribus ampliabant: ut à gente Domitiani Flavia, à Traiani Flavia fuerit dicta. Traianus quidem certe tribus auxit, ut manifeste indicat marmor Romæ in domo Alexiorum,
 IMP. CÆSARI DIVI NERVÆ F. NERVÆ TRAIANO AVG. GERMANICO DACICO PONTIFICI MAXIMO TRIBVNIC. POT. VIII. IMP. II. COS. V. P. P. TRIBVS XXXV. QVOD LIBERALITATE OPTIMI PRINCIPIS COMMODA EARVM ETIAM LOCORVM ADIECTIONE AMPLIATA SINT.

Civium in tribus distributorum nomina Elephantinis libris conscripta, asservabantur in arario Saturni. Ne quid autem temere affirmasse videar, res ipsa postulat, ut inscriptiones, unde ignotæ illæ tribus sumptæ sint, adscribam, si quis forte ad investigandum diligentius excitari queat,

Menja, de qua Cicero,
 Alysis.

M. GRANIO M. F.
 MEN. CORDO, &c,
 Nucetia.

P. AIO. P. F. MEN.
 EX TESTAMENTO.

Camilla, Romæ.
 TI. CLAVDIO TI. F. CAMIL,
 SOTERICHO
 VIXIT ANNIS DVOBVS.

ibidem.
 Q. MANLIVS Qu. F. CAM.
 SECIVS
 ALBA POMPEIA VETER.

Flavia,

Flavia, Romæ.

C. VALERIUS. C. F.

FLAVIA SPECTATUS.

SISCLA MIL. COH. VIII. PR.

Flavia, Romæ.

C. GALLONIUS. C. F.

VLP. MARITIMUS.

Docemur præterea ex his inscriptionibus initio positum fuisse nomen, proxime familiæ, tum patris, deinceps tribus, ad extremum cognomen. Ita in IX. Philippica. Ciceronis: Servius Sulpitius Quinti filius Lemonia Rufus: Item pro Quintio: Vbi cognomen, quod fortasse non fuit, omisum est. In oratione, De novo agendi genere, seu prima actione in Verrem, inquit: Inventum esse fortem amicum ex eadem familia, Q. Verrem Romilia quo in loco & nomen patris, & cognomen quoque contempti hominis præterit: tribum, cum suburbana esset, collocavit. Tribus autem appellationem ablativo casu ponebant, ut intelligeretur præpositio: quod & Asconius in Verrinas, & Servius in tertium, & in decimum Æneidos annotaverunt.

CAP. VII.

*De foris, ad splendorem Urbis, & hominum
necessitatem factis.*

FOræ Romana distinguemus primum in ea, quæ ad splendorem Urbis tacta sunt: & in quibus hominum conventus fierent, vel negotiorum civilium, vel delectationis causa. Deinde in illa, quæ ad communes populi usus parata, negotiantibus paterent, quibus propter necessitatem carere nulla civitas potest.

De foris primi generis.

Romanum, Incipit à Capitolii radicibus, ubi nunc Se-
E primii

primi arcus est, & secundum longitudinem ad S. Mariam novam, ubi Titi arcus, protenditur: secundum latitudinem à Palatini radicibus ad viam Sacram, & Saturni ædem. Variis nominibus appellatum fuit. Ut enim poetæ nomine apud Græcos Homerus, ita fori in Urbe, Romanum accipitur. Ovidius de Ponto,

*Temodo campus habet, densa modo porticus umbra,
Nunc in quo ponis temporarara, Forum.*

Per campum, Martius: per porticum umbrosam, Pompeia: per forum, Romanum, in his versibus intelligitur. Romanum dictum, à dignitate urbis, quod præ cæteris esset ornatissimum, propter ædificia: & frequentissimum, propter judicia. Propert. lib. IV.

*Atque ubi nunc terris dicuntur iura subactis,
Stabant Romano pila Sabina foro.*

Dictum etiam forum Latium. Ovid. IV. Fast.

*Cuius in ingenio est patria sacundia lingua,
Qua prior in Latio non fuit ulla foro.*

Præterea forum magnum, à Victore, & Ovidio III. Fast.

Es tenet in magno templa dicat a foro.

Ad extremum, Forum vetus, in vita M. Antoniniani, apud Herodianum. Hoc in tres partes dividit, & varia in eo hominum studia describit in Cureulione Plautus:

*In foro infimo boni homines atque dites ambulant,
In medio propter Canalem, ibi ostentatores meri,
Confidentes, garrulique, & malevoli. Supra lacum
Quis alteri de nihilo audacter dicunt contumeliam,
Et qui ipsi fac habent, quod ipsis possit vere dicier.*

Per lacum, significat Curtium, quem describit VI. Fast. Ovidius. Prope eum fuerunt Rostra, & statua Marfyæ coronati, ad quam homines litigantes conveniebant. Horatius l. Serm.

Deinde

*Deinde eo dormitum, non sollicitus, mihi quod cras
Surgendum sit mane, obeundus Marfya.*

Seneca VI. de Beneficiis; Forum ipsum ac rostra, ex quibus pater legem de adulteriis tulerat, filiz in stupra placuisse, cotidianum ad Marfiam concursum, de qua re item Plinius lib. XXI. cap. III. Hæc propter locum Plauti attuli. In liberis Græciæ civitatibus, ita Marfye statua olim in foro collocabatur, ut nunc Rolandi in superiore Germania. E regione Marfye, alius locus erat, ad quem conveniebant foeneratores, quem Libonis puteal nominabant, inter porticum Iuliam & arcum Fabianum, ut Persii interpres scribit. Horatius,

Roscium orabat sibi adesset ad puteal cras.

Persius,

Si puteal multo cautus vibice flagellas.

Sed ad fora redeamus.

Sallustii. In monte Quirinali, quo in loco nunc ædes S. Sufannæ. Hoc forum Sallustius post Africanam præturam emit, una cum hortis, qui & nunc Sallustiani appellantur.

Cæsariæ. Post templum Pacis & Faustinae, ædificatum à Cæsare de Gallicis manubiis, hoc tempore in hortos mutatum. Situm ejus indicat Ovid. III. Tristium,

— hac sunt fora Cæsariæ, inquit,

Hac est à sacris qua via nomen habet.

Hoc restituit Domitianus, & nominavit Palladium, Martialis lib. I.

Linia post Pacem, Palladiumque forum.

Augusti. Superiori vicinum, turrim Comitum versus, & hoc in hortos transit. Templo Martis Ultoris, & colosso Augusti conspicuum. De templo Ovid. V. Fasti, loquitur,

Templaque in Augusto conspicienda fore.

De utroque Martialis lib. IIX.

Foroque triplici sparsus ante equos omnes,

Ædemque Martis, & colosson Augusti.

Spacio modicum fuit, ne aut alienas domos violenter invaderet, aut publica ædificia ignominiose everteret. Unde idem poeta ad Liviam, Augusti conjugem,

Nec vires errasse tuas campoque foroque.

Hoc inter Urbis miracula refertur à Plinio. Restitutum ab Hadriano est, teste Spartiano. Latini scriptores cum de tribus foris loquuntur, Romanum, Cæsaris, & Augusti intelligunt: quod interpretes raro observarunt. Seneca De ira: Adjice nunc publica perjuria gentium, circumscriptio- nes, fraudes, inficiationes, quibus trina non sufficiunt fora. Martialis in Epigr.

Causus, inquis, agam Cicerone disertius ipso,

Atque eris in triplici par mihi nemo foro,

Statius in Sylvis,

Nec saltem tua dicta continentem,

Qua trino invenis foro tonabas:

Ovidius III. Tristium;

Scena viget, studiisque favor distansibus ardet,

Cumque tribus resonant terna theatra foris.

Fora quæ sint, nominavimus. Theatra sunt Pompeii, Marcelli, Statilii: singulorum adhuc vestigia extant, ut infra aperiemus.

Nerva. Post templum S. Hadriani, quod templum inde à tribus foris dictum est, hoc ad Quirinalem usque montem, parte ejus aliqua complanata, pertinuit. Transitorium dictum, quod inde in tria fora transitus pateret. Martialis lib. X.

== nec illi

Sunt

Sunt triplices therma, nec fora iuncta quater.

Per thermas triplices, Agrippæ, Neronis & Tiri intelligit: per quatuor fora, Romanum Cæsaris, Augusti, Nervæ. Hoc etiam restituit Domitianus, ut est apud Suetonium.

Traiani. Intra Capitolinum & Quirinalem, ædificiis jam occupatum Giganteis operibus comparatum à Marcelino. In huius medio pulcherrima columna Cochlís, ex saxo solido fundata, & compacta sine cæmentis & calce, ita ut non artificiosa, sed naturalis videatur. Altra est pedes CXXVIII, ut Marlianus: vel pedes CXL, ut Eutropius, quem sequitur Platina. Sed alter fortasse à columna, alter à basi initium mensuræ sumpsit. Gradus habet CLXXXVII, fenestellas XLIV. latitudine palmi & dimidii intra ædificium, quæ in valde angustum contrahuntur, ut foris acceptum lumen intus diffundant. Columna Pario marmore incrustata, in qua res gestæ Traiani, & præcipue bellum Dacicum est expressum. Cernere in ea est formas munitionum, propugnaculorum, pontium, navium: item varia militum opera lignantium, ædificantium, castrametantium, fossas agentium, equos adaquantium, trophæa ferentium, in triumpho euntium: item formas thoracum, galearum, clypeorum, scutorum, zonarum, lituorum, pugionum, pilorum, gladiatorum, pharetrarum, aliorumque armorum. Ab ea parte, in qua inscriptio est, Victoris alatz, cum duabus aquilis.

De foris secundi generis.

Boarium. In Velabro, inter Palatinum montem, scholam Græcam, & Janum quadrifrontem. Ovid. I. Fastorum,

Hic ubi pars Urbis de bove nomen habet. & VI.

Arca quæ posita de bove nomen habet.

In eo templum nunc est S Georgii, corrupto nomine,

ad Velum aureum: item arcus boarius. In quo cernuntur taurorum immolationes, & victimarii sacrificuli cum instrumentis malleo, cultro, securi, ahenis, pateris, flagello, candelabro, linteis, & quibusdam aliis ad sacrificia pertinentibus.

Suarium. Ad radices Quirinalis, prope clivum qui ducit ad Caballos marmoreos in eo foro extructum templum S. Nicolai de Porcilibus.

Piscarium. Proxime ædem S. Angeli in piscina, ubi olim Mercurii porticus stetit. Vetus forum piscarium intra templa nunc S. Mariæ in porticu, & S. Mariæ Ægyptiacæ, Plautus in Curculione,

Symbolorum collatores apud forum piscarium.

Pistorium. Vnum intra Capitolium & Palatium, juxta ædem Vestæ: alterum in Aventino. Hodie tria sunt, unum prope S. Mariam rotundam, alterum in vico Judæorum, tertium apud S. Laurentium in Damaso.

Cupedinum. In quo esculenta & poculenta delicatiora venderentur, alij in Cœlio, alij in Esquilino statuerunt, eo in loco, in quo olim Numerius Equitius Cupes habitavit. nam ante illum ad Corneta appellatum fuit: utriusque rei testis Varro. Vetus nomen mutavit Æmilio & Fulvio Cens. ut inquit Festus & Plutarchus.

Suburanum. In quo res ad victum necessariæ, à rusticis importatæ, venderentur. Martialis lib. VII.

Quidquid villicus Umber, aut colonus,

Aut rus marmore tertio notatum,

Aut Tusci tibi, Tusculique mittunt,

In tota mihi nascitur Subura.

Agonium. Olim campus Agonius, nunc commune forum est omnium mercium.

Holiso.

Holitorium. Inter Capitolium & theatrum Marcelli quondam fuit, & nunc est: vulgo platea Montanaria.

Præter hæc, fori Archimonii mentionem facit Victor, Esquilini Appianus, Ceditii Festus, Argentarii Vitruvius, Jugarii recentiores.

CAP. II X.

De Campis.

Campi in Vrbe fuerunt planities vacuæ ædificiis, qui aut spectaculorum causa habebantur, certorumque conventuum, aut usibus civium necessariis addicti erant. Persequemur tantum eos qui in Vrbe fuerunt. nam campum Horationum, de quo Martialis; item Ridiculi, de quo Plinius, extra Capenam portam, utrumque prudens omitto: ut & urbanos hos, Vulcani, de quo Festus: & Jovis, de quo Spartianus: & Licinii, de quo Persius, nec Sceleratum ponam, quem describit Plutarchus: quoniam supplicii locus fuit.

Campus Martius. Qui à vicinitate fluvii, cui à septentrione adjacet, etiam Tiberinus, fuit ager Tarquinii, post ejus exactionem dicatus Marti. hunc plenissime describit lib. V. Strabo. Quamvis autem Arrianus Nicomediensis multos enumerat celebres campos, fama tamen omnes vincit Tiberinus. Incepit ab eo loco, ubi nunc S. Laurentius in Lucina, usque ad pontem Mulvium extensus. Quæ in eo ludicra & exercitia fierent, Horatius lib. I. Carminum describit:

— cur apicum

Oderit campam, patiens pulveris atque solus?

Cur neque militares

Inter aquales equites, Gallica nec lupatis

Tempea

Temperet ora frenis?

*Cur timeat flavum Tyberis intangere? cur olivum
Sanguine viperino*

Cautius vitas? neque iam livida gestat armis

Brachia: saepe disco,

Sape, trans finem iaculo nobili expedito.

In eundem tribus vocabantur ad Comitia, ut novos magistratus crearent. In campo tumultu exorto, delectus habebatur. In campo, clari viri mortui cremabantur, ut Sylla, Hircius, Pansa: item Imperatores, qui rogo extincto, ceteris quibusdam ritibus ac ceremoniis referebantur in deos: quam rem pulcherrima narratione exponit in vita Antonini Herodianus. Si qui autem ex Imperatoribus S. P. Q. Romano probati non essent, eorum reliquiae non deferabantur in Campum, sed tracta corpora praecipitabantur in Tyberim, ut Vitellio & Vario accidit, & de Commododo de ceterum fuit. In campo, animi causa ambulabant homines ociosi, Horatius in Epist.

Gaudentem parvisque sodalibus, & lare certo,

Es ludis, & post decisa negotia Campo.

Nunc pars ejus moenibus inclusa, & variis aedificiis occupata est. Campi autem solius nomine, propter celebritatem, Martius intelligitur.

Martialis. In Coelio, à Martio denominatus. nam Tyberis Martium inundante, ludorum pompa in Coelium transferebatur, auctore Festo, & Ovidio l. II. Fast.

Alteri gramineo spectabis Equiria campo,

Quem Tiberis curvis in latus urget equis.

Quis tamen cicta si forte tenebitur unda,

Caelius accipiet pulcherrulentos equos.

Esquilinus. Inter aggeres Tarquinii, & urbis moenia septen-

septentrionem versus. In eo ante Augusti principatum cadavera cremabantur, à Mecœnate conversus in hortos, & his temporibus vinetis constitus.

Viminalis. Post Diocletiani thermas, porrectus ad muros: hodie Vivaril campus, partim constitus, partim vastus, & repletus varii generis viminibus.

Agrippa. In radicibus Quirinalis, regione viz latæ.

Vaticanus. Planicies illa patens, & à Janiculo ad Tiberrim diffusa, protensaque in longum, à sinistra mœnibus cincta, nunc ex magna parte habitata.

Figulinus. Ad portam Trigeminam, post Aventinum, in quo hodie sunt Equiria. In eo campo collis est ex fractis figulorum testis congestus, formam habens cucurbitæ: quem montem Testaceum appellant.

Flora. A Flora Pompeji liberta, ut ajunt: in hoc campo Pompejani theatri extant vestigia. Spacio non magnus, sed satis celebris. Profestis diebus variæ in eo merces venduntur: festis autem, præcipue equi.

Agontus. Inter vallem Martiam, & circum Flaminium, nomen vetus retinet: & in eo nunc commune forum rerum venalium,

CAP. IX.

De templis gentilium, in templa Divorum mutatis.

DE sacris ædibus M. Varro libros scripsit, ex quibus sex tantum adducit Macrobius: & scriptores recentiores, quos in initio nominavi, ex antiquis multas collegerunt, quorum labori & studiis volo suum honorem haberi. Equidem hoc capite de iis tantum deorum templis dicam, quæ nunc ex antiquitate visuntur, & in nostrorum Divorum sunt mutata: sequenti vero addam ea, quæ sunt omissa ab aliis. Olim igitur aut singulis diis erant dicata templa, aut duo plus

resve consors habebant delubrum, unde ὁμοχῆται καὶ σύντρος
sunt appellati. Romæ in domo civis privati,

ΔΙΙ ΗΛΙΩ.

ΜΕΓΑΛΩ.

ΘΑΡΑΠΙΔΙ

ΚΑΙ ΤΟΙΣ ΣΥΝΝΑ

ΟΙΣ ΘΕΟΙΣ

Eadem ratione Carthagine, conjuncta templa habuerunt Ceres & Bacchus, quia victui humano præbent necessaria: iisque adjunctas Phœbus, prudentiæ Deus, qui admoneret, deorum muneribus moderate & sapienter utendum. Apud Rom. munus tuendi facta testata templorum primum censoribus, post eos ædilibus fuit commissum. In vetustatis monumentis & Conservatores ædium sacrarum, & Duumviri sanorum leguntur. Nunc ad templa, primum plurimum deorum, deinde singulorum, accedamus.

Jovis, Minerva, Junonis.

S. Salvatoris in Maximis, in ea Capitolii parte, quæ occasum versus, forum Holitorium respicit: In hoc delubro medium sacellum tenuit Jupiter, dextrum Minerva, sinistrum Juno, sub una (ut Dionysius ait) aquila, hoc est, sub uno testro. Ex hoc intelligitur locus Ovidii, qui est ll. Trist.

Cum fueris Jovis ade, Jovis succurret in ade,

Quam multas matres feceris ille deus.

Proxima adoranti Junonis templa, subibit,

Pellicibus multis indoluisse deam.

Pallade conspecta, natum de crimine virgo

Sustulerit quare, quaret, Erichthonium.

Item alter in Consolatione ad Liviam:

Jupiter ante dedit fati mala signa cruenti,

Flammifera petiit cum tria templa manu.

Iuno.

*Iunonisque gravi nocte, impavideque Minerva,
Et sancta immensi Caesaris icta manu.*

Scribunt de eodem delubro Macrobius & Servius, & ejus magnificentiam laudat Marcellinus : & restitutum à Domitiano post incendium, testatur lib. IX. Martialis.

Herculis, Musarum. Nunc St Lucie in apothecis obscuris, in aditu circi Flaminii. Ovid. VI. Fast.

Dicite Pierides, quæ vos addixeris isti,

Cui dedit invitæ victa noverca manus ?

Idem de eodem loquitur lib. III. De arte,

Fœmina procedit densissima crinibus emptis,

Proque suis alios efficit ære suos.

Nec rubor est emisse palam : vanire videmus

Herculis ante oculos, virginemque thorum.

Porticum huic addidit Martius Philippus ornatissimam : de qua infra.

Veneris & Cupidini. Nunc S. Crucis in Hierusalem, in monte Cœlio. Pavimentum ejus tessellatum è vario marmore, & aurata laquearia. Ab Helena Constantini matre in pios usus conversum.

Romuli & Remi. Nunc SS. Cosinæ & Damiani, in via Sacra, prope turrinam Comitum dictam. posterior ejus pars quadrata, prior sphaerica, cum rotunda & unica tantum fenestra, lumen in medio tecti præbente, & excipiente imbres ac pluvias, facta in pavimento fossula. Aenæ ei valvæ sunt, & ex porticu tres columnæ reliquæ. Quondam per aliquot gradus in id ascendebatur, nunc per sex descenditur, adeo ex ruinis antiquorum ædificiorum altius solum factum est, ut pressa & humilia nunc sint, quæ aliquando eminuerunt. Alii hoc volunt Castoris & Pollucis fuisse, sed errant. illorum enim ædes (si Suetonio & Ovidio fides est) in foro ad

lacum Juturnæ fuit, eique proximum cum templum Julii Cæsaris, ut idem Ovid. lib. II. de Ponto: tum Domitiani, ut inquit in IX. Martialis.

Solus & Luna. Nunc S. Mariæ novæ, in fine fori Romani: ex ruinis antiqui, novum jam illud ædificatum. In horto duo fornices vetustate collapsi, è regione inter se positi conspiciuntur, quos Victor videtur dicere, Iſidis & Sarpapidis; Marlianus conjicit reliquias esse templi Solis & Lunæ, Lætus Æsculapii & Salutis Flavius Æsculapii & Apollinis, Poggius Castoris & Pollucis.

Saturni & Opis. Nunc S. Mariæ in porticu, in regione Ripæ.

Martis & Veneris. Nunc S. Mariæ rotundæ, de quo in Jove Ultore proluxegetur.

Jovis Capitolini. S. Salvatoris in Maximis, de quo in initio capitis. Hoc & Jovis Opt. Max. & Jovis Latii à Proptio dictum. Idem ornatissimum fuit. Martialis lib. X.

Nec Capitolini summum penetrale Tonantis,

Quaque nitent caloproxima templa sub.

In eo homines religionis causâ incubabant, ad quod alludit Plautus in Curc.

Siquidem incubare Iovi velint, qui peieraverint,

Locus non præberi potius est in Capitolio.

Ad idem victimas gratulationis causâ mactabant. Ovid. III. Fast.

Ad penetrale Numa, Capitoliumque Tonantem,

Inque Iovis summa caditur arce bidens.

Jovis Statoris. Nunc S. Mariæ de pœnis inferni. Contra ædem Vestæ in Palatini radicibus, clare monstrante Ovidio V I. Fast.

Tempus idem Statoris erit quod Romulus olim

Ante Palatini condidit ora iugis.

Mar.

Martialis Palatinum Jovem novum, Capitolinum veterem appellat, lib. VII.

Inde novum, veterem prospicis inde Iovem.

Jovis Feretris. Nunc S. Mariæ in ara cœli, olim fuit exiguum fanum, & magis fama, quam magnificentia notum. Cognominis causam erudite explicat Propertius lib. ultimo,

— *causa Feretri,*

Omne quod certo dux feris ante ducem.

Seu quia victa suis humeris hac arma ferebant,

Hinc Feretri dicta est ara superba Iovis.

Jovis Vltoris. Nunc S. Mariæ rotundæ, & Omnium sanctorum. Aliquando Cybeli sacrum; ejus dæ caput antiqui operis & saxi, cum duobus piscibus muro templi inclusum adhuc cernitur, à M. Agrippa Pantheum, quasi τῶν πάντων θεῶν dictū: & tandem Martiac Veneri, quiauctores populi Rō habiti sunt, ut Livius & Lucretius scribunt, consecratum. Hoc Bonifacius III. Pontifex, à Phoca Imp. qui rem pontificiam auxit atque extulit, acceptum, beatæ Virgini, sanctis omnibus dicavit: fuitque primum dictum, Virgo ad Martyrēs: sicuti nunc à circulari forma, S. Maria rotunda. Altum est pedes CXLIV, totidem latum. Contingnationes æneis trabibus canalium modo compactæ, ped. XL ut testatur Bap. Leo. Valvæ ingentes ex ære Corinthio, inauratæ & æneæ: trabes item inauratæ, lithostrotum varii marmoris, atæ dux marmoreæ, sex marmoratæ. Interstertia, sex columnarum spacio distantia. Testudo templi laqueata, vacuis circumquaque spaciis relictis, ne nimio pondere ædificium premeretur. Nulla fenestra penitus inest, nisi in medio sphæricum foramen lumen præbens, & æneis inauratisque trabibus fultum: cui subiectum ad imbres ex-

cipiendos impluvium. Ad foramen illud per tectum plumbeum exterius XL. gradibus plumbeis ascenditur: ad quod tectum antequam perveniatur, bini ambitus sunt, ad quorum primum ex imo templi per CL. gradus esteundum. Alulsi ad hoc in Didonis structura Virgil.

*Aeneæ cui gradibus surgebant limina, nexaque
Aere trabes, foribus cardo stidebat ahenu.*

Marcellinus lib. XVI. Pantheum, regionem teretem, speciosa celsitudine fornicatam, nominat.

In tecto nunc sunt plumbeæ laminæ, quæ olim argenteæ fuerunt, quas Constant Imp. Constantini Junioris filius detraxit. Gradus quoque ænei sublatis, & saxeis permutati sunt. Ascensum ad templum fuit per gradus duodecim, nunc per totidem descenditur: ex quo intelligitur, ut & antea dicebamus, quam alte ex ruinis solum exaggeratum sit. Parietes nunc latericij sunt, olim marmoribus incrustati fuerunt. Inter omnia igitur Urbis opera, nullum admirabilius, sive molem, sive artem, sive impensam consideres.

Iovis in Insula. Nunc S. Bartholomæi, descriptum ab Ovidio l. Fastorum,

*Accepit Phæbonymphaque Coronide natum
Insula, dividua quam premit amnis aqua.*

*Iupiter in parte est, capis locus unus utrumque,
Iunctæque sunt magno templæ nepotus avo.*

In eo quatuor columnæ ex ophite, & porphyreticum labrum, cum tabula ex marmore Pario, qua vix pulchriorem vidi.

Saturni in Capitolio. S. Salvatoris in Statera, infra saxum Carmentæ, seu rupem Tarpejam, cujus nunc semidiorutæ turris extat, reliqua pars tabernis occupata est. Miram hercule rerum mutatio. Trajani temporibus ex tabernis
templa

templa facta sunt Christianis, id permittente ethnico Imperatore: nunc ex templis tabernæ sunt, comprobantibus, aut certe conniventibus episcopis, & Pontifice.

Saturni in foro. Nunc S. Hadriani, ante forum Romanum, post Nervæ, à latere Cæsaris, unde in Tribus foris vulgo dicitur. Valvæ sunt æneæ antiquæ. In eo olim ærarium populi Rom. fuit. Legitur in antiquis monumentis, si quis aut testamenta corrupisset, aut violasset sepulchra, pœnæ loco additum,

INFERAT AER. POPULI

ROMANI. *Item,*

INFERAT ÆRARIO

SATURNI,

Unde & acta, quæ susceptis liberis parentes faciebant, in eodem conservabantur, & omnium civium Romanorum nomina. Erant ejusdem certi Magistratus, ut præfectus ærario, item ærarii curatores, ærarii scribæ, ærarii quæstores, & tribuni ærarii. Nomen accepit ærarium, cum aurum argentumque nondum signaretur. Vnde æs Saturnium dicitur Persio, quod ejus tempore, ejus usus esset.

Apollinis Palatini. S. Lucia in Palatio. Hoc & Apollinis Aëtiaci, & Navalis, & Paratonii dicitur, quod Augustus devicto Antonio & Cleopatra, ex marmore (ut Servius testatur) Lunensi fecit. Nullum fuit poetis celebrius, nullum donis opulentius, siquidem Augustus aureas argenteasque statuas sibi positas, huic templo donavit: nullum opere magnificentius. Valvæ erant eburneæ, auro picturisque ornatae, de quibus detracta hostibus spolia suspensa erant. Propertius lib. II.

Tum medium claro surgebat marmore templum,

Et patria Phæbo carius Ortygia.

Agræ

*Auro Soluerat supra fastigia curru,
 Et valva Libycinobile densis opus.
 Altera deiectos Parnasi vertice Gallos,
 Altera mœrebat funera Tantalidos,
 Deinde inter matrem Deus ipse, interque sororem,
 Pythium in longa carmina veste sonat.*

Virg. IIX. Æn. de scuto Æneæ, in quo Augusti Cæsaris triumphus expressi erant:

*Ipse sedens niveo candentis limine Phæbi,
 Dona recognoscit populorum, aptasque superbis
 Postibus. ———*

Hujus ne vestigia quidem relicta sunt, diruto etiam S. Lucia sacello.

Apollinis Capitolini. S. Mariæ sub Capitolio, intra forum holitorium, & circum Flaminium, extra portam olim Carmentalem.

Apollinis Vaticani. Nunc S. Petronillæ, juxta viam olim Triumphalem,

Apollinis Circi Flaminii. Nunc S. Apollinaris, ut Flavius Blondus, & Pomponius Sabinus sentiunt.

Martis Vltoris. Nunc S. Martinæ, in foro Augusti, unum ex maximis & sumptuosissimis cum opere, tum artificio; quod his versibus celebrat Ovid. V. Fast.

*Vltor ad ipse suos cælo descendit honores,
 Templaque in Augusto conspicienda foro.
 Digna Giganteis sunt hac delubra trophæis:
 Hinc fera Gradivum belli. movere decet.
 Prospicit armipotens operis fastigia summi,
 Et probat invictos illa tenere deos.
 Perspicit in foribus diversa tela figura,
 Armaque terrarum misiste victa suo.*

Hinc

Hinc videt Aeneam oneratum pondere caro,

Et tot Iulea nobilitatis avos.

Hinc videt Iliaden humeris ducis arma ferentem,

Claræque dispositis acta subesse viris.

In aditu templi ante fores ab utroque latere, Martis & Veneris statuae erant, eodem testante Il. Trist.

Stat Venus Vltori iuncta viro, ante fores.

Circa idem Apellis tabulam posuit Augustus, in qua Alexander triumphans Belli imaginem victis ad tergum manibus quasi captivam ducit. quam rem in Augusti gratiam videtur notasse doctissimus poeta:

— furor impius intus

Sava sedens super arma, & centum victus abenis

Post tergum nodis, fremet horridus ore cruento.

Nunc in eo templo picta cohors Romana, cujus vexillifer pro signo labrum habet. Fuerunt & alia Martis Vltoris templa: de quibus sequenti capite.

Martis in Vaticano. Nunc S. Marix de febribus, ad sinistram ingredienti basilicam S. Petri.

Herculis Victoris. Nunc S. Alexii in Aventino ad occasum, Tiberim & portam Trigeminam versus. Virgil. lIX. Æn.

— hac limina victor

Alcides subj: —

In eo non licebat esse (ut in aliis) lectisternium, nec cuiquam nisi ingenuo sacris interesse: auctores, Cornelius Balbus, & Servius grammaticus. Ab eodem mulieres arcebantur, cujus rei causam prolixè reddit libro quarto Propertius. Talia sacella, à quorum ingressu muliebris sexus arcetur, adhuc Romæ sunt, in S. Petro Vaticano, in S. Joanne Laterano, in S. Cruce in Hierusalem, in S. Praxedi, in lavacro Constantini, & locis fortasse pluribus.

Herculis. In eodem monte, nunc S. Priscæ, orientem
versus.

Herculis in ara Maxima,

Nunc S. Mariæ in Cōsmedim, post muros scholæ Græ-
cæ. De ara Maxima, Virgil. Propertius, Ovidius.

Romuli. Nunc S. Theodori, in Velabro, sub Palatino:
templum vetus, & sphæricum, cum rotunda fenestra in
medio testi, lumen præbente. Alii Panos Lycæi antiquitus
fuisse autumant.

Neptuni. Nunc S. Blasii, ad ripam Tyberis, in vicō
qui modo Iulius appellatur.

Neptuni Equestris. Nunc S. Anastasii, in radicibus Pa-
latini, ante circum Maximum. Superioribus annis post hu-
jus divæ ædem, sacellum subterraneum inventum, quod
parietes conchis ornatos habuit, & in medio testudinis æ-
quilam albam, cum crista rubra. Hoc se vidisse, Marlianus
& Gyraldus testantur. Neptunus equestris, alio nomine
Confus appellatus.

Castoris. Nunc S. Laurentii in Miranda, intra Faustie
næ vetus templum & porticum, foro Romano adjacens.
Plaut. in Cure, recensens loca circa forum;

Pone ædem Castoris, ibi sunt quibus credas male.

In Castoris templo somniorum interpretes incubarunt,
ut & apud Persii interpretem.

Æsculapii. Nunc S. Joannis Colevitæ, in insula Ty-
berina. In hoc incubabant ægroti, valetudinis causa: un-
de qui morbo levatus non erat, apud Plautum his verbis in-
cusat deum;

Migrare certum est iam nunc è sano foras,

Quando Æsculapii ita sentio sententiam

Prope hoc templum in horio, navis est prælonga, ex

Thasio

Thaſio lapide, cujus inſigne eſt caput Tauri, & à latere ſimulacrum ſerpentis.

Bacchi. Nunc S. Conſtantiz, extra portam Viminalem, in via Numentana, circulare, & vermiculato opere, columniſque duodecim in gyrum diſpoſitis ſuſtentatum, tribus inter ſe conjunctis, inter quas aliquo ſpacio relictis, aliæ eodem modo ſubdjunguntur. Vidi prope inſraſto ſepulchri marmore, Bacchantium turbam, qui angues ore geſtarent, & caprum ducerent: de quo more Prudentius Chriſtianus poeta, in ſuis graviffimis libris contra Symmachum ſcribit,

— *Baccho caper omnibus aris*

Caditur, & virides diſcindunt ore chelydros,

Qui Bromium placare voluit: quod & ebria iam tum

Anſe oculos regis Satyrorum inſania fecit.

Fauni. Nunc S. Stephani in Coelio, ſphæricum, & columnis in orbem æqualiter diſpoſitis ornatum. Columnarum ordo triplex fuit; in interiore columnæ XX. cum pilis duabus: in medio, XLII. qui ordo nunc pro muro eſt. extremi ordinis tantum rudera in adjuncto horto apparent. Fuit igitur terno ambitu, quaſi porticibus ampliffimum. Structura unum ex pulcherrimis, tempore ex antiquiſſimis.

Silvani. Nunc S. Agathæ ſub Viminali, in via Suburana, cujus mentio in teſtamento Galli Favonii, quod nos correctius quam in Marliano legitur, cum aliis quibuſdam teſtamentis ædidiſus, anno ſuperiore.

Mercurii. Nunc S. Angeli in piſcina, in foro piſcario.

Boni eventus. Nunc S. Euthachii, proxime Pantheum.

Hadriani. Nunc S. Mariæ Tranſpontinæ, ſive Carmelitatum, tranſ pontem Ælium, è regione ſepulchri ipſius. Hec templum Hadriano Antoninus Pius contra vota pene omnium dicavit.

Iunonis Lucina. Nunc S. Laurentii in Lucina, in campo Martio, habet columnas ophiticas & porphyreticas. De hoc templo Ovid. III. Fastorum.

Iunonis Matuta. Nunc S. Nicolai in Mentuza in foro holitorio. Ovid. VI. Fastorum:

*Huc ubi luce ferunt Matuta sacra parenti,
Sceptraferas servi templa dedisse manus.*

Iunonis Capitolina. S. Salvatoris in Maximis, cum Jovis delubro conjunctum. Vnde Ovid. in Fastis:

*Hic color, hic teneo cum Iove templa meo.
& ibidem:*

— dicor Matrōna Tonantis,

Iunctaque Tarpeio sunt mea templa Iovi.

Vesta. Nunc S. Mariæ de Gratia, in valle quæ inter Palatinum & Capitolinum est. Sphæricum est, de quo satis plane & perspicue Ovid. VI. Fast.

Hic locus exigua qui sustinet atria Vesta,

Tunc erat intonsi regia magna Numa.

Arte Syracusia suspensus in aëre clauso

Stat globus, immensi parva figura poli.

Et quantum à summis, tantum secessit ab imis

Terra: quod ut fiat, forma rotunda facit.

Par facies templi, nullus procurrit in illo

Angulus, à pluvio vendicat imbre tholus.

Vesta in foro Boario. Nunc S. Stephani, parvum & rotundum, & in ambitu decem & octo columnis inclusum. De hoc maxime diversæ sunt scribentium opiniones. Blondus & Marlianus affirmant Vestræ fuisse, Volaterranus Herculis, Lætus Matutæ, Albertinus Dianæ, nescio quis alius Auroræ.

Fortuna Virilis. Nunc S. Mariæ Ægyptiacæ, ad ripam Tyberis

Tyberis juxta pontem Palatinum, ex lapide quadrato, cum testorio ad regulam antiquorum facto, columnæ ex latere utroque septem, duæ in frontibus. Porticus parva columnarum quatuor, & ante aram totidem. Ad ortum æstivum parieti inserta columella ex alabastro, quæ claro solis ortu, luce perspicua, & fulgore luminis incendit parietes. Ovid, IV. Fast.

Discite nunc quare Fortuna t'hura virili.

Detû, eo gelidâ qui locus humet aqua.

Simulachrum hujus Deæ duabus undulatis togis fuit opertum, perinde ut olim reges Romani undulatas & prætextas togas soliti sunt habere: ita scripsit Varro libro primo de Vita populi Rom.

Fortis Fortuna. Nunc S. Cosmati, sub Janiculo, in hortis Cæsaris Dictatoris, quod ipse populo Rom. legaverat: ut Tacitus narrat. Terentius Scaurus: Fœdus Græciæ (inquit) camelo æræo in hortis Cæsaris, ædi Fortis Fortunæ incisum, & pro porta politum. De eodem horto & templo Suetonius. Fuerunt & alia Fortis Fortunæ templa, ut ex Varrone & Livio conjicimus. Colebatur ab operariis, & rusticis, & servis. Columella in libro de Hortis:

Allia cum cepis, cereale papaver, anetho

Iungite, dumque virent, nexos deferre maniplos,

Et celebres Fortis Fortuna dicite landes.

Isidis iuxta ovilia. Nunc S. Marcelli, in via lata, ut Victor: non procul à septis, ut Juvenalis.

A Meræ portabat aquas, quas spargat in adem

Isidis, antiquo qua proxima surgit Orili.

Isidis in circo Flaminio. Nunc S. Mariæ in Equiro, quod in eo loco fierent Equiria.

Isidis in via Appia. Nunc S. Nerei, inter S. Sixtum, &

thermas Antoninianas, ad caput viz novæ. Hujus deæ opem in recuperata valetudine experti, tabellas ei suspendebant. Vnde Tibullus,

— nam posse mederi

Picta docet templis multa tabella suis.

Ejus sacra quomodo sublata, & quam ob causam sacerdotēs Urbe pulsi, & templa diruta sint, Josephus docet in antiquitatibus lib. XLIX.

Telluris. Nunc S. Pantaleonis in Subura, intra Carinas, ædificatum in arca domus Cassij, qui regni affectati pœnas dedit; auctores Cicero & Valerius.

Honoris & Virtutis. Nunc S. Sixti, ex aliquorum sententia, quæ mihi falsa videtur. Propinquius enim portæ Capenæ fuit, quam nunc hoc recens est.

Carmentis. S. Catharinæ, sub rupe Tarpeja;

Pietatis. Nunc S. Salvatoris de pietate. Julius Obsequens ponit in Circo Flaminio, Victor in foro holitorio; Plinius in eo loco, ubi postea theatrum Marcelli fuit. Vnius loci varia designatio, ab adjacentium locorum vicinitate sumpta. Aliquando eodem in loco carcer plebis fuit, in quo cum filia matrem vincitam suis uberibus aluisset, impunitas illi concessa, & locus Pietatis numini dicatus est.

Diana Aventina. Nunc S. Sabinæ, supra Tyberim, occasum versus. Ad hoc alludit Horatius in Epodis,

Quæquæ Aventinum tenet, Algidumque,

Quindecim Dianæ preces virorum

Curet. —

Antiquum marmor Salonæ in Dalmatia de hoc templo testatur, CÆTERÆ LEGES EÆDEM SONTQ,
QVÆ ARÆ DIANÆ SONTQ IN AVENTINO
MONTE DICATÆ.

Diana

Diana in Cælio. Nunc S. Joannis Evangelistæ, ante portam Latinam, minimum, & nullorum plane ornamentorum.

Bona dea. Nunc S. Mariæ Aventinæ, in medio pene ejus montis, qua Tyberim spectat. Situm depingit Ovid. V. Fast.

Est moles nativa loco, res nomina fecit,

Appellans saxum, pars bona montis ea est.

Huic Remus insisterat frustra, quo tempore fratris

Prima Palatina regna dedisset aves.

Templa patres illic, oculos exosa viriles,

Leniter acclivi constituere iugo.

Dedicat hac veteris Clausorum nominis hares,

Virgineo nullum corpore passa virum.

Livia restituit.

Minerva. Nunc S. Mariæ supra Minervam, post Pantheum. In hoc fuit breviarium rerum gestarum Pompeii Magni.

Minerva Capitolina. S. Salvatoris in Maximis, Jovis Capitolini delubro conjunctum, Unde bene cecinit poeta antiquus,

Vtque Palatinis Capitolia condita saxis

Signarent titulo proavi Jovis, atque Pelasga

Palladis, & Libyca Iunonem ex arce vocarent.

Veneris Vistricis. Nunc S. Mariæ in Cripta picta, vicinum Pompeii theatro, testante Ill. Trist. Ovidio,

Altera templa peto, vicino iuncta theatro:

Hac quoque erant pedibus non adeunda meis.

Veneris theatri Pompeiani. Nunc S. Barbaræ. In hoc Catia cum duobus adulteris libidinem sub velo publicæ excrevit; ut auctor est interpretes Horatii.

Salutis.

Salutis. Nunc S. Vitalis, in Quirinali. Ovid. I. Fastor.
Ianus adorandus, cumque hoc Concordia mitis,
Et Romana Salus, atque Pactis erit.

Quietus. Nunc S. Petri & Marcellini, in via Lavicana;
 A Constantino in meliorem usum conversum, qui matrem
 suam prope illud in Mausoleo sepeliri voluit, quod in Syl-
 vestro primo asserit Platina.

Concordia. Nunc S. Sergii & Bacchi, infra Capitolium,
 qua forum respicit. Fuerunt & alia duo, unum in arce, al-
 terum supra Comitium, ad Vulcani arcam:

Sciendum est, cum temporis verbum omisimus, nos
 mine loci simpliciter notato, & vetusta & recentia templa
 eversa esse. In illis autem vetus magnificentia quaerenda
 non est: & nos quæ posuimus, cum ad antiquitatis qualia-
 cunque vestigia cognoscenda, tum ad auctores intelligen-
 dos putavimus pertinere. Varro scripsit, ornamenta tem-
 plorum olim lignea & fictilia fuisse, quæ post aliquanto ex
 marmore, ebore, atque auro facta sint. item Tacitus ait,
 apud antiquissimos rudicamento & informibus tegulis tem-
 pla fuisse extructa, quæ postea marmore nituerunt, & radi-
 arunt ære atque auro, non tantum firmis & duraturis parie-
 tibus, sed etiam expolitis arte, & splendentibus. Structu-
 rarum quæ nunc extant, non uniformes sunt: etenim
 variis ætatibus atque ingeniis varia placent. Alia videntur
 circulari forma sine columnis, sine contignatione, sine fe-
 nestris, sphaerico foramine in tecti medio lucem præbente:
 quorum præcipuum & amplissimum, S. Maria rotunda, &
 post illud S. Maria de gratia, item SS. Cosmæ & Damiani,
 & S. Stephani in foro boario, & S. Theodori. Alia eadem
 forma, sed plurimo columnarum ordine, & adjunctis fene-
 stris, ut S. Stephani in Cœlio, & S. Constantiæ extra por-
 tam.

tam Viminalem. Hæc licet ex antiquis cuncta sint, novis tamen nominibus tanquam notioribus appello. Alia quas drangulari forma, ordine columnarum recto, & plerunque uno tantum, interdum duplicato, ut in recentioribus illis magnificis, S. Joannis Laterani in Cœlio. S. Petri in Vaticano, S. Pauli in via Ostiensi, quod olim etiam multo amplius & cultius fuit, ita enim depingitur in quodam hymno Prudentiano,

Parte alia titulum Pauli, via servat Ostiensis,

Qua stringit amnis cespitem sinistrum.

Regia pompa loci est, princeps bonus has sacravit arces:

Clausis que magnus ambitum talens.

Bracteolas trabibus sublevit, ut omnis aurlenta

Lux esset intus, ceu iubar sub ortu.

Subsidit & Parias fulvis laquearibus columnas,

Distinguit illic quas quaternus ordo.

Tum Camyros hyalo insigni varie cucurrit arcus:

Sic prata vernis floribus renident.

Tale autem fuit Theodosii Magni temporibus. Nonnulla pilas tantum habent, interjectis columnis, & fenestellas sub ipso recto; alias plures, alias pauciores, pro reliqui ædificii forma atque modo. In ipsis templis plurimæ columnæ præciosæ, ex variis diversisque marmorum generibus. Hodie intra & extra urbem plus quam trecenta visuntur, quæ libello quodam cum cœmeteriis & xenodochiis, additis clarorum virorum epitaphiis, separatim annotavimus.

CAP. X.

De templis sacellisque veteribus, quæ ab aliis omissa sunt.

Superiore capite dictum est de templis prophanis, quæ in

H

divo;

divorum nomina sunt mutata : hoc autem capite enumerabimus ea , quæ nunc quidem nulla sunt , sed apud veteres fuisse leguntur , & à recentioribus sunt omiſſa : qui tamen in eo , ut colligereant omnia , videntur elaboraſſe. Quamvis autem ad eam Urbem , vel potius cadaver Urbis , quod nunc eſt , nihil pertineat hæc diligentia , tamen ad poetas & historicos intelligendos , hæc vel nominum cognitio , vel locorum notatio utilis , ut opinor , futura eſt.

Veneris & Romæ. Conſors delubrum fuit in via Sacra ,
teſtante id contra Symmachum Prudentio ,

*Ac Sacram reſonare viam mugitibus , ante
Delubrum Roma : colitur nam ſanguine & ipſa
More Dea , nomenque loci ceu numen habetur.
Atque urbis Veneris que pari ſeculmine tollunt
Templa , ſimul geminis adolentur thura deabus.*

Urbis etiam dies natalis colebatur XII. Cal. Maji. Hoc fortaiſſe idem eſt cum eo , quod Servius Veneris Romanæ nominat. Inter ſingularia certe & digna admiratione loca , Urbis templum numerat Marcellinus.

Iovis Fagutalis. In monte Viminali , à luco Fageo , de quo Varro , Plinius , Feſtus , Viſtor.

Iovis Prædatoris. In quo prædam hoſtibus ereptam ponebant. Locus ignoratur : ſed fuiſſe , & ad illud alluſiſſe Virgilium Servius ſcribit ,

— ipſumque vocamus

In prædam , partemque Iovem.

Iovis invicti. Et huius neſciitur locus. Ovid. VI. Faſt.

Idibus Invicto junc data templa Iovi.

De eodem Auguſtinus de Civitate Dei.

Iovis inventoris. Juxta Salinas ſacellum fuit , quod inventis bobus , & punito Caco , Hercules patris Inventori dicavit : auctores , Dionyſius & Solinus.

Iovis

Jovis Propugnatoris. In Palatio, cujus mentionem invenimus in antiquis Epigrammatis,
IN ÆDE JOVIS PROPVGNATORIS IN LOCVM
CLAVDI PATERNI VITA FVNCTI ATERIVS CO-
LONIVS COOPTATVS.

Hæc inscriptio posita sexto consulatu Commodi Imperatoris, in quo Petronius Septimianus ei collega fuit.

Jovis Conservatoris. Hoc quoque in vetusto epigrammate legimus, non expresso loco. Jovi conservatori sacellum cum ara Domitianus extruxit, juxta Velabrum. auctor Tacitus.

Jovis Arbitratoris. In decima urbis regione ponitur à Victore, & appellatur Pentapylon, quasi quinque portarum.

Jovis Statoris. Aliud à superiore, quod Varro de rebus divinis in Circo Flaminio posuit, cujus certiore locum Vitruvius indicavit, Metelli porticum, quæ ad eundem Circum fuit.

Martis Ultoris. Etiam aliud, præter id quod supra positum est, in Capitolio, referente Dione.

Martis, circi Flaminii. Cornelius Nepos, citante Priestiano, in circo Flaminio (inquit) fuit ædes Martis, archi-
tectata ab Hermodoro Salaminio.

Herculis defensoris. Incerti loci, in quo, ut in Jovis Propugnatoris, milites honesta missione missi, & gladiatores emeriti, arma clypeosque suspendebant. De L. Domitio Valeriano milite, loquitur vetus inscriptio: de Velanio gladiatore Horatius,

— armis

Herculis ad postem fixis latet abditus agro:

Herculis extra urbem. Duo fuerunt: Vnum extra Capenam modicum, sed frequens, de quo Martialis lib. IV.

Et quæ pusillum fervet Herculis fanum.

Alterum extra Latīnam, quod statuit Domitianus longiusense ab Urbe, cujus lib. IX. idem poeta mentionem facit. Versus positi sunt supra, ubi de via Latīna agitur.

Apollinis Tortoris. Suetonius in quadam urbis parte locat, sed eam non exprimit, in Augusto.

Fidii. In Quirinali Ovid. VI. Fast.

Hunc igitur veteres donarunt sede Sabini,

Inque Quirinali constituere iugo.

Summani. Sacellum fuit in fastigio templi Jovis Capitolini, ædes prope circum Maximum. Idem,

Reddita, quisquis is est, Summano templa feruntur,

Tunc, cum Romanis Pyrrhe timendus eras.

Mutini. Adversum murum Mustellinum, ut inquit Festus. Huic mulieres velatæ togis prætextatis solitæ sunt sacrificare:

Sarapidis. M. Aurelius Antoninus in pontificatu suo, posuit circa eum locum, ubi nunc S. Stephanus de Truglio.

Adoniadis. Refertur ab Ovidio in Arte, non expresso loco,

Iani Curvatis. Prope templum Junonis Sororis, de quo mox dicemus.

Sangi. Locus ignoratur, ponitur à Varrone & Plinio. In colana, colus, & fusus Tanaquilis fuerunt consecrata.

Augusti. Duo fuerunt: alterum in Palatino, quod Livia Augusta conjunx fecerat, Vespasiani dominatu, publico consumptum incendio: alterum in foro, à Tiberio Cæsare constructum.

Junonis Capratina. Extra urbem, cui sub caprifisco faciebant mulieres, ex eadem arbore virgas ramosque gestantes, Varrone & Festo auctoribus. Templum frequentabatur

tur Nonis Quintilibus, quæ inde Capratinæ dictæ sunt. O. rigoralis fuit. Fidenates post urbem à Gallis incensam, si reliquias salvas esse vellent, Romanos cogere voluerunt, ut omnes puellas & mères familias sibi traderent. Patribus igitur dubiis, & de summa Reip. sollicitis, ancillæ se intras promiserunt: quæ cum dominarum habitu profectæ essent, per castra distributæ, hostes vino invitaverunt: illisque sopitis, signum Romanis ex caprifica dederunt: quo dolo & pœna de hostibus sumpta est, & Romanorum matronarum fama conservata. In hujus beneficii memoriâ ingenuæ simul & servæ Junonis Capratinæ diem solennem habebant.

Junonis Sororia. Prope Carinas, ad eum elivum, qui nunc ducit ad ædem S. Petri in vinculis, à Sororio sigillo nomen habens, quod cum Jano Curatio dicavit Horatius, unus ex Trigeminis victor contra Curios, ut inquit Festus.

Veneris Capitolina. De hoc in Caligula & in Galba Suetonius.

Veneris Romans. In foro Caesaris. Huic soli victimas solitas immolari, cum Paphiæ thure tantum fieret, ait Servius. De venere Romana, in initio Lucretius,

— *Æneadam genetrix.*

Si licet conjecturam sequi, puto hoc delubrum Veneris & Romæ fuisse, de quo initio hujus capitis dictum est.

Veneris Lubentina. Locus ignoratur: de templo scribunt Cicero, Varro, Marcellus. Solebant puellæ, quæ excesserunt annos puericiæ, pupas ætatis suæ insignia dicare Veneri, quemadmodum pueri bullas diis suspendere penatibus: illud ex Persio, hoc ex Propertio docemur.

Veneris Verticordia. Extra Collinam, via Salaria. Hujus ædes facta, cum trës Vestales uno tempore incestum commississent (ut ait Julius Obsequens) ut puellarum ani-

mos lascivos ad castitatem verteret. De eodem Valerius, & Ovid. IV. Fast.

Roma pudicitia proavorum tempore lapsa,

Cumaam veteres consulistis anum.

Templa iubet Veneri fieri, quibus ordine factis:

Inde Venus verso nomine corda tenet.

Veneris Cluacina. In ea fori parte, qua Romani & Sabini armis depositis facto sacrificio se purgaverunt. Hujus templi locum, cum juxta forum fuerit, varie designant auctores. nam Ovidius ait prope viam sacram fuisse, Plautus prope Comitium, in Cure.

Qui periurum hominem vult convenire, mitto in comitium;

Qui mendacem & gloriosum, apud Cluacinae sacrum.

Livius III, ab V. C. ad Tabernas fuisse indicat. Dicta Cluacina, quod cluere antiqui purgare dicebant, ut Plinius inquit lib. XV. Marlianus Cloacinam vocat, & diversam ejus nominis etymologiam affert, secutus auctorem, ni fallor, Lactantium.

Fortuna Mammosa. In capite viae Novae, à qua etiam vicus nomen accepit: dicta vel ab ubertate, vel à forma statuae.

Fortuna Plebeia. A Tullo conditum, de quo VI. Fast. Ovidius:

Plebs colit hanc, quia qui posuit, de plebe fuisse

Fertur, & ex humili sceptratulusse loco.

Fortuna Tarpeia. De quo templo in Prænestina inscriptione, quæ in domo episcopi est: cognomento Primigenia, ut plurimæ ibidem inscriptiones docent.

Fortuna Reducis. A Domitiano factum. Martialis lib. II X.

Hic

*Hic tibi Fortuna reduci fulgentia late
Templa patent, felix arca nuper erat.*

Claudianus,

*Aurea Fortuna reduci si templa priores
Ob reditum vovere ducum, non dignius unquam
Hac dea promeritis amplat sibi posceret ades,*

Cybeles. Sub Palatino, Junonis Sospitæ templo conterminum, ut Victor inquit, Ovidius II. Fastorum,

— *Phrygia contermina matri Sospita.*

Decodem Martialis VII.

Hinc vidua Cybeles, illinc sacraria Vestæ.

In sacris Cybeles, æreis crepitaculis utebantur, unde æs Corybantium: ut in Apollinis lebetibus æreis, à quo æs Dononæum.

Annona. In Capitolino fuisse, conjicimus ex inscriptione, quæ nunc ibidem legitur:

ANNONÆ SANCTÆ HÆLIUS VITALIO MENSOR
PERPETUUS CORPORIS PISTORVM SILIGI-
NARIORVM D. D.

Segesta. In Circo Maximo quæ segetibus præerat,

Diana Suburbana. Trans Tyberim; Ovid. I. de Arte,

Ecce Suburbana templum nemorale Dianæ.

Minerva Medica. In quinta Urbis regione, Victor.

Minerva Chalcidica. Idem ponit in nona regione. Ego puto, Chalcicæcendictam, ab æneo templo, quod Domitianus ei condidit: ad imitationem illius, quod inter Tænarum & Lacedæmonem fuit, de quo Aemilius Probus, & Livius.

Minerva Aventina. Antiquissimum, & Livii Andronici poætæ donariis celebre. ille à poëtis aliis, & histrionicis, scribens ipsis fabulas, honorabatur, Ovid. VI. Fast.

Capit

Cæpit Aventina Pallas in arce coli.

Minervæ capta. In valle Cælii, ejus situm describit

IV. Fast. Ovid,

*Cælius, ex alto qua mons descendit in aquum,
Hic ubi non plana est, sed prope plana via est.
Parva licet vidēas capta delubra Minervæ,
Quæ deæ natali cæpit habere sacro.*

Quare autem Capta dicta sit, quinque conjecturas affert idem poëta.

Vacuna. Locus ignoratur, de templo Ovid. VI. Fast,
*Nunc quoque cum sunt antiqua sacra Vacuna,
Ante Vacunales stantque sedensque focos.*

Mihi videtur extra urbem fuisse.

Nemesis. Prope forum Trajani.

Laverna. Extra portam Collinam, via Salaria, ut inquit Helenius, supra illum Horatii locum,

*Labra movet metuens nudipulchra Laverna,
Noctem peccatis, & fraudibus objice nubem.*

Quieta. Extra eandem portam, Quietis deæ: quam, cum suburbanum haberet templum, in urbem recipere nos luerunt, D. Augustinus.

Livia Augusta. In foro Romano.

Tutillina. In Aventino, ejus apud Varronem mentio.

Bona dea sub saxanæ. Non procul à via Nova, & thesauris Antoninianis, in Aventino.

Victrorsa. In eodem monte, ædificatum ab Arcadibus Halicarnassæus.

Corniscarum. Trans Tyberim, earum à cornicibus dictarum, quas alii in Junonis, alii in Concordiæ tutela fuisse asseverant.

Ne molestus sum, prætermittam illa, ut Clementiæ
Cæsaris

Cæsar, de quo Plutarchus: Justitiae Augusti, de quo Ovidius: Fœcunditati Poppeæ, de quo Tacitus, dicata templa. nam translata ad unum imperii potestate, superstitionosa assentatio immoderata fuit.

CAP. XI.

De domibus quorundam doctorum.

DE domibus Regum, Imperatorum, civium illustrium, aut divitum, de quibus passim legitur, nihil dicam, & satis multa ab aliis, præsertim à Marliano, sunt collectas: sed referam tantum domicilia quorundam doctorum, qui etiamsi Octavio, Seaurorum, Messalarum, Catulorum, Lateranorum, Corneliis, Balbinorum sin illes ædes non possederint, tamen & illas celebrant, & casulas suas nobilitant virtute & ingeniis, imo vero quicquid alii laudis habent, per doctos sunt consecuti. Tantum enim scimus, quantum à literis accepimus.

Crassi Oratoris. In Palatino, ut illis temporibus, magnifica fuit. In ejus atrio, cum in publico nondum ullæ marmoreæ essent, columnæ Hymetrix quatuor, ut Plin. lib. XVII. vel ut idem XXXVI. bis prodidit, sex fuerunt, non longiores duodenum pedum: cum tamen idéo Cn. Domitii & M. Bruti reprehensionibus non caruerit. Alii in Viminali ponunt, sed ea fuit Crassi cognomento divitis, de qua Persius Satyra secunda,

— Nunc Crassi mittit in aed.

Calvisi oratoris & poeta. Prope forum Romanum, supra scalas Anularias eam primum habitavit Augustus Cæsar.

Philippi. In Carinis, sub Esquilino. Horatius l. Epist.

Strenuus & fortis, causisque Philippus agendis

Clarus, ab officiis octavam circiter horam

*Dum redit, atque foro nimium distare Carinas
Iam grandis natu queritur.*

Hortensis. In Palatino, quam domum secundam possedit Augustus, non procul ab æde nunc S. Anastasiæ.

Ciceronis. In eodem Palatino, supra ædem Jovis Statuaris, quam incensam à P. Clodio, majore sumptu ex ærario ædificavit Senatus.

Salustii. In Quirinali, cujus ruinas supra hortos ejusdem in valle subjecta extare ajunt. Qui de vita ipsius scripserunt, prope Minervæ ædem, quæ hodie S. Mariæ sacra est, volunt habitavisse. Quod si ita est, hæc prima fuit; aliefa, post præturam Africanam ab ipso culta.

Attici. In eodem monte, ubi nunc S. Vitalis templum, fuit situ & sylva amœnissima.

C. Aquilii. Jurisconsulti, in dorso montis Viminalis, omnium consensu pulcherrima. Plinius lib. XVII.

M. Manilij. Jurisconsulti celeberris, & prudentis oratoris, in Carinis. Cicero Paradoxis.

L. Annei Senecæ. In Palatino Coelium versus, supra balneum: cujus domus incommodum & inquietum situm ipse describit lib. VII. ad Lucilium, Epist. LVII.

Plautij Junioris. Oratoris, supra Suburam in Esquilino, quod ipse in Epistolis, Martialis in Epigrammatis testatur.

Ennij poeta. In monte Aventino juxta Tutulinæ fanum, ut ex Porcio tradit Varro.

Virgilij. In campo Esquilino, juxta Mæcenatis hortos, quærant inter aggeres Tarquinii, & urbis mœnia.

Propertij. In Esquilino, ita enim ipse libro secundo,

I puer, & citius hac aliqua propone columna,

Et dominum Esquilium scribe habitare tuum.

Ovidij. Infra Capitolium, qua Velabrum respicit, circa cum

ca cum locum, ubi nunc est S. Mariæ templum de consolag-
tione, Innuit lib. I. Trist.

Capitolia cernens.

Qua nostro frustra juncta fuere lavi.

Marialis. Intra Viminalem & Hortulorum collem;
prope pilam dictam Tyburtinam. Sic enim ipse libro quinto;

Sed Tyburtina mihi proximus accola pile,

Qua vides antiquum rustica Flora lovem.

Idem lib. I.

Longum est, si velit ad Pilam venire,

Et scalis habito tribus, sed altis.

Stella. In aditu Suburæ. Idem lib. XII.

Vel si malueris, prima gradire Subura,

Atria sunt illic Consulis alta mei.

Laurigeros habitat facundus Stella penates.

Sura. In Aventino, Palatinum versus. Idem lib. VI.

Quique videt propius magni cersamina circi,

Laudat Aventina vicinus Sura Diana.

CAP. XII.

*De theatris, circis, odeis, stadio, xysto, item de
factionibus aurigantium,*

IN liberis civitatibus multa populo concessa sunt, qui cum
sapenumero gravibus & diuturnis bellis, sine quibus libera-
tas retinetur, difficulter vexaretur, domesticæ quædam manis-
morum relaxationes inductæ sunt, & multiplices ludicæ di-
versa spectacula publice exhibita: idque cum in Græcis ci-
vitatibus usitatissimum fuit, tum in Romana Rep. contra
Scipionis Nasicæ consilium ita increbuit, ut lusus licentiam,
jocus rursipudinem, frequentia lasciviam, consuetudo de-
nique crudelitatem pepererit. Nam & spectatores, & fau-

tores, & actores scelerum, ipsi interdum principes aderant. Edificiis theatrorum præerant censores: ludis & spectaculis, ædiles curules: & ut ex Javenale patet, prætores, quibus & consulares addidit Nero, & Domitianus præfectos, quales sunt apud Martialem Lectius quidam, & Oceanus. In Capuanis inscriptionibus, exactor operum publicorum, & theatri legitur: & dux theatralium operarum, apud Tacitum. Theatra autem non solum ex lateribus fuerunt structa, ut in urbe Statilii, ad Lirim fluvium, Minturnense, & quod est Puteolis, quæ nos vidimus: neque ex quadratis tantum lapidibus ut Pompeii, Marcelli, Titi: verum etiam ex solido marmore, quale fuit Capuanum, cujus ruinas mirati sumus: item Veronense, de quo Torellus Sarayna: item Atheniense, quod inspexit Cyriacus Anconitanus. Sed ad Romana. De Cassii theatro Paterculus: de Scauri & Curiionis, Plinius: de C. Caesaris Tacitus, de Balbi Ansonius, de Claudii Suetonius, de Neronis Sex. Aurelius, de Traiani Spartianus, de tribus theatris & uno amphitheatro campi Martii Strabo, de theatro montis Esquilini Martialis. Hæc cum nulla amplius sint, de his quorum aliqua extant vestigia, agemus.

Theatrum Pompeii. Ad campum Floræ, contiguum circo Flaminio, vestigia cernuntur in cella vinaria, & in equili domus Ursinz. Hoc Pompeus mansurum instruxit, igne consumptum instauravit Tiberius, perfecit Caligula, iterum ambum restituit Claudius, verustate collapsum refecit Theodericus rex Gothorum. Adeo tenui & apta junctura fuit, ut non compositum opus, sed ex uno perpetuoque lapide factum videretur. Fuit & aliud Pompeii, vicinum campo Martio, de quo Plinius lib. XXXIV. Vnum fortasse ex illis, de quibus Strabo loquitur.

Marcel.

Marcelli. Intra Capitolium & Tiberim, in ejus ruinis hodie ædificatum est palatium Sabellæ familiæ, & ampliora ejus vestigia sunt, quam Pompeiani, & forum Holitorium vèrsus tabernas habet.

Scasilii Tauri. Intra portam Næviam & Coelimonatanam, adhuc prope integrum, & urbis mœnibus inclusum, una ejus parte intra, altera vero extra murum. De his tribus loquitur Ovid. III. de Arte,

Visite conspicuis ternæ theatra loci.

Item III. Trifstium, quem locum supra explicavi.

Tiberii. Ejus aliqua vestigia in privatis ædificiis intra aquam Virginem, & columnam Cochlidem Antonini videntur: nam juxta septa fuit.

Titi. Intra Coelium & Esquilinum, vulgus à mole ædificii Colosseum appellat, urbe media, auctore Suetonio, situm, altitudinis tantæ, ut visio humana ad ejus summitatem ægre conscendat: quod testatur in XVI. Marcellinus. In altum habuit fornices quatuor, alterum alteri impostum, tres inferiores in extremò columnis sustentantur cum diversis capitellis: superioris pars pro mœro est: fenestris aliquot lucem admittentibus. Adeundi loca varia. Primus enim introitus est in ipsam aream circularem, quam nunc nominant harenam: proximus ascensus est ad sedilia. sequitur alius ad aream aditus, postremus descensus in loca subterranea, ad quæ obruta jam perveniri nequit. Sedilium ratio non plane perspicitur, muri tamen magis ac magis sunt ad spectantium commoditatem declives. Post sedilia latus & spaciosus supra porticum ambitus. Ex ruinarum amplitudine, recte scriptum à Martiale videtur,

Omni Casareo cedat labor Amphitheatro:

Unum præ cunctis fama loquatur opus.

De ludis Theatralibus, item de scenicis actionibus & ariginibus, M. Terentius Varro libros scripsit, Ludorum tempore contra æstum theatra velis recta fuisse, & sedilia croco conspersa, prodiderunt præter Plinium libr. XIX. etiam poetæ, cum veterum frugalitatem laudibus efferunt. Ut Ovid. libro primode Arte:

Tunc neque marmoreo pendebant vela theatro,

Nec fuerant liquido pulpita rubra croco.

Illic quas tulerant nemorosa palatia frondes

Simpliciter posita, scena sine arte fuit.

In gradibus sedis populus de cespice factus,

Qualibet hirsutus fronde regente comas.

Item Propertius lib. IV.

Nec sinuosa cavo pendebant vela theatro,

Pulpita solennes non olnerè crocos.

Vas ipsum quo sedilia spargebantur, Nimbus appellatur à Martiale, qui ad Agathinum pugilem his verbis scribit:

Lubrica Corycto quamvis sint pulpita nimbo,

Et rapiant celeres vela negata noti.

Fuit ἡραγινὸν θεγύγιον, quod extat latino vocabulo nuncupat Charisius. Romanus populus ludos spectabat coronatus, ad quos omnis ætas & sexus admittebatur. Quamvis autem theatra; Circi, Campus, singulares quæque ac proprios ludos haberent, & exercitationes cuique loco ac commodatas: tamen eadem sæpe omnibus in locis peracta sine discrimine fuerunt. Nam ut de circo dicam, in eo curatores, pugiles, luctatores, gladiatores, confectores ferarum versabantur, nam in eo bigarum quadrigarumque cursus, & ludi tauriles, & ferarum venationes, & equestria ac pedestria prælia exhibebantur. Introducti etiam sunt mimi, saltatores, citharædi, histriones, funambuli, qui in theatris

tris solebant agere frequentius. Contra in theatro navale prælium edidit Domitianus. Nunc de Circis breviter dicendum est.

Circus Maximus. Ex Palatini latere meridionali, quod Aventino est oppositum, jacet: cujus ruinæ cernuntur ab æde S. Anastasiæ, usque ad Severi septizonium. Fornices quadrupliciter altera alteri imposita, & sedilium directæ lineæ. Carceres olim & metæ ex topho lignoque fuerunt, quæ marmorea & aurata fecit Claudius. Ne quis autem assili sedendo molestus esset, hæc dat præcepta Ovidius:

Tu quoque, qui spectas post nos, tua contrahere crura,

Sipudor est, rigido nec preme terga genu.

Sed pendente tibi crura, potes si forte, iuvabit

Cancellos primos inferuisse pedes. Et,

Quid frustra refugis? cogit nos linea jungi:

Hæc in lege loci commoda Circus habet.

Tu tamen à dextra, quicumque es, parce puella:

Contactu lateris laeditur illa tui.

In circo ornamenticaussa cum Deorum imagines gyra-
pseæ, tum detracta hostibus spolia suspendebantur. Idem,

Sivceris ornatus, non ut fuit ante sigillū,

Sed regni positas Circus habebis opes.

Ad circum in cellis subterraneis habitabant, qui quæ-
stum corpore facerent, ut ex Juvenale colligitur, & aperte
declarat in Vario Lampridius: Omnes de theatro, de Cir-
co, de stadio, & omnibus locis & balneis meretrices colle-
git. Ad eundem res furto sublata sub crepusculi tempus
vendebantur, quod in Horatium, cum circum vespertinum
vocat, annoravit Helenius. Servi per circum nuces, & fra-
stum cicer clamando solebant circumferre, item in cortinis
aquam portare, quæ esurienti sitientique plebi venderent:
quod

quod adhuc in Italia civitatibus usitatum est. Ad illud res
spexit Horatius, ubi equestrem, & patricium, & copiosos
rum hominum ordinem, ab infima plebe discernit, scri-
bens ad Pisones;

*Offendunt enim, quibus est equus, & pater, & res,
Nec si quid fracti cineris probat, & nucus emptor,
Æquis accipiunt animis, donant ve corona.*

Alterum in Pænulo ostendit Plautus,

Ita replebo atritate, ut atrior multis sis

Quam Ægyptij, aut qui cortinam ludus per circumferunt.

Tomentum Circense erat culcitra ex gnaphalio, aut aliis
herbis vel arundinibus concisis facta, quæ subternebatur
multitudini: quod ex Suetonio & Martiale constat. Circi
nomine, etiamsi nihil aliud addatur, intelligitur Maximus:
ut fori appellatione, Romanum accipimus: campi voca-
bulo, Martium.

Flaminius. Incepisse videtur circa ædem S. Angeli in
piscina, protensus ad campum usque Agonium. Ejus inter
ruinas plurimas, vestigia sunt apud apothecas obscuras, pro-
pe ædem S. Rosæ, & sacellum sepulchri sancti. Ab Apol-
linis templo, quod alijs magis conspicuum fuit, alio nomi-
ne Apollinaris. In hoc circo vitri officina fuit, in qua po-
cula fierent, coloratis punctis quasi gemmis insignita, &
cristallinis similia: quæ ut precio gemmatis æquanda non
erant, ita usu reperiebantur firmiora, quod aquis calidis, ut
veræ gemmæ, non viciarentur aut fluerent, quod Martialis
in Apophoreis docet, disticho Calices, & expressus lib. XII.

Cum tibi Nilivus portet crystalla cataplys,

Accipe de circo pocula Flaminio.

Nullum sollicitant hæc Flaccæ torcuntata furem,

Et nimium calidis non visitantur aquis.

Flora

Floralium. In valle intra collem Hortulorum & Quirinalem Ovidius de hoc V. Fast.

Circus in hunc exis, clamatque palma theatris
Hoc quoque cum circumnere carmen eat.

Intimus. Qui antiquiore nomine, Circus ad murum, ut Varro. In campo Figulino, & in Vincis Tiberi adiacentibus, ejus rudera spectantur.

Neronis. In valle inter Janiculum & Vaticanum.

Antonini Caracalla. Ab aliis, Prætorianus, quod ibi cohortis Prætorie statio fuerit, extra Capenam. Vestigia qualiacunque apparent prope S. Sebastianum, & molem illam quæ nunc Bovis caput dicitur.

Alexandri Severi. Eo in loco, ubi campus nunc Agonius:

Antequam ad reliqua progrediamur, illud admonendum est, claris viris, & ad populum gratiosis, in theatrum aut circum introeuntibus, clamore publico & plausibus vulgi gratulationes factas. ut Mæcenati, de quo Horatius,

Datus in theatro cum tibi plausus.

Et Cæsari Domitiano, de quo in IX. Martialis:

Dum te longa sacro venerantur gaudia Circo,

Nemo quater missos currere sensit equos.

Odeum. Græco nomine dictum ὀδών, publicum ædificium erat, in quo, ut in xysto athletæ, in lanista ludo gladiatores, ita citharædi & tibicines à musico, & reliqui fortasse scenici actores ab histrione exercebantur ante, quam in theatrum prodirent. Odeæ in urbe quatuor fuerunt Unum, in monte Aventino, de quo ad Atticum loquitur Cicero, etiamsi locus mendo non vacet: Monumentum illud (inquit) quod tu tollere laudibus solebas, ut Odeum laxarem, & usque ad atrium Libertatis explicarem, cons-

templum. Alterum intra Palatinum & Coelium, prope Metam sudantem (hæc nunc intra amphitheatrum Titi, & arcum Constantini collapsa cernitur (cujus quidem nomen Seneca non exprimit, sed ab usu describit ad Lucilium lib. VII. In iis quæ me sine avocatione circumstrepunt, effedas transcurrentes pono, & fabrum inquilinum, & ferrarium vicinum: aut hunc qui ad Metam sudantem tubam experitur & tibias, neque cantat, sed exclamat. Tertium prope theatrum Pompeii quod innuere videtur Marcellinus lib. XVI. cujus verba, quantum vis corrupta, quia locis aliquot eorum testimonio sum usus, cuncta subscribam: Intra septem montium culmina, per acclivitates planiciemque posita urbis membra collustrans, & suburbana quidquid erat primum, id eminere inter alia cuncta sperabat. Jovis Tarpeii delubra, quantum terrenis divina, præcellentia. Lavacra in modum provinciarum extructa. Amphitheatri molem solidatam lapidis Tiburtini compage, ad cujus summitatem ægre visio humana conscendit. Pantheum velut regionem teretem, speciosa celsitudine fornicatam, Elatos vertice scanthi suggestus consulum, & priorum principum imitamenta portantes. Urbis templum, & Pacis, Forum, & Pompeii theatrum, & Odeum, & Stadium, aliaque inter hæc decora Urbis æternæ. Verum cum ad Trajani forum venisset, singularem sub omni cæle structuram, ut opinamur, etiam numinum assensione mirabilem, hæbat altissimus, per Giganteos contextus circumferens mentem, nec relatu effabiles, nec rursus mortalibus experendos, Hæc ille. Quartum inter cætera opera mirabilia & memorabilia fecit Domitianus, ut in vita ejus Suetonius tradit: quamvis non plane indicet, extruxeritne an instauraverit. nam (ut ait Sex. Aurelius) multa ædificia cœpta, multa à fundamentis ipse construxit.

Stadi.

Stadium. Locus cursoribus destinatus, & hoc extrusum à Domitiano, eodem Suetonio testante. Etsi autem ubi fuerit, & unum ne an plura extiterint, nesciatur: tamen inter maxima & præcipua urbis loca poni intelleximus à Marcellino, & à Lampridio: quorum verba in hoc ipso capite citavimus, Martialis lib. III. ad Matronam,

*Gymnasium, therma, stadium est: hac parte recede,
Exnimur, nudos parce videre viros.*

Stadiodromum quendam Astylon nominat Plinius lib. XXXIIIX. & multos celebrat Pindarus, & notus historiis est Milo Crotoniata, & eadem patria natus Iſchomachus: unde studium ambitiosæ his in rebus Græciæ magis cognoscas.

Xystus. Græca quoque appellatione locus dictus, in quo sub tecto hyemis tempore versabantur athletæ. Ut autem Odeum theatri, Stadium circi, ita Xystus formâ porticus erat exstructus: inde & hypethras; hoc est (ut Plinius) subdiales ambulationes, neutro genere xysta appellarunt Romani.

Odeum multa sedilia, multasque columnas habuit, cum pronis & declivibus tectoriis, ut in Pericle describit Plutarchus; stadium, carceres, & metas, non secus atque circus: Xystus columnas in latum directas. Qui concertantibus præerat, Xystarchus: qui ipse cerrabat, Xysticus nominatus, ut in antiquo marmore:

L. THENODORVS XYSTICVS PARIDI THY:
MELICO BENE MERENTI FECIT.

Factiones aurigantium, qui ludis Circensibus Palmam quærebant, fuerunt quatuor: quæ à coloribus, viridis, cærulei, coccini, albi que panni; quo donabantur, nomina acceperunt, Prasinæ, Venetæ, Russatæ, Albatæ. Domitianus duas aurati purpureique panni ad quatuor pristinas addidit,

teste Suetonio. Harum factionum ad reprehensionem usque studiosi fuerunt principes nonnulli, ut Caligula Prasinus, Vitellius Venetus: tum agitatores ipsos habuerunt in precio, ut Caligula Incitatus, Nero Prasinus, Domitianus Passerinus & Tigrinus, Nerva Scorpum: quorum victorias predicatione extollit Martialis, ut M. Aurelii Dioelis, & C. Pompeii Euseceni, & Fusci, vetera epigrammata. Martialis tres factiones coniungit,

*Si Veneto, Prasinove faves, qui coccina sumis,
Ne fias ista transfuga veste, vide.*

De Prasina separatim Juvenalis Satyra XI.

*Totam hodie Romam circus caput, & fragor aërem
Percutit, eventum viridis quo colligopanni.*

Iustitiant temporibus ex contentione factionum Prasinæ & Venetæ, tanta Byzantii seditio exorta est, ut quadraginta fere hominum millia sint trucidata: quod ex Zonora Monacho scripsit Cuspinianus. Post illam cladem factionum nomina sunt abolita.

CAP. XIII.

De Porticibus.

INter clara Urbis ædificia porticus fuerunt, quæ vel ædibus sacris, vel illustrium virorum domibus, vel publicis ædificiis annexæ, aut necessitatis, aut ornamenti voluptatisque gratia fuerunt. Velleius in sua historia conqueritur, cum post bellum Punicum à Scipione confectum, in somnum à vigiliis, ab armis ad voluptates, à negotiis in ocium esset conversa civitas, tum primum familias illustres inter se certasse ejusmodi ædificiorum pompa, donec publicam magnificentiam secuta privata luxuria sit. Porticus nomina acceperunt, aut à deorum templis, ut Concordiæ, Quirini, Herculis.

Herculis; aut ab auctoribus, ut Pompeia, Octavia, Livia, item Nasica, Metelli; aut ab ædificii qualitate, ut curvæ, miliaria, stadiata, porphyretica, Corinthia: aut ab hominum actionibus, ut Margaritaria apud Victorem, Argentaria apud Vitruvium: aut à picturis, ut Iſidis, Europæ, Argonautarum; aut à locis adjunctis, ut porticus amphitheatri, porticus cirei, porticus septorum, porticus campi Martii. In porticibus interdum res seriæ agebantur, ut cum in his haberetur senatus, cum jus diceretur, cum publica acta notarentur, cum sponsalia fierent. Interdum in iis lucrû gratia consistebant, qui res preciosas, gemmas scilicet, tabulas, signa, torcûmata, auriæ venderent. Plerumque animi causa, æstivis præsertim caloribus, ad eaptandum umbram ibidem inambulabant. Enumerabimus hic cum eas quæ nunc extant, tum quæ à scriptoribus sunt celebratæ.

Apollinis Palatini. Ante celeberrimum illud templum ab Augusto post Actiacam victoriam conditum, in Palatio, circum Maximum versus, auro & columnis Numidicis, & statuis, & picturis variis ornata, duorum poetarum testimonio, Propertii lib. II.

*Quævis curvensam tibi tardior? aurea Phæbi
Porticus, à magno Casare aperta fuit.
Tantam erat in speciem Panis digesta columnis,
Inter quas Danaï sœmina turba senis.
Hic equidem Phæbo visus mihi pulchrior ipso
Marmoreus tacita carmen hiare lyra.
Atque aram circumsteterant armenta Myronis,
Quattuor artificis vivida signa boves.*

Et Ovidii tertio Trist.

*Inde timore pari gradibus sublimia celsis;
Ducor ad intonsi candida templa Dei.*

*Signa peregrinis ubi stant alterna columnis
Belides, & stricto barbarus ense pater.*

*Quaque viri doctores fecere, novique
Pectore, lecturis inspicenda patent.*

Dicit poeta, signa alterna stetisse, quia in una parte fuerunt filiarum Danaï effigies, & è regione sub dio totidem equestres filiorum Ægypti: ut inquit vetus Persii interpret. Hujus nulla extant vestigia.

Iovis Platoris. Quæ postea ab æde, porticus Panthel: ab auctore, porticus Agrippæ dicta est. Reliquæ sunt ex ea columnæ ingentes XLIX. pilæ XII. ita distributæ, ut primus ordo habeat columnas octo, inter quas aditus ad templi ipsius fores: post quem duo alii ordines, in singulis columnæ quatuor, quæ inæqualibus primi ordinis, primæ scilicet & tertiæ respondent. Proximi ordines tres, pilas ternas habentes, longius inter se, quam columnæ distant.

Quirini. In ea Quirinalis parte, quæ Viminalem attingit, ubi hodie S. Vitalis templum. Martialis lib. XI.

Vicinam pete porticum Quirini,

Turtam non habes otiosorem

Pompeius, vel Agenorû puella,

Vel prima dominus levis carina.

Silvani. De hac antiquum Epigramma, quod Romæ legitur.

SILVANO SANCTO L. VALLIS SOLON PORTICVM EX VOTO FECIT. DEDICAVIT K. APRILIB. PISONE ET BOLANO COSS.

De templo autem Silvani sub Viminali, an de alio cui porticus adjuncta sit, intelligatur, incertum est.

Herculi. In aditum circi Flaminii, quam æde illa instaurata Martius Philippus Augusti vitricus fecit. Vnde Philippi porticus dicitur à Martiale lib. V.

Fites

Vites cenſeo porticum Philippi.

Si te viderit Hercules, peritſti.

Hanc Plinius lib. XXXV. bis commemorat propter Appellis & Antiphili pictorum opera, & ædem Herculis cum hac porticu conjungit Victor.

Mercurii. Inter circum Flaminium & Tiberim, ſemis diruta, ante templum S. Angeli in piſcina. Hæc & Severi, & Antonini dicitur, ab imperatoribus qui reſtituerunt, aut ornarunt. Sub ea nunc porticu piſces, & ferinæ carnes venduntur.

Neptuni. Ante ejuſdem ædem juxta Septa, ubi comitia fiebant, qui locus eminentior, jam Mons acceptorius & Cæſtorus dicitur.

Concordiæ. Sub Capitolio forum verſus, de quo octo adhuc columnæ altiffimæ extant, brevi inter ſe ſpatio diſjunctæ. Hanc pene integram ſe viſiſſe ſcribit Poggius, & columnas ad calcis uſum ſuo tempore diſiectas: id quod non raro ſit in urbe, etiam in maximis ædificiis.

Veneris Erycinæ. Ante portam Collinam, ejus dex templo conjuncta. Porticus mentionem facit Strabo, templi Ovidius II. De remedio.

Libertatis. In Palatino, quam domo Ciceronis everſa, fecit Clodius, ſed eadem paulo poſt ſublata.

Scipionis Naſicæ. Ab æde Saturni extenſa ad Capitolium, quam inter magnificas enumerat Velleius.

Q. Metelli. Idem: Metellus (inquit) Mæcedonicus, porticus quæ fuerunt circumdata duabus ædibus, ſine inſcriptione poſitis, quæ nunc Octaviæ porticibus ambiuntur, fecerat. Plinius de eadem lib. XXXIV. fuit hæc ad finem circi Flaminii, ut ex Varronis & Vitruvii, ſcriptis conjunctis colligi poteſt. Viſuntur hodie inter S. Nicolaum de Funariis,

& S. Mariam de Sole, circum Flaminium versus, multæ marmoreæ columnæ: sed hujus, an alterius porticus sint, nondum liquet.

Cn. Octavii. Duobus nominibus aliis appellata: à structura, Corinthia: à pictura, Persei. nam Cn. Octavius de Perse Macedoniz rege triumphum agens, ex manubiis porticum condidit, & res suas gestas in ea depingendas curavit. Unde merito à mœnissima à Velleio habetur: qui addit, eam in Circo fuisse: verum, ne relinquatur in dubio, de quo loquatur, Plinius exprimit Flaminium. Extant vestigia intra ædem S. Nicolai de Chalcaria, & turrim Argentinam, columnæ semiobrutæ cum capitellis Corinthiis. Duplex columnarum ordo fuit, auctoribus Plinio & Victore. ab Augusto, cum esset incendio deformata, in formam meliorem reducta est, quod ex Verrio tradit Pompeius.

L. Catuli. Quæ eversa M. Flacci domo, qui Gracchas nas partes contra Remp. foverat, extructa de Cimbricis manubiis. Eam diruit Clodius, ut in orationibus & Epistolis testatur Cicero.

Hirtensii. In Palatino ante ædes ipsius, brevis, & ex columnis Albanis, sine ullo marmore. Suetonius.

Balbi. Ejus contigua theatro, circa illum locum, qui nunc Apothecarum obscurarum nomen habet.

Æmilij. Intra portam Trigeminam & navalia. Livius.

Faberii. In Aventino, auctore Vitruvio. Corrupte apud Victorem Fabraria, pro Faberia legitur. Faberii scribæ multa mentio apud Ciceronem.

Numicii. In foro Romano circa Rostra, & ædem Veneris genitricis. In hac Antonius Lupercus, auream coronam Cæsari imposuit, ut est in secunda Philippica. Videndum, num Numicia eadem sit cum ea, quam Miniciam Velleius nominat,

Philippica

Philippi. In regione citrei Flaminii, ut Victor: de ea paulo ante; de porticu Herculis Musarum. Fuit picturis ornatata, quia ad splendorem urbis Augusto hortante facta est.

Pompeii. Ad ejus theatrum, omnium sumptuosissima, primum columnarum varietate & multitudine, etenim *ἐκαστὴν ἑκατὸν*, seu (ut quidam) centenaria dicta est: tum platanorum ex utraque parte nemoris modo ipsam ambientium diffusa umbra: postremo aquarum illuc deducarum amenitate, quæ singula prædicat lib. II. Propertius:

Scilicet umbrasis sordes Pompeii columnis

Porticus, aulais nobilis Atalicus,

Et creber pariter platanis surgentibus ordo,

Flumina sapio, quaque Marone cadunt.

De eadem censire videtur Martialis lib. III.

Inde pexis centum pendens ista tectæ columnæ,

Illinc Pompeii donæ, nemusque duplex.

Ætatis tempore frequentes in ea ambulabant homines, ut primo & tertio libro de Arte Ovidius innuit. In eadem Pompeii imago populi voluntate erecta: Plutarchus in vita Brutii.

M. Agrippa. Antea eadem Panthei, de qua paulo ante Horatius lib. I. Epist.

— cum bene noscum

Porticus Agrippæ, & via se conspexeris Appii.

Julii. Prope arcum in foro Fabianum. Hujus porticus mentionem inveni apud Persii interpretem, & Victorem.

Augusti. Plures unâ in Campo, cujus solum lithostro-tum, & latera myrto, lauro, ac buxo circumdata, perpetuæ viriditatis. Alia duplicata in ipsius foro, in qua statux viro-rum illustrium triumphali habitu statux erant.

Livia, uxoris Augusti. Ad viam sacram, ubi nunc rui-

nae templi Pacis cernuntur, artificum tabulis ornata, & opaca fecundissimaque vite inumbrata: de hæc lib. XIV. Plinius: de illis Ovidius,

Nec tibi vitetur, quæ præscia sparsa tabellis

Porticum, auctoris Liviae nomen habens.

Hanc inter præclara Urbis ornamenta recenset Strabo.

Octavia, sororis Augusti.

De eadem Ovidius l. de Arte,

Aut ubi muneribus nati sua munera mater

Addidit, externo marmore dives opus.

Per munera nati, Marcelli theatrum intelligitur, cui fuit Octaviae porticus contigna: unde eandem porticum Marcelli nominat Florus. Vestigia ejus inter S. Nicolaum in carcere, & S. Mariam in porticu, ubi locus ex ruinis eminentior. Quin ipse vidi ibidem effodi lapides Tyburtinos, & fragmenta marmorea ingentium columnarum.

Claudia. Ultra viam sacram, theatrum versus. Merula hanc & Liviam eandem esse auguratur: Martialis à Tito & Domitiano fratribus significat Claudiam restitutam: nam postquam de amphitheatro Titi, & thermis ejusdem locus tus est, addit:

Claudia diffusas ubi porticus excipit umbras,

Plena pars aula deficientis erat.

Ad eam quondam terminabatur domus aurea Neronis.

Neronis. Intra ipsius domum æneo colosso addita, triplex fuit, & singuli ordines M. pass. complexi sunt, ut ex Suetonii verbis licet intelligere. Alii milliariam à spacio vocant.

Nerva. In ipsius fororum columnis excelsis, partim rotundis, partim quadratis, quarum adhuc aliquæ relictæ sunt, olim laminis ex orichalco tectæ.

Traiani

Traiani. Ejusdem foro adjecta, cui columnarum altitudine nulla nullius ætatis in urbe par fuit.

Antonini Pii. Juxta ædem S. Stephani de Truglio, de qua undecim marmoreæ columnæ striatæ, magnæ & pulchræ extant. In ea nunc ædificata domus, in qua pueri orphani nutriuntur.

Faustina, uxoris Antonini. Forum Romanum, & Palatinum montem prospiciens. extractum in ea templum S. Laurentii in Miranda: ex ea decem columnæ reliquæ, forum versus sex, utroque ex latere binæ. In epistyliis extat inscriptio,

Gordiani. In campo Martio sub colle, longa ped. M. in cujus lateribus viridaria ex lauro, myrto, & buxo fuerunt, ut est apud Capitolinum,

Galerii. In eodem campo usque ad pontem Mulvium extensa, dista *πεντάκιστος*, propter quinque ordines, quorum primus ex pilis, reliqui quatuor ex columnis fuerunt. Dicta etiam Flaminia, propter viæ vicinitatem.

Constantini. De hac nihil aliud, quam quod in Capitolio fuerit, legimus. Referuntur præter has & aliæ, ut Minutii à Velleio, Neronis per totam urbem à Suetonio, Vipsiani à Tacito, Reguli à Plinio juniore, Asidata à Victore, Stadiata à Vitruvio, centum columnarum à Martiale: quarum quia locus incognitus est, nomina saltem ex auctoribus nota esse voluimus. Pergamus porro ad alias quasdam, dignas commemoratione, & olim non incelebres.

Porticus Capitolii. Hæ fuerunt in latere clivi Capitolii, per quem ex Velabro ascensus in Capitolium fuit: consumptæ sunt incendio factionis Vitellianæ, auctor Tacitus.

Amphitheatrum. Triplex fuit: in exteriori parte aditus nunc cernuntur XXXIII, in media XXXVI, in intima LXXII.

Sed tota illa mole consumpta, atque maxima ex parte collapſa, de univerſa ſtructurâ judicare nemo niſi artifex poteſt.

Circus Maximus. Et hæc triplex fuit, ſed ita, ut ex tripli-
ci ſtructurâ una circularis fieret: binæ exteriores ambulationi-
bus patuerunt liberæ, altera officinis & tabernis opificum
& inſitorum occupata fuit. Circi ingentia rudera ſunt, por-
ticus nullæ extant reliquæ.

Septorum. De qua Cicero ad Atticum lib. IV. & Plinius
lib. XVI. à M. Agrippa circum ſepta conſtructa fuit.

Campus Martii. Hæ circum circa Campum ambierunt,
ut Strabo teſtatur. Ex eis una fortâſſe fuit, quæ ſequitur.

Europa. Adjuncta Campo, non procul à ductu aquæ
Virginis, canente Martiale,

Sed curris vitreæ tantum prope Virginis undas,

Aut ubi Sidonio taurus amore calet.

Umbroſa fuit buxeto. Idem,

An delicta ſole rurfus Europa

Inter repentes poſt meridiem buxos

Sedet? Unde idem ad hominem loca publica cœnæ
cauſſa frequentantem, jocoſe ſcribit, lib. I.

Locus ad Europæ ſepida buxeta recurrit,

Si quis ibi ſerum carpat amicus iter.

Per te, perque tuam veſtor laſcive puellam

Ad canam, ſelium tu, rogo, Tauræ voca.

Idem Agenoris puellæ hanc porticum nominat, lib. XI.

Argonautarum. A pictura ſic dicta, à campo ad ſepta
extenſa, auctore Martiale lib. II.

Si nihil Europæ fecit, cum ſepta perantur,

Si quid Phyllyrides præſtet, & Aſonides.

Post Quirini, Pompeii, & Europæ, tanquàm præcipu-
am hanc extollit idem poeta, quos verſus de Quirini porticu
æſtulimus. De eadem lib. III.

Hinc

*Hinc secessit, porticum terit templi,
Aut spacia carpit lentus Argonautarum.*

Isidis. In hortis Commodianis, à forma dicta Curva, à pictura, Isidis. Nam Commodus Imp. cum Pescennio Nigro, qui postea ad imperium aspiravit, in ea depictus fuit, quasi præses sacrorum Isidis. Non solum autem pictura, sed & Musico opere insignis fuit, ut ait Spartianus.

Miliarensis. In hortis Sallustianis, exornata ab Aureliano, qui secessu illorum hortorum delectabatur, ut est apud Vopiscum. Egnatius vult Milliariam dici à mille passuum longitudine, quod nomen & Neronis porticus habuit intra Palatinum & Esquilinum, de qua paulo ante.

Porphyretica. Et hæc memoratur à Vopisco. In eorum publicorum scribæ versati sunt. Videtur juxta Concordiæ ædem fuisse, in qua sæpissimè Senatus habebatur. nam prope ædem triplicis porticus fundamenta superioribus annis effossa constat.

C A P. XIV.

De Arcubus Triumphalibus, & trophæis.

AReus olim honoris virtutisque causa creati sunt iis, qui externis gentibus domitis, singulares victorias patriæ pepererant. si primum rudes, & simplices fuerunt, cum virtutis præmia, non ambitionis lenocinia essent: seculo in seculum lentiore monumenta victoriarum, & triumphorum pompa, fuit in iis incisa. Erant aut latericii, ut Romuli: aut ex rudi lapide quadrato, ut Camilli: aut ex marmore, ut Cæsaris, in foro: Drusi cum trophæis, in via Appia: Traiani, in ejusdem foro: Gordiani, in Viminali: Gratiani, item Theodosii, non longe à via Triumphali: deinde etiam reliqui, quos jam nominabimus: de iis enim tantum, de quibus

bus adhuc restat aliquid, loquemur. Arcuum forma, primum erat semicircularis, unde & nomen fornicis accepit: fornix enim Fabianus à Cicerone dicitur, qui à Victore arcus Fabianus nominatur. Postea quadrata, ita ut in medio ampla esset porta fornicata, & ex ejus portæ utroque latere alia minores additæ. Intra mediæ portæ fornicem Victoriæ allatæ pependere, quæ demissæ victori transeunti coronam impenderent. In superiore arcus parte spacia sunt, in quibus aliquot homines, vel qui tubis canerent, vel qui insignia trophæa ostentarent, stetitisse videntur. Hæc magnificentia Augusti temporibus, & paulo ante cœpit. nam de Cæsaris arcu, Servius: de Druli, Suetonius; de Germanici & Neronis, Tacitus. Novitium hoc inventum ait Plinius, non quod arcus ante Cæsarem tempora non fuerint, sed quod tali ornatu non fuerint. Antiquissimi, de quibus extat aliquid, sunt tres: novitii Plinio, nobis veteres quinque.

Arcus Romuli. Vestigia inter S. Mariam de gratia, & S. Mariam de inferno. Bini fuerunt, quos, etsi latericii erant, tamen in marmoreos Romani non mutarunt, ne conditoris sui memoria, & prisce frugalitatis monumentum interiret. Hos sua tempestate primum collapsos, tradidit Blondus.

Camilli. A via lata cuncti versus S. Mariam in Minerva, ex lapide quadrato, rudi, & nullorum ornamentorum, in clusus parti ædificiorum.

Fabii. In via sacra, cujus fundamenta cum in urbe essemus, effodi dicebantur, prope S. Laurentium in Miranda. In eo scuta & signa Victoriæ fuerunt sculpta.

Arcus Titi. Marmoreus inter forum Romanum, & amphitheatrum, adjunctus templo S. Mariæ novæ. In eo ab una parte sculptus de Judæis triumphus. Imperator in curru sedens,

sedens, ab alata Victoria coronatur. currui præfertur arca
foederis, præcedentibus duodecim fascibus consularibus.
Ab altera parte candelabrum aureum cum septem lucernis,
tabulæ Mosaicæ, mensa aurea, & varia templi Hierosoly-
mitani vasa. In medio arcus fornice, Titus sedens aquilam
alis expansis utraque manu sub genibus tener. In frontibus,
Judæi vinctis post tergum manibus captivi aguntur. Hujus
splendidissimi arcus & clarissimi triumphi, lib. VII. belli
Judaici meminit Josephus.

Domitiani, Titi fratris. In via Flaminia, inter S. Syl-
vestrum, & S. Laurentium in Lucina, quatuor columellas
habet in prima fronte. In eo urbis imago, & Victoriæ, &
Domitianus nudus sedens, corpore procero, & dormienti
similis, à Minerva fovetur. Martialis libro IIX.

Stat sacer, & domitis gentibus arcus ovans.

Hic gemini currus numerant elephantæ frequenter,

Sufficit immensis aureus ipse iugis.

Extruxit plures per omnes urbis regiones, ut scribit
Suetonius; & insignem in via Appia, de quo Statius in Syl-
vis.

Septimit. Ad radices Capitoli, propemodum è regia
one arcus Titi. Visuntur in eo navales & terrestres pugnæ,
cum machinis bellicis, variisque armorum generibus. Ex
utraque parte victoriæ, & milites gestantes trophæa. Ad
ejus superius spacium per gradus quinquaginta ascendimus.

Gallieni. In Cœlio monte, conjunctus templo S. Viti,
nullis ornamentis, ex lapide Tyburtino.

Constantini. In Palatini radicibus ad caput viæ Appiæ,
multi ornatus & artificii, res ejus gestæ in eo expressæ; & in
primis bellum contra Maxentium: cui etiam jacenti, ad mis-
so equo insultans, minitatur. Fuerunt supernæ circumqua-
que

que impostæ statux, partim mutilatæ, partim collapsæ. And. Fulvius libro secundo, quem earmine scripsit, plures recenset arcus, quorum ne vestigia quidem relicta sunt.

Trophæa Marsi. Inter templa S. Eusebii, & S. Juliani, in Esquilino. Moles lateritia, in qua bina trophæa ex marmore. Sunt autem trunca corpora cum spoliis, quorum alterum thorace squamoso indutum, cum ornamentis militaribus & clypeis ante se habens juvenem captivum, brachiis ad tergum revinctis, & undique alas victorias. Alterum armis militaribus ornatum, inter quæ clypei inæqualiter rotundi, galea aperta cum cono & cristis, & altera sine cristis clausa. In eodem inest forma chlamydis, & alia quedam, quæ marmore detrito & corrupto satis cognosci non possunt. Locus ille hodie Cimbricum vocatur, quia de Cimbris à C. Mario trophæa sunt erecta.

CAP. XV.

De Tiberi, & fluvio urbis: & de ornamentis fontium, ac naumachiis.

Tiberis in Hetruria ex monte Apennino, paulo supra Aetium oritur, augustiore nomine Tiberinus, poetis Tiberis, in sacris Serra, antiquissima appellatione Rumon, aliquando Albula dictus, Virgi. IIX. Æn.

Amisit verum vetus Albula nomen.

In quadam urbis parte Terentum, ut apud Ovid. Mart. Intra septentrionem & occasum in urbem influit, & meridiem versus apud Ostium oppidum, in mare Tyrrhenum ostio amplo, & proxime deducta fossa, quæ ibidem efficit insulam, infertur. Naturali suo colore, albus: vulgari asinium, cœruleus est; propter terram quam radit, flavus, & leni pluvia turbidus. Aqua ejus in urbe venditur, & in fœtibus

Et libus urceis, aut vasis lapideis continetur, fitque in eis limpidissima, potu amabilis, & absque corruptione longo tempore pura. Nec minus aquarum esse huic anni, quam Nilo, Plinius tradit. Primum cursum habuit inter Palatinum & Capitolinum, per Velabrum stagnans, & fori partem, unde Ovidius:

Hicubi nunc fora sunt, lintres errare videret.

Sed cum repressit Priscus rex, & post eo alveo, quo nunc currit, laxavit Augustus. quo respexit ad Pisones Horatius,
Amnis Doctus inter melius.

Aurelianus Aug. ad Flavium Arabianum scribit, se Tiberinas extruxisse ripas, & vadum alvei tumentis effodisse. De Tiberis auctu extat libellus Ludovici Gometii, & visuntur in arce Romana, item ad templum S. Mariæ de populo, & S. Mariæ supra Minervam, & ad S. Eustachium, aliisque in locis indicia marmoribus incisa, ad quantam altitudinem aliquoties creverit. Interdum adverso cursu influentes amnes impellit, & alienis aquis nocet cum urbi, tum villis & agris. Illud Augusti tempore factum scribit Horatius: hoc Trajani, Plinius. Auctus ejus religiosus, quia futurum malum aut cladem urbi portendere creditur. Nostra memoria, Clementis VII. Hetrusci, anno septimo, II. Id. Octobris, sereno cœlo, inopinato Tiberis incremento, tota Roma navigabilis facta est. De amnibus in Tiberim influentibus, Plinius libro tertio, & Corn. Tacitus libro primo Annalium.

Rivus Appia. Frontinus: Rivus Appiæ (inquit) sub Cœlio monte & Aventino auctus emergit, infra clivum Publicii Alfi, & inde eductus est in Naumachiam. Hodie per portam Gabiensem (ut & ante dixi) ingreditur fluvius, qui fertur per vallem inter Cœlium & Cœliolum, inde per

viam Appiam in radicibus Aventini, sub co clivo, quo ad S. Sabinam ascensus est, influit in Tiberim. A Mariano oppido, aqua Mariana dicitur. Marlianus rivum Herculaneum esse arbitrat.

Almo. Extra Capenam, in quo religionis causa quot annis sexto calendas Aprilis simulachrum & carpentum & leones Cybeles, & cultri Phrygii à sacerdotibus abluebantur: cujus mentio apud Ovidium, Lucanum, Statium, Claudianum, Val. Flaccum, Martialem. nam Cosmographi de eo fluvio, quod sciam, nihil. Non procul autem ab urbe cum Tiberi miscetur.

DE AQUIS RELIGIOSIS IN URBE.

Fuerunt & religiosæ aquæ: ut nihil unquam in Vrbe superstitione caruit. Mercurii, extra eandem Capenam, in qua qui lavabant, se à perjurio liberari credebant: modum lavandi aliquot describit versibus Ovid. lib. V. Fast. Petronia, quam magistratus auspicato transierunt, cum in campo agere quid vellent, ut auctor est Verrius Flaccus. Juturnæ aqua in foro, quam valerudinis causa multi bibe-
bant, & præ cæteris adhibebant ad sacrificia. Fontem autem Juturnæ in foro fuisse, lib. I. Fast. ostendit Ovidius, eumque secutus Victor in octava regione. Versus Ovidii sunt,

*Fratribus illa Deis, fratres de gente Deorum;
Iuxta Iuturnæ composuere lacus.*

Templum vero fuisse in campo, prope aquam Virginis, aperte idem indicat,

*Te quoque lux eadem Turni soror ade recepit,
Hic ubi Virginea campus obitur aqua.*

Facile igitur tolli controversia potest, quæ inter scriptores recentiores est, si verba poetæ recte consideres.

DE

DE ORNAMENTIS FONTIUM , ATQUE
AQUARUM.

Quia vero de aquis sermo est, de ornamentis fontium dicam aliquid, quorum non pauca ex antiquitate relicta sunt monumenta. Fontibus igitur varia apposuerunt simulachra antiqui, vel propter religionem, vel propter ornamentum. Religionis causa Apuli & Siculi Herculem, quia purgavit aquas extincta hydra: unde & thermæ Himeræ urbis in Sicilia, item Octæ montis & Pylarum in Thessalia, in tutela Herculis fuerunt: quod Pindari & Sophoclis interpretes scribunt. & sunt qui omnes thermas ei esse sacratas velint. Herculeæ thermæ Mediolani in primis nobiles, à quibus etiam vicus nomen traxit. M. Agrippa Romæ non Herculem, sed Hydram ipsam ad lacum Servilium posuit, quod memoriæ prodidit Sex. Pompejus. Ornamenti autem gratia, fontibus apposita fuerunt diversa simulachra, quorum & publicis in locis, & in nobilium ædibus adhuc plurima visuntur. Vsitatissimum fuit, deos fluminum apponere, qui formantur jacere semierecti, urnisque brachio suppositis amnes, tanquam è fonte emittere, velati plerumque serio harundineo, & recti carbaso, quæ est vestis fluxa & ampla, umbilico tenus superiore corporis parte nudi. Talis cernitur Tiberis, domo Cælia: talis Arnus, in hortis pontificiis: & duo colossi marmorei in arca Capitolina, Nili & Tigris, vel (ut quibusdam placet) Naris & Anjenis, vel (ut alijs) Acheloi & Istri. Alter cubito innititur Sphingi monstro, alter tygri animali: barba alter prolixa, alter modice resecta. Talis est colossus Rheni, prope forum Romanum iacens, quem alij Niphatis fluvii esse putant: Blondus falso vocabulo Jovem pistorem, vulgus novo Marforium nominat. Talis in scuto Eneæ apud Virgilium,

Annem calata fundens pater Inachus urna.

In domo Chisiorum, extra portam Septimiam, ante Deum aquarum eo, quo diximus, modo cubantem, nuda mulier stans, dextramque mamillam manu comprimens, aquam in subiectum labrum immittit. Ad ortum Virginis in agro Lucullano, puellæ imago ad fontem stetit, ut Frontinus testatur: in Umbria, Clitumnus prætectatus juxta fontem suum, ut Plinius: in Surrentino Pollii, ante balneum, ipse Neptunus, ut Statius. In domo Cæsia, de qua jam diximus, Sylvanus barbatus è saxo paulatim stillante, quasi ex utre aquam exprimit. Reperiuntur frequenter Nymphæ dormientes, quæ amphoris & crateribus (ea fuerunt Hydríadum insignia) innituntur: quorum symbolorum in Odyssæa mentio apud Homerum, & latius exequitur interpres ejus Porphyrius. Antiqui operis pulcherrimum monumentum vidi Romæ, in capite viæ latæ, in privata domo: erat autem Nais sinu aperto, supina jacens, & ventre ad pubem nudo, capite incubans amphoræ. Recentis operis in agro Neapolitano, in villa Ecucopetrea, Arethusa nuda adjacet fonti, in nymphæo conchiliato. Legitur de simili Nympha epigramma in hortulo Colotii:

Huius nympha loci, sacri custodia fontis,

Dormio, dum blanda sentio murmur aquæ.

Parce meum, quisquis tangis cada marmora, somnum

Rumpere: sive bibas, sive lavere, tace.

Et alibi in fontis margine hæc antiqua inscriptio;

NYM-PHÆ LOCI

BIBE LAVA TACE,

Erant & alia simulachra, interdum enim totus aliquis fons absorbebatur, quem Deus marinus ore excipiebat, ut ex illo Propertij discitur, libro secundo:

Et

*Et leuiter lymphæ tota crepitantibus urbe,
Cum subito Triton ore recondit aquam.*

Nonnunquam rursus evomebatur, vel per Nilum & Euripum: ita majores minores ve canales appellabant. vel per siphones conchasque, vel per certa vasorum genera. De Silano Lucretius libro ultimo:

Corpora Silanos ad aquarum strata iacebant.

De Cantharo vetus lapis, extra portam Ostiensensem reperta in vinetis, cum hoc disticho;

Perdiderat laticum longava iniuria cursus,

Quos tibi nunc pleno Cantharus ore vomis,

Sed ne prolixior sim, dicam de Naumachiis, quas Romani, postquam cognoverunt externas gentes navali certamine plurimum posse, primo bello Punico instituerunt, auctore Servio. In his navalium pugnarum, ut pedestrium in campo, circo, aut theatro, edebantur spectacula. Vnde Martialis:

Quicquid & in circo spectatur, & amphitheatro,

Dives Cæsarea præsinit unda tibi.

Res tota sublata est, locorum notatio ad cognoscendas valles pertinet. Fuerunt naumachiarum quatuor. Circi Maximi, quæ & vetus à Suetonio nominatur: ea occupavit vallem inter Palatinum & Aventinum, de qua l. l. Fast. Ovidius. Cæsaris Augusti, in valle Martia: de ea libro primo de Arte, Idem. Caji & Neronis, inter Janiculum & Vaticanum, de qua Corn. Tacitus. Domitiani eo in loco, quo Augusti fuit, sed ab eo perpurcata & ampliata, effosso etiam & circumducto ex Tyberis lacu: de hac apud Suetonium & Martialem. Hæ valles nostro iam tempore privatorum hortis, possessionibus, & ædificiis magna ex parte occupantur.

In urbe fuerunt curatores alvei & riparum Tyberis, qui non solum fluvium coercerant, & ut esset sine sordibus & impedimento, curabant: verum etiam terminos statuebant, quo usque habitare in ripa, vel ædificare liceret. Ei muneri aut singuli præerant, ut sub Traiano, T. Julius Ferox: sub Hadriano, A. Messius Rusticus: quorum termini adhuc extant, et titulos descripsit Marlianus. Aut præerant plures, ut sub Vespasiano, C. Calpetanus, Rantius Quirinalis, Valerius Cestus: cuius termini titulus refertur in Epigrammatis antiquæ Urbis, & nos ipsi talem invenimus,

C. VIBIVS C. F. RVFVS,

SEX. SOTIDIVS SEX. F. STRABO LIBVSCID:

C. CALPETANVS CESTACIVS RVFVS.

M. CLAVDIVS M. F. MARCELLVS L. VISELLIVS

C. F. VARRO

CVRATOR. RIPARVM ET ALVEI TIBERIS

EX S. C. TERMIN.

Ex qua etiam inscriptione docemur, Curatores alvei & riparum Tiberis, non primum ab Augusto institutos, ut Suetonius scribit: hic enim ex S. C. legitur terminus positus in aliis omnibus, quas commemoravi, in initio legitur. EX AVCTORITATE IMP. Pontes Tiberis primum curarunt pontifices, qui Sublicium auguratio condiderunt, à quo ponte nomen illis inditum est: deinde censores, item Viarum curatores, ut pontis Fabricii titulus probat: postremo idem munus susceperunt nominis & honoris sui causa Imperatores. Antoninus enim Pius, Janiculensem marmoreum fecit, Gordianus Cestium restituit, Hadrianus novum de suo nomine extruxit,

Mulvius.

Mulvius. Vel (ut in antiquis Sallustii libris) Molvius: non enim Milvius dicendum est, quod & Basilii Zanchus probat. Ab Æmilio Scauro censore factus, ab Augusto refectus, ad secundum ab urbe lapidem, in via Flaminia, Claudianus de Honorii introitu, cum sextum consulatam adeptus esset:

Omne Palatino quas pons à colle recedit

Mulvius, & quantum licuit consurgere testis,

Una replet turba facies. —

Fornices habet magnos quatuor, binos medioeres, totidem parvos.

Aelius. Ab Ælio Hadriano, prope sepulchri sui molem factus: nunc pons Castelli, vel Pons S. Angeli. Fornices quatuor. In eo ponte equites aurati creari hodie solent.

Ianiculensis. Qui & Aurelius, & aliquando Pons ruptus, nunc Pons Sixti: restitutus enim est à Sixto Quarto. Post hunc pontem se flumen dividit, & insulam circumfluit.

Tarpeius. Qui olim Fabricius, nunc quatuor capitum, è regione theatri Marcelli, insulam in flumine surgentem, quæ Lycæonia dicitur, ubi coniungit. Fornices duos ingentes habet. Horatius II. Serm.

Atque à Fabricio non tristem ponte reversi.

Hunc Paulus Tertius corruptum refecit, & restituit.

Esquilinus. Quondam Cestius, nunc S. Bartholomæi, eandem insulam regioni Transyberinæ jungit. Forma arcus triumphalis factus, fornice in medio ingenti, & ab utraque parte parvulo.

Palatinus. Aliquando pons Senatorum, nunc S. Marix Ægyptiacæ: quia aquam ex insula duabus partibus cum impetu defluentem accipit, reliquis major est: fornices habet sex, pilas quinque.

Leguntur

etia appellatur: Anio novus, aqua Herculana, à rivo Herculano. Aquas tuebantur censores, item ædiles, interdum ipsi consules. Inter principes præcipua aquarum cura fuit Augusto, ejusque socero Agrippe, præterea Nervæ, Traiano, Hadriano, Vespasianis, & (ut Cassiodorus tradit) Theoderico regi Gothorum. Erant varii earum custodes, & magistratus. Duumviri aquæ ducendæ, & curatores aquarum, leguntur in Alifanis & Formianis inscriptionibus. Agrippa, qui urbem aquis auxerat, ut est apud Suetonium, primus omnium consularis operum suorum, & munerum perpetuus curator fuit. Consularis autem aquarum legitur etiam in formula Hadriani, in qua dignitatum omnium tam civilium, quam militarium nomina sunt descripta. Procuratorem aquarum curatoribus ipsis addidit Claudius. De Mostro Augusti liberto, & commentariis aquarum: & de Clemente servo Castellario, loquuntur inscriptiones Romanæ: & de familia huic muneri destinata, scribit Frontinus, qui de aquæ ductibus Romanis, duos libros edidit. Hæc cum satis videantur cum de appellatione aquarum, tum de curatione dicta, rem nostro instituto propiorem aggrediamur.

Virgo. Restituta à Nicolao Quinto, opere arcuato quadrati lapidis per Campum Martium nunc fluit, ex agro Tusculano, qui à Lucullo olim possidebatur, deducta per Agrippam, via Collatina, ut Frontinus: & in Prenestinam incidens, ut auctor est Plinius. Ovid. lib. III, Fast. ait, eos qui in campo exercerentur, ea sudorem & pulverem abluisse.

Nunc ubi perfusa est oleo libente inventus,

Defessos artus Virgine tingit aqua.

Et Statius Anienem ad eundem usum cum hac conjungit,

*Quas præceps Anien, atque exceptura natatur
Virgo iuvat.*

Plinius lib. XXXI. Quantum, inquit, Virgo tactu, tantum præstat Martia haustu: hanc bibenti salubrem, illam natanti & lavanti commodam significans. Virgo cæteris frigidior fuit, quod Ovidius scripsit IV. de Arte: & eandem liquorem Virgineum poëtice appellat de Ponto, & aquam Virgineam in Fastis.

Sabatina. Reducta ab Innocentio octavo, à Sabate lacu, via Aurelia: hujus primum deductorem non ponunt, qui de Urbe scripserunt. Ejus nunc duo fontes sunt in Vaticano: alius intra palatium Pontificis cum cochlea, ex qua superne ab omni parte despicere in fontem licet: alter in ipso campo. Prudentius poeta Baptisterium describit in Vaticano, cui hanc servasse aquam, verisimile est. Recentiores modo Aurelianam, à via: modo Septimianam, à porta nominant.

Alfentina. Restituta ab Hadriano primo, ex lacu Alfentino, via Claudia, deducta ab Augusto. Hujus ductus reliquæ in naumachia Augusti sub Hortulorum colle cernuntur, sed aqua mox conditur, & in regione Transtiberina prope S. Mariæ templum, publico fonte emissa, vulgi usibus & quibusdam hortis servit.

Martia. Ex fonte Piconia montium Pelignorum, per Marfos ducens, via Valeria, ad septem miliaria nostratia: inchoata ab Anco Martio, perfecta à Publio ac Quinto Marciis, ut in Coriolano scribit Plutarchus: qui eundem ductum maximum pulcherrimumque vocat, & inter miracula recit. Plinius lib. XXXVI. idque confirmat Statius l. Sylvarum,

Marsæque nives & frigora ducens

Martia, præcelsis quarum vaga molibus undæ

Crescit

Crescit, & innumeropendens transmittitur arca.

Eadem aqua per Fucinum lacum transit plumbeis sig-
nulis, ut idem canit,

*Tegque per obliquum penitus qui laberis amnem
Martia, & audaci transcurru flumina plumbo.*

Hoc si vere scribitur à Statio, id quod ars & opera ho-
minum effecit, naturæ attribuit Plinius, qui ait, quod ita in
Fucino lacu Martia invehatur, ut in Lario Abdua, in Vere-
bano Ticinus. Nisi aliud sit Fucinus lacus Plinio, & Fucinus
amnis Statio.

Tacitus & Martialis propter frigus Martiam natationis
Tibullus, Plinius, Frōntinus, propter salubritatem potui
esse aptam, scribunt, Propertius lib. III.

*Non operosa rigat Martius antra liquor. Et,
— aeternum Martius humor opus.*

Aqua hodie non influit in urbem, ruinæ ductus intra &
extra portam Esquilinam ingentes cernuntur.

Claudia. Ex duobus fontibus, Cæruleo & Curtio, qui
& Albulinus, via Sublacensideducta à Claudio, ex Simbri-
vinis collibus, ut Tacitus inquit XI. Annali. Fuit autem
Simbrivium flumen in Equicollis, finibus Tyburtum Silius,
II X.

Quique Anienis habent ripas, gelidoque rigantur

Simbrivio. & Tacitus lib. XIV. Apud Simbrivina
stagna, cui Sublaqueum nomen est, licet omnes Taciti co-
dices his in locis sint depravati. Claudiam aquam Vitellius
in deliciis habuit, & Alexander Severus jejuna bibit ad u-
num prope sextarium. In urbe in duas dividebatur partes.
unus enim ductus ex Cælio in Capitolium, alter in Aventi-
num tendebat. Ruinas ejus in Aventino prope S. Pelscam,
& prope portam Næviam in muro vidimus, canales scilicet

saxeos tres, alterum alteri impositum, tantæ amplitudinis, ut unus à me perreptari posset. In Cœlio monte intra monasterium S. Joannis & Pauli, fons testate dicitur, qui perenni aqua abundat: neque procul inde Castellum aquæ est quadratum, & magna ex parte integrum, forma diversum ab illis duobus, de quibus mox in thermis dicemus. Hoc solum castellum non vidi, quo excepto nullus locus in urbe est, de quo Marlianus scribit, & ad quem accessus patet, quem non inspexerim.

Julia. A Julio quodam inventa, ab Agrippa ex variis venis in agro Tusculano collecta & deducta, via Latina, restituta ab Aureliano: ductus in Esquilino rudera apparent, intra portam & Marii trophiza.

Hactenus de aquis, quæ aut in urbem hodie ex vetustis introeunt, ut tres priores, aut quatum aliqua vestigia cernuntur, ut reliquarum. Locum de aquis in postrema suorum librorum editione ex Frontino diligentissime tractavit Marlianus, optime de nomine Romano meritis.

CAP. XIX.

De balneis & nymphæis.

Balneæ in urbe plurimæ fuerunt, cum privatæ in locis diversis, tum publicæ in singulis regionibus. Si quibus autem locis deessent, aut corruptæ essent, eas antiquitus ædiles, suis temporibus vel addiderunt, vel restituerunt Severus & Gordianus Imp. in primis populates, & lavationum studiosi. Cum enim apud Romanos esset lini usus rarior, sudorem sordesque corporis sæpius ablueri: necesse habebant. Usitato more ante cœnam balneis utebantur, item post ambulationes, exercitationes, operas, sæpe necessitatis, ut dixi, causa, non raro voluptatis. siquidem Com-

modum

modum indicōtis, Gord. num juniorem, & Rhemnium grammaticum septies lavisse legimus. Balneas mixtas haberi Severus prohibuit, quod Commodus non vetuerat, Varius permiserat. Sola & parietes unguentis illinebantur. idque non solum potentiores fastidiant, sed in privato quoque homine, ac demum in servo Plinius notavit: & Seneca aquam argehteis epistomis fundi in plebeis fistulis, & in libertinorum balneis gemmas calcari indignatur. Valerius & Maccobius Sergium Oratam, hominem voluptuarium, etiam pensiles instituisse balneas testantur.

Balnea Palatina. A loco sic dicta; nam in dorso Palatii fuerunt, quorum vestigia videntur cum parietinis & fornicibus collapsis. Pavimentum ex durissimis lapillis quadratis, nigri coloris, tessellarum more compositis.

Neronis. Intra ipsius domum, marinis & Albulis fluentes aquis, ut inquit Suetonius.

Agrippina. A matre Neronis, in colle Viminali, quae respicit eadem S. Agathae, Quirinale versus. Ex iis labri ingentis fragmentum vidimus ex marmore, in via projectum.

Stephani. In valle collis Hortulorum, Martialis lib. XI.

Octavam poteris servare, lavabimur una:

Scis quam sint Stephani balnea iuncta mihi.

Octava igitur hora lavabant, & lavabant quadrante. quod ex Horatio & Juvenale notum est.

Novati. In viminali, ubi nunc templum S. Pudencianae, in quo & canales fuliginosi, & solum thermarum more tessellatum.

Olympiadis. In eodem monte, prope S. Laurentium in Paaisperna, in vineto quodam.

Pauli. In clivo Quirinali, ubi nunc monasterium est.

quod corrupta Romanorum lingua, Bagna Poli, quasi balnea Pauli dicitur. Prope has in projecto lapide, formam strigilis & ampullæ vidimus exsculptam. Strigile utebantur ad fricandum, purgandumque corpus: ampulla vas ad ablucendas infusione sordes. Strigilis loco chirothecis ex serico factis ad eliciendum sudorem balneatores Italos uti vidimus.

Polyclesi. Prope ludum Æmilij Lepidi gladiatoris: de quibus Helenius & Porphyrio,

Claudy Hæruscuj. Libertini hominis, qui Claudii Imp. dispensator fuit. Locus ignoratur, profusissimus sumptus ex Statio & Martiale cognoscitur, quicquid & à marmorum varietate, & ab ædificii magnificentia, & à luminis immisione, & argenteis fistulis laudant, Vtriusque versus subiiciam. Statius l. Sylv,

*Non huc admissa Thasos, aut undosa Carystos,
Maret Onyx longe, queriturquo exclusus Ophites;
Sola nites flavis Nomadum decisa metallis
Purpura, sola cavo Phrygia quam Synnados antro,
Ipse cruentavit maculis lucentibus Atyr,
Quasque Tyros niveas secas, & Sidonia rupes,
Vix locus Eurota viridis, cum regula longo
Synnada distinctu variat, non lumina cessant,
Effulgent camera, vario fastigia vitro
In species animosque nitent, stupet ipse beatas
Circumplexus opes, & parcius imperat igni,
Mulsus ubique dios, radiis ubi culmina totis
Perforat, atque alio sol improbus uritur æstu.
Nil tibi plebeium, nusquam Temesea notabis
Æra, sed argento felix propellitur unda,
Argentoque cadit, labrisque nitentibus inflat,
Pelicius mirata suas, & abire recusat.*

Maro

Martialis, V l. Epigram.

*Nusquam tam nitidum micat serenum,
Lux ipsa est ibi longior, diesque
Nullo tardius à loco recedit.
Illic Taygeti virent metalla;
Et certant vario decore saxa;
Qua Phryx & Libys alius cecidit.
Siccus pinguis onyx anhelat astus,
Et flamma tenui calens Ophita.*

Seneca quoque ante hos nimiam balnearum luxuriam exagitarit, lib. XIII. ad Lucilium: cujus verba, quia in superioribus verbosior fuisse videor, non apponam. Martialis & alias nominat, ut Tuccæ, Fausti, Fortunati, Gryllii, Lupi, Pontici, Severi, Poeti, Tityi, Tigillini: quibus Lampriidius addit Alexandri & Varii. Victor ultra octingentas computavit. Agrippa CLXX. gratuita balnea præbuit, quæ postea in infinitum, ut Plinius tradidit, sunt aucta.

De Nymphaïs. Nymphaea autem quid sint, duplex est opinio. Zonaras Monachus, qui de Græcorum Imperatoribus scripsit, in Leone primo, Nymphaea esse vult palatia publica, in quibus nuptias celebrarent, qui habitarent augustius: eaque ædificiis maximis, in quibus Senatus cogere-tur, plerumque adjuncta fuisse: qualia ædificia Romæ erant, curiæ, senatula, basilicæ. Alii nymphaea putant esse loca publica, delectationis gratia facta, in quæ non ut in balneas, aut thermas, propter usum aqua deduceretur, sed gratiæ potissimum atque amoenitatis causa: & à Nympharum statuis, quibus ornata fuerunt, nomen traxisse. Verum ut de forma aut usu illorum operum non satis constat, ita maxime insignia fuisse, vel illud declarat, quod aut ab ipsis Imperatoribus construerentur, ut de Nymphæo Marci, ambis-

tiosi

tiosi operis, scribit Ammianus, de Alexandri Victor, de Gordiani Capitolinus: aut ab urbis præfectis, quale Clearchus Valentiniano & Valente Impp. extruxit Constantino poli, & Flavius Philippus reparavit Romæ: sed quo tempore, incertum est. nam antiqui tantum marmoris invenimus testimonium,

FLAVIUS PHILIPPVS VIR
CLARISSIMVS PRÆFECTVS VRBI NYMPHEVM
SORDIVM SQUALORE FOEDATVM ET MAR-
MORVM NYDITATE DEFORME AD CVLTVM
PRISTINVM REVOCAVIT.

De Nymphæis veteribus nullum ad nostra aut patrum usque tempora duravit. Recens nunc est intra Neapolim & montem Vesuvium in villa Leucopetrea, cujus forma est rationalis. Edificium ex marmore quadrangulare, ad quod una solummodo porta est aditus, & aliquot gradibus descensus. Ad dextram introeunti ad caput fons est aquæ limpidissimæ, ad cuius quasi custodiam accubat Arethusa nuda ex candidissimo marmore, solum varium & marmoratum, & canali circumdatum, in quem aqua ex fonte effluit. Parietes ex conchis lapillisque albi, nigri, flavi, purpurei coloris, quasi maltha illiti: in quibus ex concharum compositione, tanquam ductibus in pictura, anni menses duodecim, & quatuor virtutes politicæ expressæ. Item raptus Proserpinæ, Pan canens fistula & mulcens gregem. Præterea imagines Nympharum nantium, navigantium, in piscibus ludentium: inter quas Helle insidens arietem, Siren delphino, Europa Tauro. In eodem ad singula latera, quatuor statux marmoreæ, Herculis leoninam gestantis, Panis agnum bajulantis, Genii cani blandientis, Najadis nudæ. Hæc nobis & de nomine, & de auctoribus, & de forma Nymphæorum lectione

atione atque inspectione sunt cognita, cupide & libenter audituris, si quis vel nostra probaverit, vel studiosos certiores docuerit.

CAP. XIX.

De thermis.

IN nullis antiquorum operibus plus luxus & insanix certitur, quam in Thermis Imperatorum, quas in provinciis modum fuisse extructas, Ammianus conqueritur, & reliquæ aliquarum adhuc testantur. Ex aut æstivæ aut hyemales fuerunt, quales uno eodemque in loco extruere instituerat Gordianus: sed morte præventus, non absolvit. Hyemales trans Tyberim Aurelianus fecit. Primum servierunt imperatoribus privatim, postea vulgatae sunt & populo, & aliquando patebant interdum, corruptioribus temporibus etiam noctu. Consuetudo mixta & communes non fuerunt, quod tamen malorum principum culpa aliis quoties factum est, quorum ne nomina quidem referre libet. Hodie omnia in urbe majora ædificia ab imperitis thermæ vocantur, propter Diocletianas & Antoninianas: quod suo quoque factum tempore, non dissimulavit Blondus. Ita insignis illa basilica, quam Augustus Cajo & Lucio Agrippæ filiis, nepotibus suis erexit, in Esquilino, corrupte appellatur thermæ Gallutii: item Cornelie gentis domus ruinæ, supra Traiani forum, Corneliorum thermæ vulgo dicuntur. Thermis, ut & aquæductibus, adjuncta erant castella, in quibus aqua conservabatur: & subiecti canales, per quos caduca aut inutilis efflueret. Castella in urbe sunt quatuor. Unum in Cælio, de quo antedictum est; tum alia duo, prius sub thermis Titi, alterum sub Diocletiani: quartum intra portam Naviam, & theatrum Statilii. Eorum parietes malthati sunt, sunt, tam tenaci & dura materia, ut vix ferro franga-

frangatur, qualem maltham in pluribus aliis vidimus castellis, ut in Prenestino, in portu Ostiensi, in monte Miseno, in piscinis sinus Bajani. Thermas secundum ætates Imperatorum ponemus, ordinem alium observare secundum situm urbis non possumus. Thermarum sola, ut & balnearum, interdum sternebantur vitro, ut de Agrippæ dictum est: frequentius lapide aut crustis marmoreis latis, aut tessellis quadratis varii coloris: nigri, ut balnea Palatina: nigri alibique, ut thermæ Commodi & Antonini: quod ipsarum adhuc demonstrant vestigia.

Agrippa. Quas inter præcipua urbis ornamenta effert Plinius, arcus & pavimenta habuerunt ex vitro: & ipse vidit eo in loco vitrea frustula effodi. Apparent in his sedilia, & scamnorum ordines. Sitæ sunt inter templa S. Mariæ rotunda, & S. Mariæ supra Minervam. Martialis lib. V.

Lassus ut in thermas decima, vel serius hora

Te sequar Agrippa.

Ante hac signum Apoxyomeni fuit, quod cum Tiberius in cubiculum suum transfuisset, magnis populi in theatro clamoribus reponere coactus est: testis Plinius.

Neronus. Quarum fornices & arcus altissimi extant prope S. Eustachium. de iisdem Martialis libro VII.

— *Quid Nerone prius?*

Quid thermis melius Neronianis?

Titi. Quarum ruina in vineis S. Petri in vinculis, & juxta S. Martini ædem multæ magnæque visuntur. Idem lib. III.

Titi ne thermis, an lavatur Agrippa?

Eas brevissimo temporis spacio in tantam amplitudinem extructas, idem prodidit lib. II.

Hic ubi miramur velocia munera, thermas,

Abstulerat miseris cæca superbus ager. Nam:

Nam in parte domus Neronianæ steterunt. Harum thermarum castellum, vulgo cisternas capaces, & septem salas nominant. Sunt autem novem sub terra camera fornicatæ, quarum unaquævis portas aliquas habet. & per us nam introiens, simul per multas ei oblique oppositas uno ordine oculos inferre potes.

Domitiani. Inter portas Flumentanam & Pincianam Cernuntur in parietinis picturæ, sed vetustate abolitæ.

Traiani. Earum ruinæ in Aventino, in vineo quodam prope templum S. Priscæ monstrantur.

Commodi. Ad radices Viminalis, in quibus ædificatum nunc est S. Pudentianæ templum: in ejusdem templi pavimento adhuc tessellæ sunt, quibus sola thermarum sternerentur.

Severi. In regione Translyberina, prope S. Chrysogonum, & S. Cæciliam.

Antonini. In latere Aventini, via Ardeatina, ab oriente adjacet templum S. Nerei & Achillei, à septentrione S. Priscæ, juxta viam S. Balbinæ, è regione S. Sixti. Tanta mole & artificio structæ, ut etiam docti architecti tales fieri posse negarent, si Spartiano creditur. Videntur earum incredibiles ruinæ, parietinæ ingentes, altissimi fornicee, pulcherrimæ columnæ semiobrutæ, maxima peregrinorum marmorum frusta projecta, pavimentum tessellatum albi nigrique coloris, varia & ampla conclavia, & in aliquot locis profunda aqua, ex ductu Appiæ fœcato & obruto fortasse adhuc reliqua.

Parti. In Aventino, circa Trajani & Decii thermas; has nescio quo auctore Syriacas dictas, scribit Albertinus. commemorat eas Victor; & repetit Volaterranus.

Alexandri. Quæ juxta Neronis fuerunt, & habuerunt

adjunctum nemus, auctore Lampridio. Alii Neronis & Alexandri eandem fuisse scribunt, quod alter fecerit, alter restituerit.

Gordiani. Leguntur duplices. Priores in monte Esquilino, quarum ruinae jacent prope S. Eusebium, via Prenestina: hae fuerunt sumptuosissimae, adeo ut Capitolinus scribat, tales praeter Urbem, nusquam orbem terrarum habuisse. Posteriores in campo Martio, quas cum Mithreo extrudere voluit; sed morte praeventus, non fecit.

Philippi. In Esquilino, post Titi thermas, inter ortum atque occasum.

Decii. In Aventino, orientem versus, in quarum ruinis nunc S. Priscæ templum dicitur extructum.

Aureliani. Trans Tyberim, infra Janiculum, in ea valle, ubi nunc S. Francisci templum est.

Diocletiani. In Viminali, quæ bonam montis partem occupant. Earum ruinae tantæ cernuntur, quantæ maximæ esse possunt, fornices altissimi, columnæ admirabiles, ædificia concamerata amplissima, quorum duo pene integra extant, unum prope S. Susannam, alterum versus vallem Esquilinam, ad quod ex interiore parte per XL. gradus ascendimus. Castellum harum thermarum figuræ mathematicæ, quæ scalenos dicitur, formam habet, pilis quadratis fultum, in prima serie pilæ quindecim, totidem in secunda, in tertia decem, in quarta quinque. Videntur in iisdem thermis ambulationes, xystra, & varia conclavia ad delectationem facta.

Constantini. In Quirinalis descensu, septentrionem versus, ex sententia Latii & Marliani. Earum magnæ ruinae, ædificia quædam quadrata, quædam rotunda, altissimis fornicibus extant: quorum unum per centum fere gradus ascendimus.

De locis sepulchrorum, & de insignibus quibusdam sepulchris: item de sepulchrorum ornamentis, ac ratione conditarum urnarum.

IN urbe olim neminem more Atheniensis populi sepelire legibus licebat, nisi Vestales, aut Imperatores, qui legibus non tenebantur; aut eos quibus id honoris virtutisque causa tribuebatur, ut Val. Publicolæ, & P. Posthumio Tuberto contigit, de quibus secundo de Legibus Cicero. C. quoque Fabricius juxta Veliam in foro sepulchrum habuit, de quo Plutarchus: C. Publicius sub Capitolio, de quo eodem in loco lapis Tiburtinus: Claudia familia sub eodem Capitolio, de qua Suetonius. Servio Sulpitio in campo Esquilino sepulchrum decrevit Cicero, de quo ipse in Philippicis. Reliqui aut privatim in agris suis condebantur: aut in viis, extra portas, tumulos habebant. Earum viarum nomina, & exempla quædam adjungere placuit.

Flaminia. In hac fuit sepulchrum Paridis pantomimi Ægyptii, Neronis liberti. Martialis lib. XI.

Quisquis Flaminiam cerus viator,

Noli nobile præterire marmor.

Item Glauciz, liberti Melioris. Idem lib. VI.

Hoc sub marmore Glaucias humatus,

Juncto Flaminia iacet sepulchro.

Et de eodem Statius II. Sylv.

— Plebs cuncta nefas, & prævia fletunt

Agmina, Flaminio qua limite Mulvius agger

Transvehit.

Fit ejusdem viæ mentio in libello Vellii Fidi Lubentii, quem cum Antiquitatis aliquot monumentis edidimus.

Salaria. In hac ad secundum lapidem fuit sepulchrum magnificentissimum Licinii, conforis Augusti, quem Satyrici insectati sunt, & Varro hōe Epigrammate, ut est apud Cornutum,

*Marmoreo tumulo Licinus iacet: at Cato parvo,
Pompeius nullo: credimus esse deos?*

In eadem fuit Marii sepulchrum.

Tiburina. In hac intra primum lapidem fuit sepulchrum Pallantis, Claudii Caesaris liberti, splendidum, & arrogantisimo titulo: de quo libro septimo & octavo Plinius ad Montanum.

Preneestina. In hac secundo ab urbe lapide sepulchrum fuit Q. Attæ, Togatarum scriptoris.

Lavicana. In hac sepultus Didius Julianus Imp. ut in ejus vita scribit Ælius Spartianus.

Campana. De qua supra inscriptionem ex epigrammatibus Romanis posuimus.

Latina. In hac à Phyllide nutrice sepultus Domitianus Imp. & in eandem inferri voluit testamento Sempronius Tucidanus. Ex sepulchro viæ Latinæ hoc epigramma refert Ausonius,

*Non nomen, non quogenitus, non unde, quidegi,
Mum in æternum sum cinis, ossa, nihil.*

*Nec sum, nec fueram, gentis tamen è nihilo sum:
Mitte, nec exprobres singula, talis eris.*

Appia. In hac (utin Parad. scribit Cicero) Calatini, Scipionum, Serviliorum, Metellorum sepulchra visa sunt, item Ennii & Archiæ poetarum: de hoc idem Cicero, de illo Ovidius. Pomponii Attici, quinto ab urbe lapide: M. Tullii Ciceronis, sexto. Gallieni Imp. nono. In eadem Theffali, medici Neronis, qui in monumento suo se iacere vult.

inſcripſit, ut ait Plin. lib. XXIX. Idem libr. X. inquit, in hac via ſepulchrum fuiſſe Corvi avis, qui duorum Æthiopum humeris elatus ſit, præcedente tibicine, & prælatis corronis omnium generum. Salpitiuſ Verulanuſ & Raphaël Volaterranuſ memoriæ prodiderunt, viſiſſe ſe integrum mulieris cadaver in hac via effoſum, oblitum craſſo unguento & incorruptum, quod alter ſuſpicatur fuiſſe Tulliolar, M. Tullii Ciceroniſ filiar; alter certum nomen non addit, ſed ex erutis marmoribus vicinis colligit, ante annos pluſ mille & trecentos fuiſſe depoſitum.

Laurentina. In qua Auguſtuſ Cæſar ancillæ ſuar, quinquæ liberos uno partu enixæ, monumentum fieri juſſit. Gelliuſ libr. X. In hac, ut recentiorèſ hiſtorici ſcribunt, ante quingentos annos cadaver effoſſum eſt, ſtatura ingenti, & ingenti vulnere in medio pectore; quod Pallantiſ Evandri filii aſſerunt fuiſſe. Hoc cum illi hiſtoriæ inſeruerint, ne hoc quidem in loco piguit referre.

Oſtienſis. De Oſtienſi, ut & Caſſia & Numentana, apud ſcriptoreſ nihil inveni: ſed in ſingulis multa epitaphiorum inſcriptioneſ effoſæ ſunt.

Aurelia. In hac ſepultuſ Galba Imp. in privato monumento, teſtante Suetonio. In eadem duorum Germanorum militum deſcripti Epitaphia, Jonii & Heſperi Batavorum, qui Tib. Claudii Cæſariſ corpore cuſtodeſ fuerunt. In hac, ut in Flaminia, Appia, Latina, pluſimi loculi & urnæ adhuc videntur.

Dicam nunc de ſepulchriſ inſignibuſ illuſtrium viroꝝ in tra urbem, & de ornamentis quorundam ſepulchroꝝ, quæ paſſim per urbem viſuntur: & ut quaſi abſolvam hunc locum, addam etiam pauca de modo condendarum urnarum.

SEPVL.

SEPVLCHRVM SCIPIONIS AFRICANI.

Sub pinu znea honorarium: nam Liternenses hospites de vero se meritò jactant. Dicitur autem in Vaticano pinus altissima znea fuisse erecta Carthaginem versus: de qua una adhuc nux aliquot pedum altitudine, antebasilicam S. Petri cernitur, vetusti operis, & inaurata.

Augusti Caesaris. In Mausolco, quod exemplo Cariz regis extructum est, in valle Martia, inter viam Flaminiam, & ripam Tyberis, post ædem S. Rochi. Moles rotunda ex immensis aggeribus, marmore olim Lunensi incrustata, cum circumjectis silvis, & amplis ambulationibus. Ad latera posuerant bini obelisci. Habuit plura ostia, & loculorum seriem intra aggerem, quorum adhuc vestigia apparent. Ante molem res gestæ Augusti æneis tabulis incisæ erant, quod ipse testamento mandaverat. A tergo lucus erat cum porticu. Interior murus reticulato opere variatus, & in media area Augusti tumulus ex niveo marmore ferreis cancellis inclusus: in cuius summo simulachrum ipse zncum. Intra tumulum & murum interiorem consistit populi. Ut autem Augusti in medio sepulchrum stetit, ita cognatorum & amicorum, cum quibus communem esse illum locum voluit, à lateribus in muro loculi effossi erant. Ovidius ad Liviam:

*Vidimus crepta moerentem stirpe sororis,
Luctus ut in Druso, publicus ille fuit:
Condidit Agrippam, quo se Marcelle sepulchro,
Et cepit generos tam locus ille duos.
Vix posito Agrippa, tumuli bene ianua clausa est:
Pæficit officium funeris ecce soror.
Ecce ter ante datæ iactura novissima Drusum,
Amagno lacrymas Casare quartus habet.*

Vide

Vide de Mausoleo Strabonem libro quinto.

Cestri. In Pyramide, proxime portam Ostiensem. Et autem Pyramis moles quadrata, quæ flammæ more, è lato ad sublimitatem acuminando gracilescit: à qua figura nomen traxisse iudico. Alii à genere lapide Thebaici, apud Ægyptios, quem *πυραμίσκος* vocant Græci, dictam autumant. Stephanus aliam rationem fabulæ magis, quam vero similem attulit, quam omitto.

Hadriani. In mole ad Tyberim, duos habuit ambitus, & duplicem columnarum ordinem. Primus ambitus quadratus ex solidis lapidibus fuit, interior mōles oblonga & præalta ex Pario marmore. Ex hoc duplici ambitu arx nunc est extructa, quæ castrum S. Angeli vocatur. Columnæ quæ circumpositæ fuerunt, ad S. Petri basilicam ornandam translatae sunt, & earum loco ad arcis munitionem alius murus circumdatus. Fuit olim commune omnium Antoninorum monumentum; id quod inscriptiones ex antiquitate reliquæ testantur.

severi. Supra Septizonium, inter Palatinum & Coeli um. De septena columnarum serie, ex qua assurgebat, tres series jam visuntur una alteri super imposita. Integra series illa est, quæ Eorum spectat, in cuius prima secundaque parte supersunt columnæ octo, in tertia sex. Intra illas columnas moles ex quadratis lapidibus assurgit, quæ in altum, pyramidis aut obelisci more, magis magisque contrahitur atque acuitur. Opus sane mirum & magnificum.

Omitto hoc loco molem pyramidalem, quæ prope Hadriani sepulchrum fuit; eam enim diruit Alexander sextus. Item alteram quadratam, supra Mausoleum in via Flaminia, Campum versus, quam demolitus est Paulus Tertius, nam etiam si constet sepulchra fuisse, tamen quorum

fuerint, incertæ & dissentientes sunt scriptorum opinionés.

In sepulchris autem, quæ hinc inde per urbem in multis locis inveniuntur, varia rerum simulachra sunt exsculpta. Ludorum curulium, quale est ante S. Cosmam & Damianum, in foro Romano & in S. Joanne Laterano, in quo etiam nocentes obijciuntur bestiis, ut in alio quodam ante S. Mariam in via lata. Equestrium certaminum, ut in S. Maria in ara Coeli, montis Capitolini. Pugnatum, ut in S. Gregorio montis Coelii. Venationum, ut in S. Laurentio in Lucina, campi Martii. Triumphorum, ut ante S. Laurentium in Panisperna, montis Viminalis, & triumphi Veneris in S. Joanne Laterano. Sacrificiorum, ut in S. Maria de Strada, inter Octavii porticum & Capitolium: & in S. Laurentio extra Esquilinam. Deorum ludentium, ut Apollinis canentis, & Narcissi jaculantis discum, in domo Augustini Maphæi: Satyrorum puellæ dormienti insultantis, in horto S. Marci: Amorum equitantium, in domo Columnensium: deorum marinorum in piscium caudas desinentium, & vehentium in eis Nymphas, ut in S. Joanne & Paulo in Cælio, in hortis S. Sabinæ montis Aventini, ante S. Thomam in regione Harenulæ: Plutonis Proserpinam rapientis, in S. Sylvestro prope arcum Domitiani, & ante S. Mariam in Cosmedim, prope Velabrum. Ventorum quatuor simulachra, in sepulchro domus Cæsæ: laborum Herculis, in domo Sabellorum, supra Marcelli theatrum: sepe vilius suppliciorum, in quibus alii capite prestantur, alius brachium saxo impositum alio saxo frangitur, in S. Maria in ara coeli, & ante ædem S. Stephani de Cacabo, in regione Pinæ. In quibusdam sepulchris exsculpta sunt ædificia, partim januis apertis, quibus dicunt animæ æternitatem significari, cujusmodi est in palatio Trivirum in Capitolio:

lio: partim clausis, qua interitus ejus una cum corpore notatur. Tale in transyberina regione in domo civis cujusdam cernitur è regione pontis Fabricii. Hæc è multis retulisse satis sit, quæ non ita accipi volo, quasi unius tantum rei imago aut effigies sit expressa, sed alia multa quæ oratione depingi in hac brevitate nequeunt, spectaculi loco addita. Quod ut intelligatur, duobus exemplis declarabo. In sepulchro sacrificantium in S. Maria de Strada: Mulier in bigis quæ à rhinocerotibus trahuntur, vehitur: ipsi animalibus duo juvenes insident, & animalia à Faunis naso ducuntur. Præcedit Thuscus fidicen, & viri nudi & muliereculæ, donec ad aram perveniant, cui fidicen canens astat, & inter cætera ludicra Faunus cornibus cum hircu concurrit. Item in altero apud S. Silvestrum: Pluto quadrigis vectus, raptam Proserpinam amplexu tenet, ex animi similem, supra quam volitat alatus Cupido, currum præcedit Mercurius alato pileo & caduceo. In altera parte, Ceres bigis invehitur, tractis à serpentibus, pînea tæda quam sinistra gestat, investigans amissam filiam. Inter hæc, ab utraque parte comites Proserpinæ flores collectos gestant, veste ultra pubem sublata. A lateribus Hercules est, leonis exuvio indutus, dextra tenens clavam, sinistra anum quandam invadens, cui verbera minitur.

Factendorum loculorum & urnarum condendarum, non admodum diversa fuit ratio, cum in Urbe, tum in reliqua Italia, atque etiam in Græcia ipsa. Marlianus scribit, antra concamerata fossionibus esse aperta, in campo Esquilino quædam unius testudinis, quædam duplicis concamerationis, ita ut ex superiore in inferiorem descenderetur. Pavimenta interdum tessellata, interdum vermiculata: in parietibus circum circa loculos extitisse, singulos cum binis

urnis. Alia quoque fuisse antra plurium parietum modico intervallo distantium, in quibus totidem urnas fuisse continguas, & exiguo post spacio rursus alias, hisce alias impostas: hac pauperum, illas divitum fuisse opinatur. Nos in agro viæ Appiæ in profundum fornicem sub terra descendimus, plenum loculorum inter se dispositorum, ex ruina autem parietum cognosci vere non potuit. Intra Putcolos & Atellam, ad utraque viæ silicibus stratæ latera, plurima sepulchrorum lustravimus monumenta: quorum ædificia partim quadrata sunt, partim rotunda. Inter cætera pulcherrimum est, quod Arcum cellæ nominant accolæ. Parietes ejus tetragoni, cum laqueari vermiculato: in ejus medio centauri imago puerum vehentis. Loculi ultra sexaginta, medii amplii, fortasse patronorum: laterales contracti, libertorum libertarumque. In loculis urnæ singulæ pluresve dispositæ fuerunt, clausæ exterius tabellis marmoreis, in quibus nomina depositorum, de more fuerunt ascripta. Testatur Cyriacus Anconitanus (cujus scriptas quasdam chartas evolvimus) se Patris in Achaia ad ædem S. Andree antrum subterraneum ex integro solidoque lapide vidisse, miro artificio fabricatum, in quod per gradus sedecim descensus fuerit, quodque sub una testudine ad tetragonos parietes habuerit loculos quatuordecim, in quibus singulis binæ aut ternæ urnæ funerales fuerint locatæ, ex quibus testimoniis non multo diversam Græcorum & Romanorum, ut diximus, urnas conjungendi rationem fuisse, est perspicuum.

CAP. XXI.

De iis, quæ nunc in urbe sunt præcipue visenda.

Romanæ urbis cadaver, omnibus pene Barbaris læterans: quibus ante oculos hodie jacet: sed gloriæ splendor & nomi-

nominis claritas, doctis pro ea propugnantibus, extinguī
nunquam poterit. De eo in superioribus, ex Græcis Lati-
nisque scriptoribus multa studiose collegi: & ne quem pro-
lixitate offenderem, modo quodam retuli. In hoc capite
nonnulla etiam alia cognitione digna, quæ à majoribus &
præsentibus hominibus ad urbis ornamentum comparata
sunt studiosorum hominum gratia addam. Antiquitatum
igitur cupidi habent domum Angeli Colocii, in campo Mar-
tio: Cæsariorum, sub Janiculo: Porciorum, in regione Pinet-
Vallarum, ad circum Flaminium: in primis vero Trium-
virum in Capitolio, & hortos Palatinos in Vaticano. Lite-
rarum amantes, instructas bibliothecas. Pontificias tres, na-
mam clausam, cui adjuncta proxime est altera, item clausa &
tertiam certis diebus & horis patentem, & Græcis ac Lati-
nis scriptoribus refertam. Præter has alix quoque sunt: a-
pud S. Mariam in ara cœli, apud S. Mariam de populo, apud
S. Mariam supra Minervam, apud S. Augustinum. Tumuli
in urbe clarorum virorum, qui ingeniis sibi decus peperce-
runt, cum suis epitaphiis sunt hi:

*Blondi Flavii, in ara cœli, ante introi-
tum templi.*

BLONDO FLAVIO FORLIVIENSI, HISTORICO CE-
LEBRI, MULTORUM PONT. ROMANORUM SE-
CRETARIO FIDELISS. BLONDI QVINQUE FILII
PATRI BENE MERENTI UNANIMES POSUERE.
VIXIT AN. LXXV. OBIT PR. NON. JUNII AN.
NO SALUTIS CHRISTIANÆ M. CCCC. LXIII. PIO
P. M. SIBI NATISQUE FAVENTE.

Nicolai Vallæ, in ipso templo.

NICOLAO DE VALLE LEG. D. BASILICÆ PRIN.
P 3^o CIPIS

CIPIS APOSTOLORUM CANONICO, LELIUS IN MEMORIAM DULCISSIMI FILII POSUIT. HIC IN VITA SUA NULLI MALEDIXIT, SINE VOLUNTA- TE PARENTIS NIHIL FECIT, MAGNO ET EX- CELLENTI CLARUIT INGENIO. ILIADDEM HO- MERI ET HESIODUM HEROICO CARMINE IN LATINUM VERTIT. OBIIT PRIMO JUVENTUTIS FLORE, MAX. OMNIYV MOESTICIA. M. CCCC. LXXIII. VI. CAL. OCTOBRIS.

Ibidem Bartholomæi, Petri, Philippi, Andreæ Valla- rum. Item Joan. Jacobi Buccabellæ poetæ, Lud. Grati Mar- gonii mathematici, Seraphini Oductii philosophi, Manilii Britanotii fatorum præfeci.

*Laurentii Valla, in Sancto Ioanne
Laterano.*

LAVRENTIO VALLAE HARVM AEDIVM SACRA- RVN CANONICO, ALPHONSI REGIS ET PON- TIFICIS MAXIMI SECRETARIO APOSTOLICOQVE SCRIPTORI. QVI SVA AETATE OMNEIS ELO- QVENTIA SVPERAVIT, CATHERINA MATER FI- LIO PIENTISS. POSVIT. VIXIT ANN. L. OBIIT ANNO DOMINI M. CCCC. LXV. CALENDIS AVGVSTI.

*Bessarionis Græci, S. Apostolo, in regio-
ne Trivii.*

BESSARIO EPISCOPVS TVSCVLANVS, S. R. E. CARD. PATRIARCHA CONSTANTINOPOLITA- NVS NOBILI GRACIA ORTVS ORIVNDVSQVE SI- BI VI.

BI VIVENS POSUIT. ANNO SALVTIS M. CCCC.
LXVI.

τὸν ἐν βησσαρίῳ ζῶν ἄνθρωπον σώματι σῆμα,
πνεῦμα δὲ Φυγεῖναι πρὸς θεὸν ἀθάνατον.

*Lascaris Græci, in templo S. Agatha, sub
Viminali.*

Λάσκαρις ἄλλοθ' ἂν γαῖῃ ἐνκαίθετο, γαῖῃ
ἔτι λίαν ζεῖναι ὡς ζεῖν μεμφομένῳ. 1
Εὐμετο μελιχίην, ἀλλ' ἀχθεταί, ὡς ἂν ἀχαιοῖς
ὅδ' ἐν χροῶν χεῖρας πατέρις ἐλευθέριον.

Petri Marfi, in S. Laurentio in Damaso.

QUÆ SOLA ELOQUII SUPĒRABAT GLORIA, ET
ILLAM,

PERDIDIMUS, TECVM VIXIT, ET INTERIIT.

*Hieronymi Aleandri apud S. Chrysogonum,
trans Tylerim.*

HIERONYMO ALEANDRO MOTTENSI E COMITIBVS
LANDKI IN CARNIA, PETRÆ FILOSÆ IN ISTRIA ORI-
VNDΟ, CARD. BRVNDVSINO, PHIL. ET THEOL. DO-
CTORI, HEBRAICE, GRÆCE, ET LATINE, ALIQVOTQVE
ALIARVM LINGVARVM EXOTICARVM ITA EXACTE DO-
CTO, VT EAS RECTE ET APTE LOQVERETVR AC SCRIB-
BERET, MOX DIVERSIS LEGATIONIBVS PRO SVMMIS
PONT. AD OMNES FERĒ CHRISTIANOS PRINCIPES
F. DELITER ET DILIGENTER PEREVNCTO ET IDĒO IN
TABEM DELAPSO, QVANTI HVMANAM MISERIAM FE-
CIRIT, SIQVENTI DISTICHO DE SE EDITO TESTATVM
POSTERIS RELIQVIT.

καίτοι

καταταται οὐκ ἀέκων, ἐν πίσσομα, ὡς Ἀπιδίτης
 πολλῶν, ὡς πτεῖ ἰδῶν ἄλγιστον ἡ θανάτου.

ANNO CHRISTI M. D. XLII. ÆTATIS SVÆ LXII.
 MINVS DIEBVX XIII.

*Valerii cordi, qui sepultus est in S. Mariā de ani-
 ma, regione Parionū.*

VALERIO CORDO SIMESVSIO HESSO, EVRICHI
 FILIO, MORIBVS INGENIO COMITATE PRÆ-
 STANTISS. DOCTORVM OMNIVM ADMIRATIO-
 NEM MERITO, QVI NATVRÆ OBSCVRITATEM
 ET HERBARVM VIREs ADOLESCENS SENIBVS
 EXPLICAVIT, CVM EXPLERI CVPIDITATE CO-
 GNOCENDI NON POSSET, PERLVSTRATA GER-
 MANIA ITALIAM ADIIT, VENETIIS IN HONO-
 RE HABITVS, ET ROMAM VIX INGRESSVS,
 SVBITO MORBO INTER AMICORVM LACHRY-
 MAS NON RECUPERABILI STVDIORVM JACTV-
 RA OPT. ÆTATE EXTINGVITVR, ANNO SA-
 LVT. M. D. XLIIII. VII. CAL. OCTOB.

INGENIO SVPEREST CORDVS, MENS IPSA
 RECEPTA EST
 COELO, QVOD TERRÆ EST, MAXIMÀ RO-
 MA TENET.

Tumuli Pontificum ænei sunt, Martini Quinti in S.
 Joanne Laterano, & Sixti Quarti in S. Petro Vaticano. Mar-
 morei, Sixti Quarti. Piorum Tertii & Secundi, Hadriani
 Sexti. Sedes pontificiæ sæpius sunt mutatæ. Aliquando fuit

fuit apud S. Sabinam in Aventino, item apud S. Mariam majorem, in Esquilino: superioribus annis apud S. Joannem Lateranum, in Coelio: nunc apud S. Petrum in Vaticano. Æstivam habitationem apud S. Marcum in capite viæ latæ exædificavit Paulus Secundus: in quo loco cellis vinæ riis impositæ sunt equorum stabula, stabulis hortus cum proceris cupressis, in horto circumcirca extructæ habitationes. Aliam in Capitolino, supra templum S. Mariæ in Ara coeli extruxit Paulus Tertius, ad cuius templi introitum, ex montis planicie per CXXXIX. gradus ascenditur, unde de altitudine novi ædificii fieri conjectura potest. Post sedes pontificias nihil admirabilius, laudeque dignius mihi visum est, quam tot per totam Urbem, ut vocantur, xenodochia, non solum publica omnium, ut amplissimum S. Spiritus, in campo Vaticano: S. Salvatoris, in Coelio: S. Mariæ de consolatione, in Velabro: S. Jacobi de Augusta, in valle Maræ: verum etiam propria singularum civitatum aut nationum, ut Florentinorum, apud S. Joannem Baptistam; Germanorum, apud S. Mariam de anima: Hispanorum, apud S. Barbatam; Gallorum, apud S. Ludovicum: Anglorum, apud S. Thomam: Flandrorum, prope turrim Argentianam: Ungarorum, prope S. Petrum: ut alia omittam, in quibus locis infiniti homines gravibus morbis laborantes domesticæque externi curantur & aluntur. Cryptæ subterraneæ, quæ latebræ & sepulchra Christianorum fuerunt, sæventibus in eos tyrannicis principibus, tribus in locis sunt. Maxima omnium, apud S. Agnetem, extra portam Viminalem: altera, apud S. Sebastianum, extra Capenam: postrema apud S. Pancratium, extra Aureliam: plena cœcationis loca, quorum D. Hieronymus & Prudentius faciunt.

unt mentionem. De domibus nobilium , & purpuratorum palatiis nihil dicam : quæ ut splendida & sumptuosa sint , tamen cum veteribus ruinis hæc nova magnificentia vix videtur comparanda.

F I N I S,







